




ა. ალგაევი



ბავთრნი
აქათანა
ხსოვნი

22

„ნაკადული“
19 თბილისი 65

P2
891.71—3
ა593

ბთარბჟინელი ვულნარა ბუთხუზი



ავტოპორტრეტი.

პირველი წიგნი

ფრთიანი დღეები ურბინოში

მხატვარი მესერ¹ ჯოვანი სანტი მიეჩვია იმ ამბავს, რომ ქალაქ ურბინოში, ჰერცოგ გვიდობალდო და მონტეფელტროს რეზიდენციაში, ცხოვრება ერთხელვე დადგენილი წესით მიდიოდა. სიმართლე რომ ითქვას. ამ წესებიდან ბევრი რამ თვით მასზე, მესერ ჯოვანი სანტიზე იყო დამოკიდებული, რადგან ეს კაცი დიდ როლს თამაშობდა ჰერცოგის სასახლის კარზე—იგი იყო რაღაც ხელოვნებისა და გართობის მინისტრისმაგვარი, მას ევალეობდა ჰერცოგის სასახლეში იმგვარად წარემართა ცხოვრება, რომ ხელგაშლილი გვიდობალდოს სახელი განთქმული ყოფილიყო არა მარტო მთელ იტალიაში, არამედ, შეძლებისდაგვარად, იტალიის ფარგლებს გარეთაც. მართლაც, სანტი სიუხვისა და სიდიადის შარავანდედს ჰყენდა ჰერცოგის ცხოვრებას და ამავე დროს გულმოდგინედ ზრუნავდა სასახლის კოლექციისათვის ხელოვნების სანიმუშო ნაწარმოებთა შექმნაზე.

მაგრამ ოფიციალური სამსახურის გარდა, სანტის ჰქონდა თავისი საყვარელი საქმეც—იგი ურბინოს ნიჭიერ ახალგაზრდა მოქალაქეებს მხატვრობას ასწავლიდა; მის მიერ აღზრდილ რამდენიმე

¹ მესერ, მესერე (იტალ.)— ბატონი.

მხატვარს ამ ღირსსახსოვარი 1489 წლისათვის უკვე თავისი მოწაფეები ჰყავდა.

მეცადინეობის დროს მესერ სანტი დიდ სიმკაცრეს იჩენდა თავისი თავისადმი; მან კარგად იცოდა საკუთარი ნიჭის ფასი და არ მიანდა თავი დიდ მხატვრად, მაგრამ ამავე დროს ისიც იცოდა, რომ ურიგო მასწავლებელი არ იყო, შეეძლო ხელოვნებაში სწორ გზაზე დაეყენებინა და პირველდაწყებითი ცოდნა მიეცა ახალგაზრდებისათვის.

ჯოვანის უყვარდა ეს მეცადინეობები და სწყინდა, რომ ხშირად იძულებული ხდებოდა შეეწყვიტა ხოლმე, რათა თავისი მოვალეობა შეესრულებინა ჰერცოგის სასახლეში.

ერთ დილას ჯოვანი სანტი სახლში ძლიერ აღელვებული დაბრუნდა, მეცადინეობა აღრე შეწყვიტა და მოწაფეებს ნაღვლიანი ხმით უთხრა:

—რამდენიმე დღით შინ წასვლა მოგიხდებათ. თავის ადგილზე დაალაგეთ ფანქრები, ფუნჯები, საღებავები და სახლისაკენ მოკურცხლეთ.

მეცადინეობის დროებით შეწყვეტის მიზეზი არ აუხსნია, მაგრამ მოსწავლეებმა ისედაც ჩინებულად იცოდნენ—ურბინოში ხომ ყოველგვარი ახალი ამბავი ელვის სისწრაფით ედება მთელ ქალაქს! აგერ, ქუჩაში მიჰქრის ჰერცოგის სასახლიდან ქალაქის მმართველობაში გაგზავნილი მაცნე, ტაძარში კი ყველაფერს ასუფთავებენ: ნიშში მდგარ ღვთისმშობლისათვის ახალი, მდიდრული ჩაცმულობა მოუტანიათ. როდესაც მესერი სახელოსნოში შედიოდა, ყველა მოსწავლემ გაიგონა, როგორ უთხრა ცოლს:

—მაჯა, ერთი უთხარი მებაღეს, მოქალაქეები გააფრთხილოს: ბევრი ყვავილი იქნება საჭირო. პატარძლის მთელი გზა ყვავილებით უნდა მოვფინოთ... კიდევ იცი, რა: არ დაგავიწყდეს, კარგად ჩარცი და რაფაელიც გამოიწყვე... .

სახელოსნოში შესვლისას ჯოვანიმ ექვსი წლის შვილს, რაფაელს, წაბლისფერ გრუზა თმაზე ალერსიანად გადაუსვა ხელი და უთხრა:

—აკრიფე შენი სურათები, რაფაელო, და წადი დედასთან: ერთი ნახოს, კამზოლი ხომ არ დაგიპატარავდა... . თქვენც გაეშურეთ

სახლებისაკენ, მეგობრებო, მაგრამ არ იცუღლუტოთ და ამ დღეებში ყველაფერი არ დაივიწყოთ, რაც გასწავლეთ. დაიცათ: ვისაც ბაღში ყვავილები გაქვთ, ყველამ მოიტანეთ. ჩვენს სახელოსნოს ჰერცოგისა და ჰერცოგინიას ვენზელიანი ყვავილწნულებით მოვრთავთ.

ყმაწვილების ჭგუფი ჟრიაბულით მოედო ურბინოს ქუჩებს. ისინი შინისაკენ მიეშურებოდნენ, რომ დაუყოვნებლივ შეესრულებინათ მასწავლებლის დავალება და თავი არ შეერცხვინათ.

* * *

როგორც კი ჯოვანი სასახლეში წავიდა, სახლში დიდი ფუსფუსი ატყდა. ცოლი და მოსამსახურე სახლის დალაგებას და სადღესასწაულო ტანისამოსის შერჩევას შეუდგნენ, მოწაფეები კი ამ დროს სახელოსნოს საზეიმოდ რთავდნენ—შიგნით თუ გარეთ ყვავილწნულებს ჰკიდებდნენ.

მოსამსახურე პატარა რაფაელს საზეიმო კამზოლზე ღიღას უკვრებდა; მან მოდლილი, ოდნავ ელაში თვალები მიაპყრო სინიორა სანტის, რომელიც ბიჭის დაჭმუჭნილ საგარეო ქუდს ასწორებდა.

საოჯახო საქმეებში გართულნი ისინი ხშირად გულღიად საუბრობდნენ წარსულზე. ერთად ცხოვრების მრავალი წლის მანძილზე მათ შორის უბრალო, მეგობრული ურთიერთობა დამყარდა.

— აი, — ამბობდა სინიორა მაჯა ნაზი, მელოდიური ხმით და თან რაფაელს ქუდს აზომებდა, — ოდესღაც ამავე ტაძარში დავიწერეთ ჭვარი მე და მესერა ჯოვანიმ. ჩვენი სახლი კი აგერ იქ, შესახვევში იდგა. შენ მაშინ ვიკართან მსახურობდი და მალე ჩვენთან გადმოხვედი. . .

— ოჰ, როდესაც გვირგვინქვეშ მდგარი დაგინახეთ, ლამაზი, ანგელოზივით სათნო, ისე ძალიან მიგამსგავსეთ ჩემს განსვენებულ ქალიშვილს, რომ ვთქვი: „აი, ვისთან უნდა ვცხოვრობდე—მეთქი! . . ყველა ღილი თავის ადგილზეა, სინიორა.

მაჯა სანტის სანდომიან სახეზე სევდიანმა ღიმილმა გადაურბინა. მან გაიხედა ფანჯარაში იმ მხარეს, სადაც მისი მშობლების სახლი იდგა. პატარა რაფაელი დედას მიეკრა. ყმაწვილს ძალიან უყვარდა წუთები, როდესაც დედა განვლილ ცხოვრებას იგონებდა.

— იცი, იღონია, — თქვა მაჯამ, — რა უცბად გაირბინეს წლებმა ქორ-

წინების შემდეგ! ძალიან კარგად ვგრძნობ თავს ჩემს ჯოვანისთან, თუმცა იგი ჩემზე ბევრად უფროსია. რომ იცოდე, რა კარგია მესერ ჯოვანი, რა მზრუნველი და კეთილი!

— მაინც რატომ არ მოგეცა რაფაელის გაძიძავეების ნება, სინიორა?

— იქნებ გგონია ფული დაენანა! ო, არა, იდონია! მართალია, ჩვენს წოდებაში არ არის მიღებული, რომ ძუძუ ვაწოვოთ ჩვენს შვილებს მაგრამ...

— მართალსა ბრძანებთ, სინიორა, თქვენ ხომ ჩარლის ოჯახიდან ბრძანდებით, ურბინოში კარგად ცნობილ ძველ ვაჭართა ოჯახიდან, მდიდარი ოჯახიდან...

— ნუთუ არასდროს არ მიაბზნია შენთვის, რატომ მოვიქეცი ასე? მხოლოდ ბამბინოს სიყვარულის გამო. . .

მან ძალიან ნაზად წარმოთქვა სიტყვა „ბამბინო“. იტალიაში ასე ეძახიან პატარა ბიჭუნას. იდონიამ რაფაელს შეხედა. როგორ ჰგავს ეს ლამაზი, გოგონასავით ნაზი. პატარა სანტი თავის ღედას!

— რაფაელო ექვსი წლის წინ! დაიბადა. ჩვენ გვეჩვენებოდა, რომ იგი ანგელოზს ჰგავდა. კიდევ ამიტომ დავარქვით მთავარანგელოზ რაფაელის სახელი. ჯოვანიმ თქვა: „იცი, მაჯა, ცოდო იქნება ეს ბავშვი სხვა ქალს ჩაუტუგდოთ ხელში. თვითონ აწოვე ძუძუ. შენ ხომ ჯანმრთელი მყავხარ, ბიჭის სამყოფი რძე გექნება“. მე მხოლოდ გავიციინე და მივუგე: „რა ჰკვიანურად გადაწყვიტე, ჩემო ჯოვანიმეთქი!“

— დიდებამ და ჰაჰამ რაღა თქვეს?

— გაუკვირდათ, მაგრამ მალე დაინახეს, რომ არც მე და არც მათი შვილიშვილი ოდნავაც არ გავმხდარვართ.

* * *

ქალაქი აპრელეებული იყო ალჟებით, დროშებით, ჰერცოგ გვილობალდოსა და ჰერცოგინია ელისაბედ გონზაგოს ღერბებიანი ტილოებით, დიდებული ხალიჩებით, ალისფერბაფთიანი თალებით, დახლართული ყვავილწნულებით; გათენებისას ყველგან გამოჩნდნენ

წითელ ტანსაცმელში გამოწყობილი მაცნეები. ყველანი ერთნაირ, მშვენიერ, წაბლა ულაყებზე ისხდნენ და ხელში მოელვარე ბუკები ეჭირათ. წკრიალა ხმით იუწყებოდნენ ჰერცოგის ქორწინების ამბავს, დაუსახელებელი არ რჩებოდათ საპატარძლოსა და სასიძოს არც ერთი ტიტული.

ქუჩები მოზეიმე ხალხით აივსო; გზაჯვარედინებზე, საქორწინო მსვლელობის მთელ გზაზე თეთრებში კონტად გამოწყობილი ბიჭები იდგნენ, რომლებსაც ხელში ყვავილებით სავსე კალათები ეჭირათ. ეს ყვავილები ნეფე-დედოფლის გზაზე უნდა მოეზნიათ. ხალხის ყრიაშულს უერთდებოდა ყველა ეკლესიის ზარის ხმა; ბავშვები და ქალიშვილები ნაზი ხმით გალობდნენ კარის პოეტის მიერ ამ შემთხვევისათვის საგანგებოდ შეთხზულ ჰიმნს. ხალხი ჰერცოგის სასახლისაკენ მიეშურებოდა.

უეკრად ქუჩებს მოედო ხმა:

— მოდიან! მოდიან!

ქათქათა თეთრ ტანსაცმელში გამოწყობილმა ბიჭებმა ქვაფენილებზე ვარდები მიმოაბნიეს; ყვავილების ფურცლები ნელი ფარფატით ედებოდა ქალაქს. ახალგაზრდა მომღერალი ვაჟებისა და ასულების პროცესია დაიწყო და ახლა უფრო ხმაძალდა აყდერდა ნაზი ხმები, ხოლო ზარებმა ვერცხლისებური წკრიალი მორთეს.

მთელი ეს ცერემონიალი გამჟრიახი ჯოვანის ნახელავი გახლდათ და ამით ამაყობდა მისი მეუღლე, რომელიც ხალხის წინ, გამორჩეულ ადგილას იდგა. სანიორა მაჯას მაგრად ჩაეველო ხელი შვილისათვის და ამბობდა:

— შეხედე, შეხედე, ჩემო რაფაელო! ახლა გამოჩნდება ოქროვერცხლით მორთულ, თეთრ, წმინდა სისხლის არაბულ ცხენებზე მჯდარი ნეფე-დედოფალი. მთელი ეს ზეიმი კი მამაშენმა მოაწყო და ყველაფერს თვითონვე ხელმძღვანელობს... აგერ, ისიც წინ დგას. შეხედე, დროშას იქნევს...

რაფაელი აღტაცებით შეჰყურებს ზეიმს, მამამისის მიერ შექმნილ დიდებულ სანახაობას.

აი, ნეფე-დედოფალი სულ ახლოს არიან. ჰერცოგისეული ცხენის ასალის ოქრო და ვერცხლი კარგად ეხამება იმ ტახტრევანის ოქროსა და ვერცხლს, რომლითაც პატარძალი მოჰყავთ. პროცესიას

ბოლო არ უჩანს; უკან მდიდრული, დიდებული ამაღა მოდის; ამაღლას, პატარა რაფაელთან ერთად, სინიორა მაჯაც უერთდება, კარიბკისაკენ მიმავალ საფეხურებზე ისინი ხვდებიან მესერ ჯოვანი სანტის. ცერემონიალი სანაქებო გამოვიდა და აღფრთოვანებულმა მამამ შვილი ხელში აიტაცა. მათ თვალი მოჰკრა ტახტრევიდან გადმოსულმა მშვენიერმა პატარაძალმა. სერიოზულ, ოდნავ ქედმაღლურ სახეზე სხივმა გადაურბინა.

საოცრად ლამაზი ბავშვი უჭირავს ხელში მხატვარ სანტის!— მისი მსგავსი ჯერ არ უნახავს ჰერცოგინიას. იგი ალერსით უქნევს თავს პატარა რაფაელს და ვარდების ხალიჩებით მოფენილ ეკლესიის კიბეებზე მიაბიჯებს.

ორლანი საზეიმოდ ჟღერს; ბრწყინვალე სამოსში გამოწყობილი მოძღვრის ხმა საერთო ყრიაშულს ვერ ფარავს.

ეკლესიიდან გამოსვლის შემდეგ სასახლეში დიდებული ნადიმი იმართება. ამ დროს კი იღონია რაფაელს ლოგინში აწვევს და თან ეუბნება:

—დაიძინე, ჩემო რაფაელო. დღეს შენი დედა და მამა საუცხოო ზეიმზე არიან, ჰერცოგის ქორწილს ესწრებიან. . . რა მდიდრული ტანსაცმელი აცვია იქ ყველას ... როგორი კერძები მიაქვთ სუფრაზე! ღმერთო ჩემო! ყველას სახელებს ვერც კი მოიგონებ. . . ჩემი ძმა დაიბარეს სამზარეულოში მისახმარებლად,—რამდენ რამეს მოჰყვება! შენ კი იძინე, ჩემო რაფაელო. . . ჰერცოგის სასახლიდან ისეთ ხილსა და ტკბილეულს მოგიტანენ, სიზმრადაც რომ არ გინახავს! . . .

* * *

მაგრამ რაფაელს არ ეძინება. დგება და ფანჯარასთან მიდის. გაზაფხულის ღამე მოკლეა, მალე ინათებს და იქნებ რამეს მაინც მოჰკრას თვალი ჰერცოგის სასახლის მხარეს.

გათენებამდე ჯერ კიდევ შორს არის. ცაზე რიგრიგობით აენთებიან ჩირალდნები და მერე ფერხულს ჩამოუვლიან მთვარის გარშემო; იქ კი, გრძელი ქუჩის გადაღმა, სასახლის ფანჯრებში მოჩანს სხვა ჩირალდნები, რომლებიც თითქოს ექიმებთან ზეცის მნათობებს, ცაზე ათასფერ კვალს სტოვებენ და ვარსკვლავთ სიკაშკაშეს ჩრდი-

ლავენ. მუსიკის შორეული ხმა ძლივს სწვდება სმენას და რაფაელს ეჩვენება, თითქოს მომღერალთა ხმები, სიცილი და მულნის წკრიალიც ესმის...

ხუმრობაა განა! მამამისი განაგებს მთელ ამ მხიარულებას სასახლეში! იგი სასახლეში სტუმრებისგანაც და მოსამსახურეებისგანაც სიკოხტავეს, სილამაზეს, წესრიგის დაცვას მოითხოვს... ისევე როგორც სკოლაში... ოდესმე იქნებ, რაფაელიც მოხვდეს ამ დიდებულ სასახლეში გამართულ ზეიმზე...

შეუმჩნევლად გაფერმკრთალდა ცის მუქი თალი და ვარსკვლავებიც გაუჩინარდნენ; შორს ცისკრის წითელი ზოლი გამოჩნდა... ჩაქრა ილუმინაცია და სახლის ახლოს ბუჩქებში ჩიტები აჟიკვივდნენ.

რაფაელმა თვალები დახუჭა და ცხადად წარმოიდგინა, როგორ ტკბებიან სტუმრები მზის ამოსვლით იქ, იმ მომხიბლავ სასახლეში. მამასთან ერთად რაფაელიც რამდენჯერმე ყოფილა სასახლეში. იქიდან არა მარტო მთელი ქალაქი, არამედ შორს, ძალიან შორს, დილის ცისფერ ნისლში გახვეული მთებიც მოჩანს.

ცამდე აზიდულან მთები. მთებს იქით კი, ამბობენ, ზღვა არისო, ადრიატიკის ზღვა, როგორც მამა უწოდებს...

აი, სადაცაა მზე ამოვა, ცას სილურჯე შეეპარება და ამ ლურჯ ცაზე მწვანე იალალებს შორის გამოჩნდება ცივი, პირქუში კლდეები.

როგორც კი წამოიზრდება, რაფაელი გააღწევს იმ ლურჯ შორეთში, იმ კლდეებთან, დახატავს მათ, დაიმახსოვრებს იმ პიტალო კლდეების ფერებს... ახლა კი ძილია საჭირო... როგორ აკრიახდნენ საქათმეში ქათმები!. უჰ, როგორ ეძინება!..

ბიჭი წვება ჩუქურთმიან, უკვე დაპატარავებულ საბავშვო საწოლში და წამსვე მაგრად იძინებს, სიზმრებისა და მოჩვენებების გარეშე...

მაჯა შემოდის ბავშვის ოთახში და ხედავს, რომ ღია ფანჯრიდან შემოჭრილი მზის სხივი დასთამაშებს შვილს სახეზე, ის კი ჯერაც ღრმა ძილშია. არაა საჭირო ბავშვის გაღვიძება; გუშინ ზეიმზე ძალიან ღელავდა და დაიქანცა. იძინოს. მხოლოდ დარაბებს დახურავს, რომ სინათლემ არ შეაწუხოს.

მზიანი ამინდი იდგა იმ დღეს, როცა რვა წლის რაფაელი მამასთან ერთად სან-ფრანჩესკოს ეკლესიისკენ გაემართა, სადაც ჯოვანი სანტი ფრესკებს ხატავდა. იგი სერიოზულად, თავმომწონედ მიჰყვებოდა მამას და თან ფუნჯები და საღებავები მიჰქონდა პატარა ქონებით. სახის ასეთი გამომეტყველება განსაკუთრებით უცნაური ჩანდა იმიტომ, რომ რაფაელს გოგონასავით ლამაზი სახე ჰქონდა.

წინათ ამ მოვალეობას უფროსი მოწაფეები ასრულებდნენ, რომლებიც საღებავებსაც აზავებდნენ ხოლმე. ისინი უკან მიჰყვებოდნენ მასწავლებელს და მისთვის საჭირო ყველა ხელსაწყო თან მიჰქონდათ, მაგრამ ერთი ხანია რაფაელს ერგო პატივი ყოფილიყო მამის თანაშემწე. ბიჭუნას ძალიან მოსწონს ეს როლი, ეკლესიის ბინდბუნდიც მოსწონს, სანთლისა და საკმეველის სუნით გაჟღენთილი შეხუთული ჰაერიც. კანდელების მოლიცლიცე შუქიც, მკრთალად რომ ანათებს ძველ ხატებზე გამოსახულ წმინდანთა სახეებსა და ნეტარი ფრანცისკო ასიზელის ქანდაკებას, მოსწონს ყავისფერ ბერულ ანაფორებში გამოწყობილი დიასუნების ნელი და უხმაურო სიარული. ყველაფერი ეს მამის საქმიანობისადმი პატივისცემის გრძნობით აღავსებს. უთუოდ მამის გზას გაჰყვება თვითონაც. ახლა მამის სახელოსნოში უფროსი ბიჭები თავს ველარ მოაწონებენ საღებავებით გათხუპნული ხელებით, ველარ ეტყვიან: „აბა, ერთი შემომხედე. ბიჭიკო, რამდენი ვიმუშავეო!“

ზოგჯერ თვითონაც რჩება თითებზე საღებავის ლაქები და სისუფთავისადმი დიდი სიყვარულის მიუხედავად, განზრახ არ იშორებს, აქაოდა, მამის შრომაში მონაწილეობა მეც მივიღეო.

ეკლესიის კარები ღიაა. ოჰო, ურბინოში სტუმრად ჩამოსული მესერ ლუკა სინიორელი უკვე აქ არის. იგი ჯოვანი სანტის ფრესკის სანახავად მოვიდა. ამ ფრესკას სანტი ფრანცისკელების მონასტრის დაკვეთით ხატავს. რაფაელი მხიარულად ესაუბრება მამის მეგობარს, ცნობილ მხატვარს, ოდესღაც ურბინოში რომ ცხოვრობდა და მუშაობდა.

— გამარჯობა, ძმაო ჯოვანი! თქვენი ნახელავის დასათვალი-

ერებლად მოვედი. — მესერ ლუკა მეგობართან ერთად ადის ფიცარ-
ნაგზე.

ფიქრებში წასული რაფაელი ხარაჩობთან რჩება. იგი მამას
ფუნჯებს აწედის, კიბის მხოლოდ რამდენიმე საფეხურზე ადის და
სერიოზულად ამბობს:

— მამი, გუშინ რომ აღრიანად გამგზავნე სახლში, მერე შეგი-
ცვლია მადონას ფერი, უფრო გაგიმუქებია. ასე ბევრად უკეთესია.
ვფიქრობ, მესერსაც მოეწონება.

ბიჭუნას ნათქვამი ცარიელ ეკლესიაში გახმიანდა; მისმა სერი-
ოზულმა მსჯელობამ ორივე მხატვარს ღიმილი მოჰგვარა. სინიორელი
მხიარულად გამოეხმაურა ტაძრის მეორე კუთხიდან.

— შენ რაღას გააკეთებ, რაფაელო, როცა ერთი გოჯით გაიზრ-
დები?

— ყველაფერს, რაც საჭირო იქნება, ყველაფერს, რასაც მოვი-
ფიქრებ, მაესტრო, — მკვირცხლად მიუგო ბიჭმა. მას ძლიერ უყვარ-
და მესერ ლუკა.

სინიორელიმ გადაიხარხარა:

— ყოჩად, რაფაელო! აი, მოკლე და ნათელი პასუხი! აი, ნამ-
დვილი ფილოსოფოსისა და ოსტატის მსჯელობა!

რაფაელმა სერიოზულად მიუგო:

— მე ფილოსოფოსიც მინდა ვიყო და ოსტატიც. მაშინ ბევრ
კარგ სურათს დაეხატავ...

ასე საუბრობდნენ სამნი.

ჯოვანი მეგობარს ეკლესიაში დაატარებდა, თავისსა და აგრეთვე
უკვე საკუთარ ფეხზე დამდგარ მოწაფეთა ნამუშევრებს აჩვენებდა.

— აბა, დღეს მეტს აღარ ვიმუშავებთ, ყმაწვილო, აკრთვე
ფუნჯები და საღებავები.

რაფაელი მორჩილად შეუდგა ვეებერთელა კალათაში საღებავ-
ებისა და მათი გასახსნელი კირის რძის ქოთნების ჩალაგებას.

დღე შეუმჩნევლად მიიწურა. წასვლის დროც დადგა. სინიორე-
ლიმ შეამჩნია, რომ რაფაელი რაღაცას ცოდვილობს ქალაღზე,
გულმოდგინედ ხატავს ნახშირით, და წამოიძახა:

— ვფიქრობდი, ნეტავ, რად გაჩუმდა ჩვენი პატარა მეგობარი
რაფაელო-მეთქი. აი, თურმე რა საქმით ყოფილა გართული. შეხედე.

შენ გხატავს; კიდევ ერთი ქალაღლიც გაუმზადებია. ალბათ, ჩემთვის. ეკლესიიდან მხიარული სიცილით წაჰოვიდნენ. რაფაელს დიდი სიფრთხილით მიჰქონდა თავისი ნახატები.

* * *

შუადღის მზე ცეცხლს უკიდებდა ეკლესიის ვიწრო ფანჯრების შუშებს.

— ცხელა, — თქვა სინიორელიმ, — ალბათ, დიდხანს დამჭირდება წიგნებში კირკიტი. ზოგი რამ უნდა წავეკითხო... მე ხომ მალე უნდა წავიდე, აქ კი, სასახლეში, დიდებუღი ბიბლიოთეკაა. რამდენი ბერძნული და ლათინური ხელნაწერია თავმოყრილი!.. ვინ არ ჩამოდის ურბინოში, გვიდობაღდოსთან! რომელ პოეტს, სწავლულსა და მხატვარს არ შეხვდებით აქ!..

მხატვარი ჰყვებოდა იმ დროის ცნობილ ადამიანებთან შეხვედრებსა და საუბრებზე, თავის საყვარელ საქმეზე. იგი ცნობიღი იყო არა მარტო როგორც მხატვარი. მას კარგად იცნობდნენ აგრეთვე როგორც სწავლულს, რომელიც მრავალი წელი იყო წერდა შრომას გეომეტრიისა და პერსპექტივის საკითხებზე.

გზადაგზა წარსულსაც იხსენებდნენ. სინიორელიმ თქვა:

— ყოვეღთვის, როცა გხედავ, მეგობარო, მახარებს შენი ბედნიერება. რა კარგი ცოლ-შვიღი გყავს! განა დიდი ხანია, რაც ნათესავეებისა და სახღის დაკარგვის შემდეგ უგზო-უკვღოდ დახეღიაღობდი, არ იცოღი, საღ გეცხოვრა, რისთვის მოგეკიღა ხელი?! ჩანს, არაფერი არ არის მარაღიული ამქვეყნაღ და უბედღურებაც ისევე წარმავალია, როგორც ბედნიერება.

თქვა და გაჩუმდა. თითოეული ჩუმად, თავისთვის იგონებდა გადაღანიღ უბედღურებას. არც იყო საჭირო ბიკს ესმინა მამის მწუხარე წარსუღის ამბავი. — დაე, ბავშვობა მაინც ჰქონდღეს უღარღელი... ჯოვანი სანტიმ კი მრავალი უბედღურება გადაიღანა.

მაჯასავით ისიც ვაჭრის ოჯახიღან იყო, ოღონღ მისი ოჯახი უფრო დაბალ წოღებას ეკუთვნოდა. სანღის, მის მშობღლებსა და წინაპრებს არ ჰქონდათ ისეთი შეღღება, როგორიც ჩარღის. ჯოვანის პაპა და მამა წვრიღ ვაჭრობას მისღევდნენ ქალაქის ახღოს, პატარა დაბაში. ოჯახის მთელ ავღადიღებას სახღი და დუქანი შეაღგენდა.

აქ იყო დებოდა ყველაფერი, რაც მეურნეობას სჭირდებოდა. იქვე ჯვერდით მიწის მცირე ნაკვეთიც ჰქონდათ. სანტები რგავდნენ და თესავდნენ ბოსტანში ყველაფერს. რაც სჭირდებოდათ; ხეხილის ბალიც გაეშენებინათ. მაგრამ მოულოდნელად უბედურება დაატყდათ თავს: დაიწყო ომი, რაც ერთმანეთის მიმართ ნიადაგ მტრულად განწყობილ წვრილ იტალიურ სამთავროებს შორის იშვიათი არ იყო. ერთ-ერთი ასეთი შინაომის დროს რომის პაპის ჯარისკაცები შეიჭრნენ ურბინოს საჰერცოგოში. ჯოვანის, იმ დროს ჯერ კიდევ პატარა ბიჭს, სამუდამოდ დაამახსოვრდა ის საშინელი, ჯოჯოხეთური დღეები, როცა ჯარი ბუგავდა და სძარცვავდა მშობლიურ ადგილებს; მათ დაწვეს სანტების სახლიც. ერთბაშად გადატაცებული ოჯახი თავშესაფრის საძებნელად ურბინოში გაიქცა. მას შემდეგ სანტები სამუდამოდ დასახლდნენ ჰერცოგის რეზიდენციაში. აღრინდელი ავლადიდებიდან თითქმის აღარაფერი შემორჩათ. ოჯახი მხოლოდ რამდენიმე წლის თავდაუზოგავი მუშაობის შემდეგ გაიმართა წელში. ახლა კი მოხერხდა უკვე წამოზრდილი ჯოვანისთვის რამდენადმე უზრუნველი ცხოვრების შექმნა.

მაგრამ ახალგაზრდა სანტის აღარ ხიბლავდა მამის საქმიანობა, ეული ხელოვნებისაკენ მიუწევდა.

იგი უკვე ორმოც წელს იყო მიღწეული, როცა ახალგაზრდა მაჯასთან ქორწინების შემდეგ რაფაელი შეეძინა. ორი წლის თავზე გარდაიცვალა უფროსი სანტი და ჯოვანი საკმაოდ დიდი ქონების მემკვიდრე გახდა. აღსრულდა ჯოვანის სანუკვარი ოცნება: მან ბოლოსდაბოლოს სახელოსნო და პატარა სამხატვრო სკოლა გახსნა. ყველა სხვა იმდროინდელი სახელოსნოს მსგავსად, აქაც ათასგვარ დაკვეთებს იღებდნენ: ხატავდნენ ხატებს, ფრესკებს, დროშებს, საკუთხეველებს, ეკლესიის კედლებს.

მრავალმხრივი ნიჭის წყალობით ჯოვანი სანტიმ ჰერცოგის სასახლეში ცერემონიამისტერისა და მხატვრის თანამდებობას მიაღწია.

ჯოვანი სანტი უამრავ დაკვეთას იღებდა და დიდი სახელიც გაუვარდა. იგი ემხრობოდა ახალ მიმართულებას, იმ მხატვრებს, რომელთაც უარჰყვეს ძველი მანერა და თავიანთ ქმნილებებში რეალიზმი, ბუნებრიობა შეიტანეს.

„რაფაელო, ალბათ, ჩემი გზით წავა და დაასრულებს ჩემს მიერ დაწყებულ საქმეს. მაგრამ მან უფრო საფუძვლიანი განათლება უნდა მიიღოს, ვიდრე მე“, — გადაწყვიტა მხატვარმა და ბიჭი უახლოეს ლათინურ სკოლაში მიაბარა.

ბედნიერ, შეხმატკბილებულ ოჯახში გაზრდილი, დამჯერი და წყნარი რაფაელი ხალისით ეუფლებოდა ცოდნას ლათინურ სკოლაში და ამავე დროს მხატვრობასაც სწავლობდა მამასთან. მაგრამ ყმაწვილმა გადაწყვიტა, განათლება საკუთარი გეგმის მიხედვით მიეღო: „მე მინდა ბევრი რამ გავაკეთო ისე, როგორც მამა აკეთებს, მაგრამ არ მინდა, რომ ათასგვარმა წვრილმანმა სამუშაომ მომწყვიტოს სურათებს. მე მხატვარი ვიქნები“.

რაფაელს მხატვრობაში მეცადინეობა სწყუროდა და ამიტომ ლათინური სკოლიდან სახლისაკენ ყოველთვის გამალებით მოეშურებოდა.

მაჯა ყოველდღე კარებთან ხვდებოდა ბიქსს, იღონია კი რაფაელის საყვარელ კერძს — ცხელ ოფელეტებს ახვედრებდა.

ადრინანი შემოდგომის ერთ დღეს, როცა ფოთლები ოდნავ შეყვითლებულიყვნენ სანტის სახლის ბაღში, რაფაელი არხებზე ხტომახტომით მირბოდა და მხიარულ, უსიტყვო სიმღერას მიიმღეროდა. მან ერთი რამ განიზრახა; უკვე დაიწყო კიდეც დედისა და იღონიას პორტრეტის ხატვა.

რაშია საქმე, რატომ არაეინ ხვდება? რას მოასწავებს ასეთი სიჩუმე?! რატომაა დაკეტილი საწოლი ოთახის დარაბები? დღისით, მზისით! კარებიც ისეა ჩარაზული, როგორც ღამით. რაფაელს შიშისაგან გული შეეკუმშა. აკანკალებული ხელით დააკაკუნა კარების რგოლით, შემდეგ მოუთმენლად დაარტყა ჩაქუჩი. ბაღში და ეზოში გამეფებულმა უჩვეულო სიჩუმემ და სიცარიელემ განაცვიფრა იგი. ღობის ხვრელიდან მამალი გამოხტა; ეს მამალი ბიქს ავისმომასწავებლად აბურძგნილი მოეჩვენა. რაფაელს უნდოდა დაეყვირა, დაეძახა ვინმესთვის, შიშისაგან ღამის გული გაუსკდა...

კარებს იქით ქოშების ნაცნობი ფლატუნი მოისმა. საგდულმა დაიჯახუნა და გამოჩნდა ტირილისაგან თვალებდასიებული იღონია.

სუნთქვაშეკრულმა რაფაელმა ხმის ამოღება ვერ შეძლო, —

ჩანთა კუთხეში მიაგდო და უხმოდ გავარდა ოთახისაკენ. იდონიამ მკლავში ხელი წაავლო და გააჩერა:

— ო, რაფაელ, იქ ნუ წახვალ... საბრალო პატარა სინიორ!

ჯერ არასოდეს არ უწოდებია ამ ქალს მისთვის საბრალო სინიორი...

თავზარდაცემული ბავშვი კარებში გაშეშდა. უცბად მამას მოჰკრა თვალი. გაფითრებული და აკანკალებული ჯოვანი სანტი მოჩვენებასავით იდგა სახელოსნოს კარებში. იგი წააგავდა მიცვალებულს, რომელიც რაფაელმა ერთხელ ეკლესიაში ნახა წესის აგების დროს. მხატვარმა რამდენიმე ნაბიჯი გადადგა; სკამზე დაეშვა და სახეზე ქვითინით აიფარა ხელები.

— მამიკო! — ჩაწყვეტილი ხმით წამოიძახა რაფაელმა და მამას მივარდა.

ჯოვანი სანტის დიდი კეთილი თვალები ცრემლებით ჰქონდა სავსე. მან შვილი მკერდზე მიიკრა:

— აღარ არის. რაფაელ. დედაშენი... დარჩა მხოლოდ ჩვილი ბავშვი...

რაც შემდეგ მოხდა, რაფაელს ძალიან ბუნდოვნად ახსოვდა. ყველაფერი საშინელ სიზმარს ჰგავდა. ზეწარგადაფარებული მკვდარი დედა საწოლზე იწვა. გვერდით კი, აკვანში, იმ ჩუქურთმიან აკვანში, რომელსაც სახლში მისი, რაფაელის დაბადების სამანსოვროდ ინახავდნენ, ცრემლად იღვრებოდა „ბამბინა“ — პატარა არსება. მისმა გაჩენამ შეიწირა მსიარული და სათნო მაჯა სანტის სიცოცხლე.

პაწია არსებას კი რაფაელმა და უნდა უწოდოს, უნდა უყვარდეს და ეცოდებოდეს, რადგან იგი მასავით ობოლია, რადგან იგი დედამისის შვილია, უმწეო არსებაა. რომელსაც ისიც კი არ შეუძლია, რომ თქვას, რატომ ტირის ან რა აწუხებს...

ცხოვრება თავიდან უნდა გომოწყოს

„ბამბინა“ ან „ბამბინელა“, როგორც ხშირად სიბრალოდ უწოდებდა ახალდაბადებულ გოგონას მოხუცი იდონია, მცირე ხანს აყრუებდა თავისი ყვირილით ჯოვანი სანტის სახლს. უღლეურ ბავშვს ძალაც არ ჰქონდა. მისი ჭირვეული ყვირილი თანდათან მისუსტდა და

მალე სულ შეწყდა. გოგონა დედასთან ერთად ერთ საფლავში და-
მარხეს.

ჯოვანი სანტი სევდამ შეიპყრო. იგი სასოწარკვეთილი, გაოგნე-
ბული შეპყურებდა ოდესღაც შესრულებულ მონახაზს, რომელზე-
დაც მაჯა ეხატა პატარა რაფაელით ხელში. და ბოლოს შეუდგა ფრეს-
კის დახატვას — მადონა ყრმით ხელში.

ეს ფრესკა დღემდეა შემონახული ურბინოში, რაფაელის სახლ-
მუზეუმში.

მხატვარი გატაცებით მუშაობდა; რაფაელი შეპყურებდა მას, ეს-
მონა მამის წუხილი და აღტაცებული იყო მისი ენერგიით. ალბათ,
არასოდეს არ მიხმარებია მამას ასე გულმოდგინედ, ასეთი სიყვარუ-
ლით, როგორც ამჟამად, არასოდეს ასე დაუზარებლად არ შეუშა-
დებია საღებავები, არ გაურეცხია ფუნჯები, როგორც ამჟამად. ზოგ-
ჯერ, როცა მარტო რჩებოდა, რაფაელი დიდხანს, უსიტყვოდ შესც-
ქროდა საყვარელი არსების სახეს, რომელიც სიკვდილმა ასე უდ-
როოდ მოსტაცა.

მწუხარებამ დაახლოვა მხატვარი შვილთან. თუ ჯოვანი სანტი
სახლში იყო, ისინი ერთმანეთს ადარ შორდებოდნენ, ხოლო ხშირად
რაფაელი თან მიჰყვებოდა მამას არა მარტო სან-ფრანჩესკოს ეკლე-
სიაში, არამედ პერსოგის სასახლეშიც. აქ რაფაელი ყველას ხიბლავ-
და სილამაზით, გულდია ხასიათით, მოხდენილობით და თავდაქე-
რით.

თავისი დროისათვის ჯოვანი სანტის საკმაოდ კარგი განათლება
ჰქონდა მიღებული და უნდოდა თავისი ცოდნა შვილისათვის გადაე-
ცა. იგი ამეცადინებდა ბიჭს მათემატიკაში, ასწავლიდა საღებავების
შეზავების და პერსპექტივის კანონებს, ესაუბრებოდა უბრალოდ, მე-
გობრულად და რაფაელიც დღითიდღე სულ უფრო მეტად უახლოვ-
დებოდა მამას.

მაგრამ მადონას — მაჯას ყურების დროს მხატვარი აუწერელ
მწუხარებას განიცდიდა დაკარგული ბედნიერების გამო. რაფაელი
ხედავდა ამას, ხედავდა იდონიაც. იქნებ, სწორედ მოხუცმა იდონიამ
ჩვეულებრივი ალალი გულით უთხრა ბატონს:

— ეჰ, თუ სახლში დიასახლისი არ არის, იქ ყველაფერი თავდა-
ყირა დგება. უდიასახლისოდ არც მარილს აქვს გემო და არც თათლს.

რამდენიმე ხნის შემდეგ მხატვარმა სადღაც სიარული იწყო; ამ-
ბობდნენ, მეზობლებთან დადისო.

ურბინო ხომ დიდი რომი არ არის, აქ ყოველი ადამიანის საქმე
და ცხოვრება ისე ჩანს, როგორც ხელისგულზე.

ერთ დილას დიდი ხნით საიდუმლოდ გადაკარგული ჯოვანი შინ
დაბრუნდა, თვალი აარიდა რაფაელს, რომელიც სახელოსნოში რაღა-
ცას ალაგებდა, და თქვა:

— შენ კი სულ მუშაობ, შვილო!

ხმა უჩვეულოდ ალერსიანი, შემპარავი ჰქონდა.

— ჰო, მამი, — მკვირცხლად გამოეხმაურა რაფაელი, — ვცდი-
ლობ ზეპირად დაეხატო ის ანგელოზი, რომელიც შენს ფრესკაზე
ვნახე ეკლესიაში.

— შესანიშნავია! მაგრამ ბევრს კი ნუ იმუშავებ...

მხატვარი გაჩუმდა, შემდეგ დარცხვენით განაგრძო:

— მინდოდა შენთვის რაღაცა მეთქვა... იცი, რა... მოწყენილი
ვარ, ძლიერ მომეწყინა მას შემდეგ, რაც იგი... დედაშენი... აღარ
არის... შენ რას იტყვი ამაზე, რაფაელო?

რაფაელს სახე მოედრებლა. მან უსიტყვოდ დაუქნია თავი.

— აი, ამიტომ გადავწყვიტე, — განაგრძო რაღაც უჩვეულო
სხვადასხვებით ჯოვანიმ, ისე, რომ არც ახსნა შეუხედავს შვილისა-
თვის. — ახალი დედა მოგიყვანო.

უკანასკნელ სიტყვებზე ენა დაება და შეხედა ბიჭს, თითქოს რა-
ღაცას ეკითხებო. რაფაელს სახეზე შიში და გაკვირვება აღებეჭდა.

— მე... მე... — გააგრძელა რაფაელმა. — მერე, ვინ, ვინ არის
ის?..

— ისა?.. — დარცხვენით გაიმეორა მხატვარმა. — მეზობლის
ქალიშვილია... კარგი ოჯახიდან... მესერ პიერო დი პარტეს ქალიშვი-
ლი. იქნებ იცნობ კიდევ: ბერნარდინა.

რაფაელმა თავი დაუქნია. აჰ, ბერნარდინა დი პარტე, წკრიალა
ხმა რომ აქვს... ოქრომჭედელი თავის დუქანში რამდენიმე ქალი-
შვილს ამუშავებს... ბერნარდინა უფროსია... ყველანი მამას ეხმარე-
ბიან დუქანში... ბერნარდინა მისი დედა... იქნება?

რაფაელმა ამოიოხრა, თვალი აარიდა მამის კითხვით სავსე თვა-
ლებს და სიტყვა ბანზე აუგდო:

— ჩვენ ცოტა გვაქვს საღებავები და სიენა¹... ხომ არ გვეყიდა? რძეც გვჭირდება ფრესკებისათვის.

რაფაელი კირწყალზე ლაპარაკობდა.

— რა გაეწყობა, წალი, იყიდე საღებავებიც... ყველაფერი იყიდე, რაც გვჭირდება...

მეტი არაფერი უთქვამთ ერთმანეთისათვის.

* * *

რამდენიმე დღის შემდეგ ოქრომჭედელ პიერო დი პარტეს ქალიშვილი ბერნარდინა ჯოვანი სანტის მეუღლე გახდა.

რაფაელი ჩვეული გულთბილობით შეხვდა დედინაცვალს, მაგრამ ძლიერ დაიოჯა ტყვილია, როცა იგი დედის ოთახში დაბინავდა და დედის ტანსაცმლის სკივრი გააღო. იღონიამ ახალ დიასახლისს საკუქნაოს გასაღებები გადასცა. როცა სამზარეულოში დაბრუნდა და მასთან საჭორაოდ მისული მეზობლის ქალი შეეკოტა, როგორ მოგეწონაო სინიორა, მხრები აიჩეჩა და წაიღუდუნა ძველი თქმულება: *Un terra di ciechi chi ha un occhio è re.*²

— რას აპირებ, მასთან საუკუნე ხომ არ უნდა გაატარო?

ქალმა გულმოსულად მიუგო:

— მე დიდი ხნის საცოცხლე აღარ დამრჩენია, ამ სახლში კი იმდენ ხანს ვიქნები, რამდენიც ობოლ ბამბინოსათვის იქნება საჭირო.

ასე ეძახდა ის რაფაელს. მოხუცი ფიჭობდა: ვინ გაუწევს ბამბინოს იმ ანგელოზის მაგივრობას, რომელიც წავიდა ქვეყანაში, სამოთხეს რომ ეძახიან და რომელიც ჯერ არავის არ უნახავს?

იღონია მართალი იყო: დედინაცვალმა ვერ გაუწია მის „ბამბინოს“ დედის მაგივრობა. წამსვე აგრძნობინა სიცივე. მთელი ცხოვრების მანძილზე ასეთი გულცივი დარჩა გერისადმი. სამაგიეროდ, რაფაელი მამას უფრო მეტად დაუმიგობრდა.

შვილთან ერთად საყვარელ ფრანცისკანულ ეკლესიაში ყოფნისას ჯოვანი ტკბებოდა თავისი ნახელებების მზერით, იგონებდა იმ

¹ სიენა (იტალ., ქალაქ სიენადან) — წითელი ფერის თიხა საღებავისათვის.

² ბრმათა შორის ცალთვლით, არს პირველი სარდალიო. (ბრმებს შორის ელაშიც მეფეა. იტალ.).

ბედნიერ დროს, როცა ჯერ კიდევ ცოცხალი იყო მაჭა, და ნაღვლიანად ამბობდა:

— რაფაელო, როცა მოვკვდები, აქ დამმარხე.

* * *

ბერნარდინა დი პარტემ ვერც ჯოვანი სანტიის ეული გული გაახარა და არც მისი ვაჟის მიმართ გამოუჩენია დიდი სიბოძო, ზრუნვა და ალერსი. ჯოვანი გრძნობდა, რომ ცხოვრებამ მისთვის სილამაზე დაკარგა: სახლი, რომელიც ასე უყვარდა, აღარ აინტერესებდა; სახელოსნოშიც უსულგულოდ მუშაობდა და მოწაფეებთანაც ცოტას მეცადინეობდა. ჯოვანიმ თავი უდროოდ დაბერებულად იგრძნო; სტანჯავდა ის ამბავი, რომ რაფაელთან წინანდებურად მეცადინეობა აღარ შეეძლო. ბიჭს ბრწყინვალე ნიჭი ჰქონდა და ჯოვანის ძალიან გაუხარდა, როცა შეიტყო, რომ ურბინოში ჩამოვიდა მისი ყოფილი მოსწავლე, იმ დროს უკვე ცნობილი მხატვარი. ევანჯელისტა დი პიანდიმელეტო. აი ვის ანდობს რაფაელს.

გავიდა რამდენიმე წელი. ჯოვანი სანტი სულ უფრო და უფრო უძღურდებოდა; მისი დღეები დათვლილი იყო... და, აი, ერთ დღეს უცებ გარდაიცვალა რაღაც მძიმე ავადმყოფობისაგან, რომელმაც გატეხა მისი დასუსტებული ორგანიზმი; სურვილის თანახმად, ჯოვანი სანტი ფრანცისკანულ ეკლესიაში დამარხეს.

თერთმეტი წლის ობოლი რაფაელი დედინაცვლისა და მეურვის— ბერ ფრა ბართოლომეოს მზრუნველობის ამარა დარჩა (ბერი ბართოლომეო მამის მხრიდან ბიძად ეკუთვნოდა). ალერსს მიჩვეულ ბიჭს მწარე დღეები დაუდგა. განსაკუთრებით გაუჭირდა მას შემდეგ, როცა დედინაცვალს გოგონა შეეძინა; ახალდაბადებულზე ზრუნვაში ბერნარდინას სრულიად დაავიწყდა გერი. გარდა ამისა, მასთან გადმოსახლდნენ მისი ყბედი და შარიანი დები. ცხოვრება სახლში აუტანელი გახდა და რაფაელი ხშირად თავს ახალ მასწავლებელთან აფარებდა...

ჩიუტი და ფიცხი ბერნარდინა დების მიზეზით. მუდამ ეჩნუბებოდა ფრა ბართოლომეოს და იღონიას. იღონია გულამომჯდარი ამბობდა თავის თავზე:

— მოხუცს კიდევ ეყოფა მოთმინება, რომ კუდიანების შესაქმენლად არ მიატოვოს საყვარელი სინიორას შვილი. მოითმინეთ, ბიჭო! მალე დავაუკაცდება, ის კი ისეთი ძუნწი არ არის, რომ სინიორას სიკვდილის შემდეგ დარჩენილ ყოველ სკუდოსა და ყოველ ჩვარს დაჰკანკალებდეს... დახეთ, როგორ ყვირიან, ყელიც არ ენანებათ! ეგ ღვთის მსახური პადრე ბართოლომეოც კარგი ვინმეა, კარგი მაგას მოუვა!..

ბიჭის ორივე მეურვე გაყვიროდა, მაგრამ ბერნარდინას უფრო მაღალი ხმა ჰქონდა. დონიჯშემოყრილი, გაწეწილი, სიცხისაგან მოღუნებული, უსაქმურობისაგან გასქელებული და დაუშნობეული, უხმობდა გერს, რომელიც ამ დროს თავის ბარგი-ბარხანას აგროვებდა, რომ გაპარულიყო ევანჯელისტა დი პიანდიმელეტოსთან; ღედინაცვლის ბოროტი შავი თვალები ცეცხლს აფრქვევდნენ:

— შეხედე, რაფაელო, რა ხდება ჩვენთან! ბიძაშენი სარგებლობს იმით, რომ მე სუსტი ქალი ვარ და ჩემი მოტყუებაც სურს და შენიც! კარგად ვიცი ცბიერი ბერების ხრიკები!

ფრა ბართოლომეო კი სულშეხუთული ხიხინებდა:

— ყურს ნუ უგდებ ამ კუდიანს, რაფაელო, მაგას უნდა ყველაფერი მიითვისოს, რაც მამაშენმა დაგიტოვა!

ღედინაცვალი მუშტებით ეძგერებოდა ხოლმე ბიძას:

— მონასტრის ვირთხავ, აღარ წაეთრევი ამ სახლიდან! შენ შეუტრაცხოფ დიდებულ სინიორ პიერო დი პარტეს პატიოსან და უმწეო ქალიშვილს?! დამპალი ცერცვის ჭამა ხომ არ მოგნატრებია, თქვენთან, მონასტერში რომ ხარშავენ ხოლმე სულის საცხონებლად? აბა ერთი მოსთხოვე, რაფაელო, ამ კვირის ანგარიში!

რაფაელი, რომელიც იძულებული იყო ანგარიში გაეწია ამ ადამიანებისთვის, აღშფოთებული და შეძრწუნებული ემუდარებოდა:

— გაჩერდით... ძია..., დედიკო... ღვთის გულისათვის, გაჩერდით... რად მინდა ყველაფერ ამის მოსმენა? ან რად მინდა ანგარიშები? მე ხომ ისე დიდი არა ვარ, რომ რაღაც ანგარიშები მოვითხოვო!

რაფაელო გარბოდა და თან მიჰქონდა საღებავების ყუთი, გარბოდა მასწავლებელთან ან მეორე ბიძასთან, ღედის ძმასთან, სიმონე დი ბატისტა ჩარლისთან. გულკეთილი ადამიანი, რომელმაც მამის

გარდაცვალების შემდეგ უმცროს დას მამობა გაუწია, რაფაელს მხარზე ხელს შემოხვევდა და ანუგეშებდა:

— აბა, აბა, ცხვირს ნუ ჩამოუშვებ. რაფაელო. ვაჟაკი არა ხარ! გული მტკივა, დაღონებულს რომ ვხედავ. შენ ხომ ზედგამოჭრილი ჩემი პატარა დაიკო მაჯა ხარ! გეყოფა. კმარა! ყველაფერი გაივლის; მოითმინე. ნურაფერს მიაქცევ ყურადღებას და ეცადე შენსას მიაღწიო! შენ ბედმა გარგუნა იყო დიდი ოსტატი, რაფაელო, და იქნები კიდევ, დამიჯერე, იქნები! სწავლის წლები მალე გაივლის... შენთვის ყველაფერს გავაკეთებდი, მაგრამ რა შემიძლია — მე ხომ არ დამნიშნეს მეურვედ!.. დამიჯერე: ყველაფერი გაივლის და მალე ფეხზე დადგები.

ეს სიტყვები, ეს ალერსიანი ხმა პატარა სანტოზე დამამშვიდებლად მოქმედებდა. იგი მადლობას უხდოდა ბიძას და მასწავლებელთან სამუშაოდ მიდიოდა.

* * *

ერთ დღეს რაფაელი ძია სიმონესთან იჯდა. უცებ კარზე კაკუნე მიისმა და ოთახში შემოვიდა უცნობი ახალგაზრდა, სანდომიანი სახის სინოროი, რომელსაც მშვიდი, ფიქრიანი გამოხედვა ჰქონდა. ძია სიმონე წამოხტა და მხიარულად წამოიძახა:

— ა, ტიმოთეო, ჩამოხვედი?! როგორ დაეიჯერო, რომ ბოლონიაში არა ხარ! მოდი, მოგეხვიო, შეხედე, რაფაელო, განა არ გითხარი, კარგი ცხოვრება გელის და ყურებს ნუ ჩამოყრი-მეთქი? ხომ ხედავ, მართალი გამოვდექი: კარგი ცხოვრება გელის, დარწმუნებული ვარ, ტიმოთეო ყურადღებას მოგაქცევს... შეხედე, ტიმოთეო, ეს რაფაელოა, ჩემი დისშვილი, მაჯასა და ჯოჯანი სანტის ვაჟი.

— ჰო, ამ ყმაწვილის შესახებ უკვე ყველაფერი ვიცი, — მიუგო სტუმარმა უბრალოდ, — სწორედ ახლა ვიყავი ევანჯელისტისთან, ყველაფერი მიაბო. აქ საკმაო ხანს დავრჩები და ვფიქრობ, სარგებლობას მოვუტან განსვენებული სანტის ვაჟს. რომელსაც ჩვენ ყველა პატივს ვცემდით...

ახალგაზრდა მხატვარი ტიმოთეო დელა ვიტე დაახლოებით ოცდაათი წლისა იქნებოდა.

რაფაელი მიხვდა, რომ ეს მისი მასწავლებლის მეგობარი იყო.

ორივენი თავდაპირველად რაფაელის მამასთან მეცადინეობდნენ, შემდეგ კი სწავლა ბოლონიაში ფრანჩესკო ფრანჩასთან დაასრულეს და იქვე დარჩნენ სამუშაოდ. ორივე მხატვარი ჩინებულად ფლობდა ნათელი, თუმცა ცივი ფერების პარმონიული შეხამების მშვენიერ, კეთილშობილურ ხელოვნებას; და ეს ხელოვნება ახლა მათგან უნდა შეესწავლა იმ ადამიანის შვილს, რომელმაც ოდესღაც თავის უბრალო სახელოსნოში მათ პირველი გაკვეთილები ჩაუტარა.

ტიმოთეო თანაგრძნობით ლაპარაკობდა:

— ვიცი რაფაელს აწეწილი ცხოვრება, მაგრამ მესერ ჯოვანი სანტის შვილს არ შეშვენის სასოწარკვეთა! იგი, როგორც მხატვარი, რომელმაც თავისი მოწოდება ჯერ კიდევ ბავშვობიდან შეიცნო, წვრილმან კინკლაობებზე მალა უნდა იდგეს და სჯეროდეს მომავალი წარმატებებისა; ჩვენ კი დავეხმარებით მას!

გამამხნევებელმა ხმამ მალამოსავით დაუამა გული რაფაელს. მას მთელი ცხოვრების მანძილზე ახსოვდა ტიმოთეო დელა ვიტესთან შეხვედრის ეს ბედნიერი დღე.

* * *

ახალგაზრდა ბოლონიელი მხატვრის სახელოსნოში სიხარულით და მონდომებით სწავლობდა საყვარელი ხელოვნების საიდუმლოებებს თხუთმეტი წლის რაფაელ სანტი. ცნობილი მხატვრის ტიმოთეო დელა ვიტეს სურათების გვერდით მორიდებით იდგა რაფაელის მოღებრტი. აქ იყო მისი პირველი ცდები, მეტნაკლებად დამოუკიდებელი ნაწარმოებები. სახელოსნოში ხშირად შემოივლიდა ხოლმე ჯია სიმონე, მას ახარებდა დისშვილის წარმატებები.

აქ სხვადასხვა თაობის სამი ადამიანის დინჯი საუბრები საათობით გრძელდებოდა და ამ საუბრებში ხშირად რაფაელს მასწავლებლთან უღამდებოდა. ბიძა და დისშვილი ერთად მიდიოდნენ ხოლმე. თავის სახლთან მესერ ჩარლი ემშვიდობებოდა ბიჭს. აქედან რაფაელი, ბიძისეული ფარნით ხელში, ურბინოს ბნელი ქუჩების გავლით, სახლში მარტო ბრუნდებოდა. კაშკაშა ვარსკვლავები ალერსით უკრავდნენ თვალს. სახლში მისვლისას ბიჭი ვერ ბედავდა კარებზე ჩაქუჩით დაკაკუნებას, რომ დედინაცვლისა და მეურვის რისხვა არ გამოეწვია. მაგრამ არც სჭირდებოდა დაკაკუნება: მოხუცი ილონიას

მახვილ სმენას არ ეპარებოდა თავისი გაზრდილის მსუბუქი ნაბიჯები და რაფაელის წინ სასწაულებრივად იღებოდა კარები.

— ჩუმად შედი შენს ოთახში. ბამბინელო... ალბათ, მოგშივდა, არა? იქ ვახშამი დაგიტოვე...

რაფაელო მისთვის ჯერ კიდევ „ბამბინელოა“, თუმცა დედინაცვალის ამბობს, თითქმის სრულწლოვანია და დროა სახლში ფული შემოიტანოსო. უმჯობესია მოეწყოს ქარგლად რომელიმე უხეირო მხატვართან, ვიდრე ასე დაეხეტებოდეს, გაუთავებლად სწავლობდეს ურბინოში დროებით ჩამოსულ მხატვრებთანო. განა ცოტაა ისეთი სახელოსნოები, სადაც აბრეგზე შეკვეთებს იღებენ და სადაც დიდოსტატობას არ მოითხოვენ?

* * *

გადიოდა წლები. რაფაელოს ჩვიდმეტი წელი შეუსრულდა. ბიძა სიმონემ და მესერ ტიმოთეომ გადაწყვიტეს, საჭიროა ჭაბუკმა სწავლა რომელიმე ცნობილ მხატვართან დაასრულოს — იგი ამის ღირსიაო. რაფაელი ბრწყინვალე ნიჭით არის მომადლებული, სწრაფად და იოლად ითვისებს ყველაფერს; ხელი მტკიცე აქვს. თვალი მახვილი, სულით სწვდება სილამაზეს და სიმართლეს ხელოვნებაში.

მშფოთვარე პირუქაში

მასწავლებლად ცნობილი მხატვარი პიეტრო ვანუჩი. მეტსახელად პერუჯინო აირჩიეს. ეს სახელი მას შეარქვეს ქალაქ პერუჯის, — უმბრიის დედაქალაქის — მიხედვით, სადაც მხატვარი ცხოვრობდა და სახელი გაითქვა. პერუჯინოს ბევრი მოწაფე ჰყავდა და მათთან ერთად ასრულებდა შეკვეთებს. სწორედ ახლა კამბიოს კრებათა დარბაზი ფრესკებით უნდა მოეხატა. მხატვარს მრავალი შეგირდი დასჭირდა და გაეხარდა კიდევ, როცა ტიმოთეო დელა ვიტემ შესთავაზა; ურბინოდან ჯოვანი სანტის შვილს ჩამოგიყვანო.

ლამაზი, სიცოცხლით სავსე ქალაქი პერუჯა სრულიად განსხვავდებოდა პატრიარქალური ურბინოსაგან. სადაც ყველა მოსახლე იცნობდა ერთმანეთს.

მთებსა და ზეთისხილის ხეების ქალებს შორის გადაჭიმული

პერუჯა პირველი შეხედვისთანავე გაოცებდათ არა მარტო ადგილმდებარეობის, არამედ შენობათა სილამაზითაც. მისი სახლები ხშირად გარედანაც და შიგნიდანაც ფრესკებით იყო მოხატული; სასახლეები, ეკლესიები და მონასტრები სამი გორაკის კალთებზე გაშლილიყო. ზოგი ქუჩა მალლა მიემართებოდა, ზოგი ქვევით, ვენახებითა და ბაღებით მოფენილ ფერდობებზე ეშვებოდა; სახლების კედლებს ხვიარა ვარდები მოჰფენოდა. მთავარი მოედნის შუაგულში ცნობილი შადრევანი აღმართულიყო. აქვე გამოდიოდა ქალაქის საბჭოს — სინიორიის გრანდიოზული, დიდებული ფასადი, მარმარილოს ბარელიეფებით მორთული ვიწრო გოთური ფანჯრების გრძელი მწკრივითა და მარმარილოს ლომებით დამშვენებული განთქმული კიბით. სინიორიის გვერდით აღმართულიყო ბანკირთა კორპორაციის საბჭო, რომლის დარბაზიც ახლა ფრესკებით უნდა მოეხატა პერუჯინოს.

1500 წელი, უმბრიის დედაქალაქში რაფაელის ჩამოსვლის წელი, ამ ქალაქისათვის ღირსსახსოვარი იყო.

მთელი საუკუნის განმავლობაში აქ წარჩინებული ოჯახები გაუთავებელ ბრძოლას ეწეოდნენ ერთმანეთს შორის პირველობისათვის. როცა ქუჩაში ჩხუბი და ბრძოლები იწყებოდა, მოქალაქეთაგან ვერავინ ბედავდა გარეთ უიარაღოდ გამოსვლას. ღამითაც და დღისითაც ხდებოდა შეტაკებები, ისმოდა ყვირილი და სულთმობრძავ ადამიანთა მუდარა, დაგვეხმარეთო! ბოლოს ერთ-ერთი გვარი გააძევეს ქალაქიდან და გამარჯვებულები, ბალონები, ზეიმობდნენ, ქუჩებში აღმართავდნენ საკურთხევლებს და მადლიერებით მუხლს იყრიდნენ მადონასა და წმინდანთა ხატების წინაშე. მატთანეები მოგვითხრობენ:

„აურაცხელი მგელი და მელია გაჩნდა. რადგან, ერთობ უხვად იშოვებოდა ადამიანთა ხორცი“.

მაგრამ გამარჯვებულ გვარს — ბალონისაც, ბოლოს და ბოლოს; დაღუპვა მოელოდა. ზაფხულში, რაფაელის ჩამოსვლის წელს, დაიწყო საშინელი ტრაგედია, რომელიც „სისხლიანი ჯვრისწერის“ სახელწოდებითაა ცნობილი.

იმავე მემატთანეებმა შემოინახეს ამ ცნობილი და ამაყი გვარის ტრაგიკული თავგადასავალი.

ბალონების გვარში განხეთქილება ჩამოვარდა. გვიდო და რი-

დოღფო ბალონების წინააღმდეგ აღსდგა ორი ძმისშვილი — გრიფონე ბალონი და კარლო ბარჩილია, რომლებმაც დევნილებისაგან, განსაკუთრებით თავზხებულადებული ავაზაკებისაგან, რაზმი შეკრიბეს. რიდოღფოს შვილი, სიმონეტო, გრძნობდა, რომ მამამისზე და მათი ოჯახის ყველა წევრზე მოულოდნელ თავდასხმას აწყობდნენ და მუხლმოყრილი ევედრებოდა ბიძამისს — გვიდოს, ნება მიბოძეთ შეთქმულების ერთ-ერთი მთავარი მოთავე სიცოცხლეს გამოვასალმოო. გვიდომ უარი უთხრა. შეთქმულთა ზრახვები ყოველგვარი წინააღმდეგობის გარეშე განხორციელდა ამ შეთქმულების მეორე ბეჭადის, ერთ-ერთი გაძევებული ნათესავის, ცნობილი პერუჯიელის — ბარანოს კარგად მოფიქრებული მზაკვრული გეგმის წყალობით.

გრიფონეში პატივმოყვარეობის გრძნობით გაცხოველებული სიძულვილი კიდევ უფრო რომ გაემძაფრებინა, ბარანომ ცილი დასწამა გრიფონეს ცოლს. ზინოვიას, თითქოსდა იგი ღალატობდა ქმარს მის ერთ-ერთ ბიძაშვილთან და, გარდა ამისა, დაჰპირდა, მტრების განადგურების შემდეგ პერუჯის სრულუფლებიანი გამგებელი შეიქნებო.

შეთქმულთა თავდასხმა ასტორე ბალონის წარჩინებულ რომაელ ქალ ლავინია კოლონასთან ქორწინების დღეს, დიდებული ნადიმის დროს უნდა მომხდარიყო, როდესაც იარაღაყრილი, შექეიფიანებული სტუმრები არავითარ განსაცდელს არ ელოდნენ. მხედველობაში იქნა მიღებული ბალონის ოჯახის იმ წევრთა სახლების განლაგებაც, რომლებიც უნდა გაეჟლიტათ და ისიც, რომ ეს სახლები ერთმანეთს კარგა მანძილითაა დაშორებული. ყოველმა შეთქმულმა იკისრა მოეყვანა თხუთმეტი „ბრავი“ — მკვლელები; თავდასხმის დანარჩენ მონაწილეთ დაცვა დაევაღათ.

15 ივლისის ღამეს საქორწილო ზეიმის დროს შეთქმულები ბალონის სახლში შეიჭრნენ. ხანჯლის ერთი დარტყმით დაეცა ნეფე ასტორე, მას მიჰყვა სიმონეტო და მისი ძმა ჯისმონდო; მოჰკლეს მოხუცი გვიდოც. დანარჩენებმა გაქცევით უშველეს თავს.

გადარჩენილებმა პერუჯის ახლო-მახლო მიდამოებში მომხრეები შეკრიბეს და მეორე დღეს ქალაქში შეიჭრნენ. აქ მათ შეუერთდნენ მეგობრები, რომელთაც ბარანო ამოჟლეტას უპირებდა.

მოედანზე, სან-ერკოლანეს ეკლესიის კიბეებზე, სადაც გრიფო-

ნეს დამალვა ეწადა. მას დაეწია ჯანპალო—პერუჯაში დაბრუნებულ
ლი მტრების ბელადი და მოკლული სიმონეტოს ძმა. ჯანპალომ თა-
ვის მომხრეებს დაუყვირა:

— აბა, ვისაც გსურთ. გაუსწორდით ამ საძაგელს! მე სხვა საქ-
მეც ბევრი მაქვს!

გამძვინვარებული ადამიანებით გარშემორტყმული გრიფონე
დაეცა.

მთავეები გაიქცნენ... ჯანპალო ბალონი პერუჯის სრულუფლე-
ბიანი პატრონი გახდა.

ტრაგიკული სცენა გათამაშდა რაფაელის თვალწინ — მან იხი-
ლა გრიფონეს უკანასკნელი წუთები, ნახა გრიფონეს დედის ტანჯვა;
ამ სცენამ დიდი შთაბეჭდილება მოახდინა მასზე...

გრიფონეს დედამ ატალანტამ შემთხვევით გაიგო შეთქმულების
ამბავი; იგი მოწმე გახდა იმისა, თუ როგორ შეურაცხყოფდა მისი
შვილი სრულიად უდანაშაულო მეუღლეს ზინოვიას, ბრალს სდებდა
მას ლალატში და იმუქრებოდა, სამაგიეროს მიეუზღავეო ჩემს მტერს.
დედა ცდილობდა დაერწმუნებინა შვილი ზინოვიას უდანაშაულობა-
ში, ემუდარებოდა უთანხმოებას ნუ ჩამოაგდებო ნათესავეებს შორის.
ვაგრამ გრიფონემ ყური არ ათხოვა. მაშინ ატალანტამ შვალი შეაჩვენ-
ნა, მტირალი, შეურაცხყოფილი რძალი ქალაქიდან წაიყვანა და თავის
ციხე-სიმაგრეში ჩაიკეტა. დედას აცნობეს შეთქმულების ამბავი, აც-
ნობეს ისიც, რომ მისი ვაჟი დამარცხებული კვდებოდა, და ატალან-
ტა, ზინოვიასთან ერთად, პერუჯისკენ გამოემურა.

აი, დედა დგას ტაძრის კიბესთან, სადაც ოდესღაც ნათლავდნენ
და ჯვარს სწერდნენ მის გრიფონეტოს¹; ახლა იგი წევს უმწეო, მო-
მაკვდავი, სისხლისაგან იცლება, მაგრამ ჯერ კიდევ სუნთქავს; გრი-
ფონეტო ხედავს დედას, რომელმაც ორი დღის წინ შეაჩვენა იგი...
მას მიეზლო სამაგიერო თავისი ვერაგობისათვის. დედა კი... დედა მუ-
ხლებზე დაეცა, დაიხარა მისკენ და უთხრა:

— გრიფონე, შვილო, გესმის ჩემი? შენ საშინელი აღსასრული
კპოვე, მე შეგაჩვენე შენ, მაგრამ ახლა გვედრები: სიკვდილის ეამს
შეუხდე მათ, ვინც ასე უწყალოდ, ასე შეუბრალებლად დაგასახიჩრა.

¹ გრიფონეტო — მოფერებითი სახელი გრიფონედან.

შეუნდე მათ. გესმის ჩემი. შვილო? შეუნდე შენს მკვლევებს და მათაც, ვინც შენ გაგაბოროტა... აი, აქ არის, ზინოვია, სრულიად უდანაშაულო ჩემი ქალიშვილი, და ისიც მოგიტყევენ შენ...

მომაკვდავს ყველაფერი ესმოდა, ქუთუთოები შეარხია, მაგრამ სიტყვის წარმოთქმა აღარ შეეძლო... სხეული გაუშეშდა, ყველაფერი გათავდა...

ატლანტამ გაარღვია მოკრძალებით გარინდული ხალხის ტალღა. აღამიანებმა თავი დახარეს დედის სულის სიღიადის წინაშე...

* * *

გრიფონეს სიკვდილის სურათი სამუდამოდ ჩარჩა ხსოვნაში რაფაელს. ყმაწვილი შეძრწუნებული იყო. ბუნდოვნად ციალებდა მის თვალწინ მქრქალი ლანდები: მომაკვდავის ლამაზი სახე და მასზე დახრილი მშვენიერი ქალის ფიგურა — განა ეს დედობრივი მწუხსარების განსახიერება არ არის?

მომსდარმა ამბავმა განსაკუთრებით იმოქმედა ურბინოს მშვიდ ცხოვრებას შეჩვეულ ყმაწვილზე. მან დიდხანს ველარ მოიკრიბა გონება... მყუდროება სწყუროდა. მაგრამ მყუდროებასა და სიმშვიდეს სამუდამოდ უნდა გამოთხოვებოდა ამ უცხო და ბობოქარ ქალაქში, უცხო აღამიანებს შორის, უცხო გარემოში მოხვედრილი რაფაელო...

* * *

დაიწყო ახალი ცხოვრება. რაფაელი აკეთებდა ყველაფერს. რასაც მანეტრო მოითხოვდა მისგან. მაგრამ ღამ-ღამობით ფიქრები და მოგონებები შემოესეოდა. აგონდებოდა ბიძა სიმონე, მესერ ტიმოთეო დელა ვიტე, იდონია, ყველა, ყველა, ვინც უყვარდა... იდონია, იდონია, ერთგული ძველი მეგობარი... იგი წავიდა თავის ძმასთან, მზარეულთან, იმავე დღეს, რა დღესაც ტიმოთეო მოვიდა პერუჯაში რაფაელის წასაყვანად. კიდევ იხილავს ოდესმე?

პერუჯინო, მისი მანეტრო, დიდების მწვერვალზე იდგა. მას მრავალი მოსწავლე ჰყავდა, რომელთაც „პერუჯინოს სკოლა“ შექმნეს. დიდი ლეონარდო და ვინჩის პარალელურად, პერუჯინომ სრულყო

პერის პერსპექტივა და ფერთა შეზავებაში უდიდეს, გაუგონარ ოსტატობას მიაღწია. თავის ნაწარმოებებში პერუჯინომ შეძლო გამოეხატა განწყობა, ნათელი სულის სილამაზე და სიფაქიზე.

პერუჯინომ შენიშნა ჰაბუკის დიდი ტალანტი. ბევრისთვის მიუღწევიაო კარგ მხატვრებთან მეცადინეობით, და მან რაფაელს მასთან ერთად ბანკირთა კორპორაციის საბჭოს დიდებულ დარბაზში მუშაობის ნება დართო. რაფაელი გატაცებით შეუდგა ჰერის მოხატვას ახალი მასწავლებლის ესკიზების მიხედვით. ცდილობდა რაც შეიძლება უკეთესად შეესრულებინა ჩაფიქრებული გეგმა. პლაფონის¹ წაგრძელებულ ოთხკუთხედს ემიჯნებოდა ექვსი სამკუთხოვანი არე, შიგ ჩართული მედალიონებით². ცენტრში იყო ხელოვნების ღმერთი აპოლონი; ირგვლივ — ძველი სამყაროს სხვა ღმერთები: არწივებშემულ ეტლში მჯდომი იუპიტერი; ომის ღმერთი მარსი; ეტლში მჯდარი ვენერა, რომელსაც მალა მიაქროლებდნენ მფრინავი მტრედები. მის გვერდით მერკური, ღმერთთა ფრთამალი მაცნე, შერე კი სხვადასხვა მითოლოგიური გამოსახულებანი.

რაფაელი მუშაობდა იმ აღტყინებით, რომელიც მთელი ცხოვრების მანძილზე შერჩა. თავისუფალ საათებში დაეხეტებოდა ქალაქში და მის მიდამოებში. პერუჯის ქუჩებში ადამიანთა ნახელავის, ქალაქის მიდამოებში კი — ბუნების ლამაზი სურათების ცქერით ტკბებოდა. კვლავ და კვლავ აკეთებდა ჩანახატებს. იგი ხშირად ეწვეოდა ხოლმე გრიფონე ბალონის დაღუპვის ადგილსაც; აქ მას თვალწინ ესახებოდა შვილის უძღურად გაჭიმული სხეული და დედის მკაცრი, დიდებული ფიგურა, მისი მწუხარებით სავსე სახე. ხედავდა აგრეთვე გრიფონეს დიდებული სასახლის დახრილ, შავ დროშასა და ყრულ ჩარაზულ ფანჯრებს. პატრონის სიკვდილის შემდეგ ეს სასახლე გაუკაცრიელდა; მოკლულის მთელი ოჯახი განმარტოებით ცხოვრობდა ქალაქგარეთ ციხე-სიმაგრეში...

პერუჯას მიდამოებში ახალგაზრდა მხატვარი ხან მონასტერში შეივლიდა, ხან ქოხში, ყველგან მომავალი სურათების მასალას ეძი-

¹ პლაფონი — ფერწერული სურათებით და რელიეფით დამშვენებული ჰერი.

² მედალიონი — აქ: ფერწერული გამოსახულება ან დეკორაციული ორნამენტი მრგვალ ან ოვალურ ჩარჩოში.

ებდა. ერთხელ, როგორღაც, რაფაელი ერთი მონასტრის ადგილმდებარეობისა და არქიტექტურის სილამაზემ გაიტაცა და იგი საკმაოდ დიდხანს დარჩა იქ სტუმრად. სტუმართმოყვარეობისათვის მადლობის ნიშნად მან ბერებს სურათი დაუხატა.

მიზანს მიაღწია

პერუჯინოს სახელოსნო უამრავ შეკვეთას ღებულობდა. იტალიის ყოველი ქალაქი ცდილობდა შეეკვეთა მხატვრისთვის ეკლესიის მფარველი წმინდანის გამობატულება. მონასტრებისა და ეკლესიების გარდა, შეკვეთებს საზოგადოებრივი დაწესებულებები და მდიდარი მოქალაქეებიც იძლეოდნენ. ეს უკანასკნელნი მოითხოვდნენ, რომ სასახლეებისა და პალაცოების კედლები მათი საგვარეულოს წევრთა გმირობის გამომხატველი ფრესკებით, ალეგორიული სურათებითა და საყვარელ წმინდანთა სახეებით მოეხატა მხატვარს.

მასწავლებელსა და მოსწავლეს შორის თავიდანვე უბრალო, მეგობრული დამოკიდებულება დამყარდა. სხვაგვარად არც შეიძლებოდა მოქცეოდა კაცი ამ ახალგაზრდას, ყოველთვის მშვიდს, აულელებელსა და მიმნდობს; იგი ყველას იზიდავდა თავისი გარეგნობითაც — ტანადობითა და მოხდენილობით, ქალივით მშვენიერი სახით და მელოდიური ხმით, ნატიფი მიხრა-მოხრით. სადად იცვამდა, ვერ იტანდა ვერაფერს თვალისმომჭრელს, მყვირალას; მუქი ხავერდის ბერეტიდან გრძელი, წაბლისფერი გრუზა თმები მოუჩანდა. და რა გასაკვირი იყო, რომ პერუჯინოს მოწაფეებსაც შეუყვარდათ ახალი ამხანაგი: იგი არავის არ ეუბნებოდა უარს რჩევასა და დახმარებაზე. ყველას მიმართ ალერსიანი იყო, მაგრამ განსაკუთრებით დაუმეგობრდა ეუზებიო და სან-ჯორჯოს.

მათი მეგობრობა კიდევ უფრო განმტკიცდა ერთი ღირსშესანიშნავი ამბის შემდეგ. სახელოსნოში, ჩვეულებისამებრ, დიდი ქოთქოთი და ახალგაზრდული ყრიაშული იდგა. აქ იმართებოდა ცხარე კამათი, კამათობდნენ რაზედაც გნებავთ, ოღონდ კი ეკამათათ. შაბათი დღე იყო, მოსწავლეები მოუთმენლად მოელოდნენ სამუშაო დღის დამთავრებას; მსჯელობდნენ იმაზე, თუ როგორ გაეტარებინათ კვირა დღე,

რომ მთელი კვირის სამყოფი შთაბეჭდილებები დაეგროვებინათ. ის-
მოდა მხიარული ხუმრობაც:

— აბა, უკეთესად გამოეწყვე: *Yesti un ciocco par un fiocco!*¹
შენ ხომ საკმაოდ უხვად არ დაუჯილდოებიხარ გრაციებს!

— ხა, ხა.. შემოინახე ფულები, მეგობარო, და დაივიწყე შენი-
საყვარელი სამიკიტნოების მისამართების თუნდაც ნახევარი...

— *Bacco e Venere ridecon l'uomo in cenere...*²

მხატვრებს უყვარდათ ამ ანდაზებისა და თქმულებების მოშვე-
ლიება, ხშირად ახსენებდნენ აგრეთვე ანტიურ ღმერთებს: აპო-
ლონს — ხელოვნების ღმერთს, ვაკსს — ღვინისა და მხიარულების
ღმერთს და ვენერას — სილამაზისა და სიყვარულის ქალღმერთს.

ამ ლაზღანდარობაში ეუზებიო არ მონაწილეობდა. იგი უხმოდ;
თავაუღებლად მუშაობდა მასწავლებლის სურათის „ყრმა იესო და
იოანე ნათლისმცემლის“ ასლზე, თითქოს არც ესმოდა მეგობრების
ლაპარაკი. გვერდით, მეორე მოღბერტთან, რაფაელი იღვა.

ეუზებიოს სამუშაო არ გამოსდიოდა. აი, უკან გადაიხარა, დანა-
მულ შუბლზე³ ხელი გადაისვა და ამოიოხრა. გამხდარი, ავადმყო-
ფური შესახედაობის ახალგაზრდა დღეს განსაკუთრებით ფერმკრთა-
ლი და ულამაზო ჩანდა; შავი, აჩეჩილი თმის ფონზე ჩაცვივნილი
ლოყები თვალში გეცემოდათ.

რაფაელი მიუბრუნდა მას:

— რა მოგივიდა, ეუზებიო? ავდა ხარ?

— დავიღალე. დილას აქეთია თავს ვიმტვრევ, ვერ იქნა და ვერ
შეეძვლი ამ ნაზი ტონის დაქერა, ფერებს ვერ ვპოულობ, თითქოს
ჯადოს შეუქრავს სურათი.

რაფაელმა მიატოვა სამუშაო, რამდენიმე წუთი ყურადღებით
ათვალიერებდა დედანს და ეუზებიოს მიერ გადაღებულ პირს, შემ-
დეგ პალიტრა, ფუნჯი აიღო და მეგობრის მიერ დაწყებული პირის-
შესწორებას შეუდგა.

— აბა, ერთი შეხედე, — თქვა მან, — ვფიქრობ, ეს ტონი სწო-
რია.

¹ „პალოს რომ ჩააცვა მზეთუნახავად მოგეჩვენება“ (ე. ი. „ჭირკს რომ კარგად
ჩააცვა, უფლისწულად მოგეჩვენება“. იტალ.).

² „ვაკსი და ვენერა ადამიანს ფერფლად აქცევენ“ (იტალ.).

ეუზებიო სიხარულისაგან აენტო.

— ო, რაფაელ! — წაიღუდუნა მან, — რა ადვილად გამოვდის. ის, რასაც ამოდ ეძებენ სხვები!

აქედან მოკიდებული, ეუზებიო მთელი ცხოვრების მანძილზე რაფაელის მეგობარი და თაყვანისმცემელი დარჩა. მიაჩნდა იგი გენიოსად, რომლის ბადალი იტალიას არა ჰყოლია. რაფაელიც თავის მხრივ დიდი სიყვარულით პასუხობდა.

* * *

...უსაზღვრო იყო ეუზებიოს აღტაცება, როცა რაფაელმა თავისი შესანიშნავი „მადონა კონესტაბილე“¹ შექმნა.

ამ სურათზე მადონას ჩვილი ბავშვი უჭირავს და წიგნს კითხულობს. მოშორებით მოჩანს მთების ჯაჭვი, რომლებიც პერუჯას მიდამოებს წააგავს, — უდაბური ბორცვები, თითო-ოროლა ხეებით, ტბა, რომელზედაც ნავი მიცურავს. ნაპირზე ორი ფიგურაა.

მზის სხივმა რაფაელს სამუშაოზე მიუსწრო — იგი სურათს ამთავრებდა.

— შენ უკვე მუშაობ! როგორც ყოველთვის.

რაფაელი შეკრთა, მუშტაბელი მოლბერტთან მიაყუდა და მობრუნდა:

— ეს თქვენა ხართ, მაესტრო? — ოდნავმა სიწითლემ გადაჰკრა შემკრთალ რაფაელს. — მე თითქმის უკვე დავამთავრე, მასწავლებელო, და გელოდებოდით. მინდოდა გამეგო, რას ფიქრობთ ჩემს სურათზე...

პერუჯინო გაიხმორა, ჯერ კიდევ მთლიანად არ იყო გამორკვეული ძილისაგან:

— სურათი... ჰმ... სურათი... რამდენიმე დღით წასული ვიყავი, დამით დაგბრუნდი, ვერ მოვასწარი გუშინ შეხედვა... ადრე კი ვნახე...

მერე გაჩუმდა. ახალგაზრდა მხატვარი გულისფანქვალით ელოდა ოსტატის სიტყვებს, ელოდა ჩუმად მიახლოებული ეუზებიოც.

— აბა... აბა, ასე რად გაშტერდი და რას დუმხარ, ეუზებიო? რას ფიქრობ?

¹ „მადონა კონესტაბილე“ ამჟამად ლენინგრადში, სახელმწიფო ერმიტაჟში ინახება.

— მე... — ენის ბორძიკით გააგრძელა ეუზებიომ.

— გაჩუმდი. ვიცი, არაფერს იტყვი, მხოლოდ გაოცებისაგან ამოიოხნებ. მე კი გკითხავ: როგორ გადაიტანე, რაფაელო, ტილოზე ეს ცოცხალი და ლაშაზი ბავშვი, რომლის მსგავსი ბუნებას არაფერი შეუქმნია?... აბა რა მეთქმის. სიმართლით სუნთქავს მთელი შენი ნაშრომი, ბავშვიც და დედაც. ვცნობ პეიზაჟსაც. როგორი შესაფერისია აქ იგი, ჩვენი უმბრიული პეიზაჟი! თუმცა, ისე ვლაპარაკობ, თითქოს აქამდე არ ვიცნობდი შენს მანერას. მაგრამ, როცა დაასრულე, ახლ უფრო ნათლად შეიძლება განსჯა, ეს არის და ეს. 'შენ დიდი მოქაველი გაქვს, რაფაელო. მიხარია, რომ იტალიას კიდევ ერთი ოსტატი, ერთი შესანიშნავი მხატვარი შეემატა.

ოსტატი გადაეხვია მოსწავლეს. ნათელმა ღიმილმა გაანათა მისი ულამაზო, ფართო სახე.

— აქ შენ დამოუკიდებელი ხარ... — დაუმატა მან. — ეუზებიო. შეხედე ყურადღებით, დატკბი შენი მეგობრის სურათით!

პერუჯინო სავარძელში ჩაეშვა (ასე მჭდომარე ხშირად ესაუბრებოდა მოწაფეებს მეცადინეობის დროს), ჩაფიქრდა, თავი გაიქნია და ღრეჯად, თითქმის მკაცრად წარმოთქვა:

— უნდა მოგელაპარაკო, რაფაელო, შენც და ყველა ჩემს მოწაფესაც. მაგრამ ჭერ შენ... ფლორენციაში გადასვლას ვაპირებ. იქ ყოველი მხრიდან მოიყარეს თავი მხატვრებმა. რა გასაკვირია, რომ მეც იმ ქალაქისაკენ მიმიწვევდეს გული. შენ, რაფაელო, და რამდენიმე შენი ამხანაგი კი უკვე ფეხზე დადექით და შეგიძლიათ დამოუკიდებლად იმუშაოთ.

* * *

რამდენიმე დღის შემდეგ მოსწავლეები ხმაურით მიაცილებდნენ მასწავლებელს ქალაქის ჭიშკრის გარეთ. ოსტატი მიდიოდა ფლორენციაში მთელი ქარავნით, თან მიჰქონდა თავისი სურათები, მოლბერტები, საოჯახო ბარგი-ბარხანა და მიჰყავდა მოსამსახურეები, რომელთაც საყვარელ პატრონთან განშორება არ ისურვებს. ხმამაღალ შეძახილებსა და სურვილებს შორის გამოსჰვიოდა სევდიანი ხმებიც: მრავალ მოსწავლეს სწავლა ჭერ არ ჰქონდა დასრულებული და ამიტომაც ახალი ხელმძღვანელი უნდა ეძებნა. ზოგი პერუჯინოს

გაჰყვა; მიდიოდა ეუზებიოც, რომელიც ჯერ კიდევ არ გრძნობდა თავს დასრულებულ ოსტატად; გულდაწყვეტილი შორდებოდა იგი მეგობარს.

რაფაელი პერუჯაში დარჩა და თავისი სახელოსნო გახსნა. „მადონა კონესტაბილეს“ შემდეგ მისი სახელი ცნობილი გახდა და შეკვეთები ყოველი მხრიდან მოზღვავედა, განსაკუთრებით ჩიტა დი კასტელოდან. ამ პატარა ქალაქში მრავლად იყო ქანდაკებებითა და ფრესკებით დამშვენებული სასახლე. სასახლეთა მფლობელები ფულებს არ იშურებდნენ შენობათა კიდევ უფრო გასამშვენიერებლად და უამრავ შეკვეთას აძლევდნენ მხატვრებს.

სან-ფრანჩესკოს ეკლესიაში გამოჩნდა რაფაელის ხატი „ღვთისმშობლისა და იოსების ნიშნობა“. თავისი ნაშრომით კმაყოფილმა ახალგაზრდა მხატვარმა პირველად წააწერა მას თავისი სახელი.

რაფაელმა პერუჯაში მცირე ხანს დაჰყო; გული სამშობლოსაკენ მიუწევდა და, მასწავლებლის წასვლიდან ერთი წლის შემდეგ, კიდევ გაემგზავრა ურბინოში.

ქაპეტ ქარიშხალი

მშვიდმა ქალაქმა ურბინომ რაფაელის ოთხი წლის არყოფნის განმავლობაში ბევრი რამ გადაიტანა. იმ არეულ დროში ურბინოს, ისევე როგორც მთელ იტალიას, მრავალი უბედურება დაატყდა თავს ცეზარ ბორჯიას უსაზღვრო სიმკაცრისა და პატივმოყვარეობის გ. ჯო. ამბობდნენ, მან მოკლა ღვიძლი ძმა და ხანჯლით ისე განგმირა პაპის მოსასხამს შეფარებული მისი უსაყვარლესი ადამიანი, რომ სისხლი სახეში შეესხა მის უწმინდესობასო; ერთი გაუფრთხილებლად ნათქვამი სიტყვისათვის ბორჯიამ ერთ მასთან დაახლოებულ პირს მოაჭრა ხელი და ენის წვერი, რომელიც ლურსმნით მიამაგრა მოჭრილი ხელის ნეკს...

ჰერცოგ გვიდობალდოს იმედი ჰქონდა, რომ რომისაგან დაშორებული ქალაქი ურბინო არ მიიქცევდა მტაცებლის ყურადღებას, მაგრამ იმედები არ გაუმართლდა. ჩვეულებრივი მზაკვრობით ცეზარი დაუმეგობრდა გვიდობალდოს.— ტყუილად კი არ ამბობდნენ, მას თვით დაუძინებელი მტრის ნდობაც კი შეუძლია მოიპოვოსო. ეს მე-

გობრობა ურბინოს ჰერცოგისათვის ტრაგიკულად დასრულდა. ცეზარი მოტყუებით დაეუფლა ურბინოს ციხე-სიმაგრეს, ხოლო უბედურმა გვიდობალობა გაქცევით უშველა თავს.

მაგრამ ვერაგი ტირანის ბატონობა დასრულდა მისი მფარველისა და მამის, რომის პაპის ალექსანდრე მეექვსის სიკვდილისთანავე, 1503 წელს.

„ფელტრო! ფელტრო!“¹ — გაისმა ქუჩებში ერთსულოვანი ყვირილი, რაც აჯანყებისაკენ მოწოდების ნიშანი იყო.

ყველა მამაკაცი შეიარაღდა და ომახიანი შეძახილებით შეჰკრეს ქუჩები. ყმაწვილკაცები და ქალებიც ეხმარებოდნენ მათ—იარაღს აწვდიდნენ, დაჭრილებს ჭრილობას უხვევდნენ, ქალაქიდან ჯარისკაცებსა და ტირანის მომხრეებს აძევებდნენ.

როცა გვიდობალობა ციხე-სიმაგრეში დაბრუნდა, მას უკვე შეეძლო აღარ შინებოდა პაპის რისხვისა და სისხლიანი შურისძიებისა: პაპის ტახტზე ავიდა იულიუს II, მისი ნათესავი და მფარველი.

ურბინოს მცხოვრებლებმა ცეზარის განდევნა ზეიმით აღნიშნეს. ზეიმზე ყველამ თვალნათლივ დაინახა, თუ როგორ შეცვლილიყო გვიდობალობა: იგი ძველებურად ხალისიანი ველარ იყო. მისი ქონებაც გაჩანაგდა, ჯანმრთელობაც შეერყა. ხოლო ამ დროს ყოველი მხრიდან ჰერცოგის სასახლეში გალატაკებული მოსახლეობის უამრავი. თხოვნა და საჩივარი მოდიოდა...

* * *

სწორედ იმ ხანებში ჩამოვიდა ურბინოში რაფაელი. ურბინოსთან მას აკავშირებდა ბედნიერი ბავშვობის მოგონებები... და როდესაც მხატვარმა ფეხი დაადგა ურბინოს ქვაფენილს, იგი მღელვარებამ შეიპყრო. დილიდან საღამომდე დაეხეტებოდა ქუჩებში, წამდაუწყუმ ხვდებოდა ძველი ცხოვრების კვალს. რამდენი სიხარული და რამდენი მწუხარება განუცდია აქ...

უპირველეს ყოვლისა, აქ არის მშობლიური სახლი და ყველაფერი, რაც მას ხელოვნებაში პირველ ნაბიჯებს აგონებს. აგერ ისიც,

¹ „ფელტრო — ჰერცოგ გვიდობალობა მონტეფელტროს სახელის ნაწილი.

ნაცნობი ფასადი ოთხკუთხი ფანჯრებითა და კარებით, რომლის გვერდით სახელურიანი ჩაქუჩი ჰკიდია. ერთ-ერთმა მოწაფემ მასზე გამოუცდელი ბავშვური ხელით უხეში სახეები გამოიყვანა, რისთვისაც მამა გაუჭავრდა კიდეც. ახლა რაფაელი სახლში უცხოსავით შევიდა, მიუხედავად იმისა, რომ დედინაცვალი თავაზიანად შეხვდა და თვალთმაქცურად ცდილობდა თავი ისე მოეჩვენებინა, თითქოს ძალიან უხაროდა რაფაელის მოსვლა.

— ოჰ, რაფაელო, ზედგამოჭრილი მამაშენი ხარ. ღმერთმა სასუფეველი დაუმკვიდროს! მიხარია, რომ მეც ცოტაოდენი წვლილი მიმიძღვის ასეთი ლამაზი და ჰკვიანი ყმაწვილის გაზრდაში! დაიკოებო. შეხედეთ, ვინ მოგვივლინა სტუმრად ღვთისმშობელმა! შენმა ამბავმა ჩვენამდეც მოაღწია, რაფაელო!

მოირბინეს დედინაცვლის ანჩხლმა და ჰირვეულმა დებმაც და რაფაელის დანახვაზე თვალთმაქცურად გაიხარეს. ოღონდაც! ახლა ის უკვე ცნობილი მხატვარი იყო; მათ ყურამდე მიაღწია იმ ამბავმა, რომ რაფაელი უამრავ შეკვეთას იღებს. მათ, ცხადია, არ უღალატეს ძველ ჩვეულებას და ახლაც აუგად მოიხსენიეს რაფაელის ყოფილი მეურვე ფრა ბართოლომეო, ძველებურად აწუწუნდნენ, ჯოვანის ქონება გაანიავაო. ლაფში სვრიდნენ აგრეთვე მეორე ბიძის, საყვარელ ძია სიმონეს სახელსაც.

რაფაელი დაბნეულად უსმენდა და თავაზიანობის გამო კამათში არ ერეოდა. დედინაცვალმა ბალიდან შემოიყვანა რაფაელის და ელისაბედი—პირწავარდნილი დედა—და დამტკბარი ხმით ურჩია, ერთმანეთს აკოცეთო. რაფაელმა ცივად მიაღო ლოყა გოგონას ლოყას. ამ გოგონასთან არაფერი ჰქონდა საერთო და ერთი ძარღვიც არ შეტოკებია. სახლში დაბნეული დადიოდა. ყველაფერი ახლებურად იყო მოწყობილი; მხოლოდ ერთმა კედელმა მიიპყრო მისი ყურადღება — ეს ის კედელი იყო, რომელზედაც უქკნობი სილამაზით ბრწყინავდა მადონა-მაჯა, დედამისი, — ჯოვანი სანტის, მამამისის ნამუშევარი...

მალე რაფაელმა დატოვა მისთვის უკვე სრულიად უცხო სახლი: მხოლოდ ერთი რამ არ არის მისთვის უცხო; ხატება დედისა, რომელიც მან გულში უნდა ატაროს.

ახალგაზრდა მხატვარი ქალაქში წავიდა, რომ თავისი საყვარელა ადამიანები მოენახულებინა.

ძია სიმონე ძველებურად გამოიყურებოდა. მხოლოდ უფრო გამელოტებულიყო, ალაგ-ალაგ შერჩენილი თმებიც სულ გასთეთრებოდა. ეტყობოდა, ველარც სათვალე შველოდა. ძია სიმონესთან იჯდა ტიმოთეო დელა ვიტე. ისინი ერთდროულად წამოხტნენ ადგილებიდან და მხურვალედ ჩაიკრეს მკერდში რაფაელი. ძია სიმონე ბებრულად ატირდა, თან გაიძახოდა:

— ჩამოხვედი... დიდი მხატვარი გახდი და მაინც არ დაივიწყე სამშობლო, არ დაივიწყე შენი ახლობლები! ჩამოხვედი... ეჰ, ვერ მოესწრო საწყალი დედაშენი ამ ბედნიერებას!..

რაფაელი დიდხანს დარჩა ძია სიმონესთან და უსმენდა იმას. რაც ურბინოში მომხდარიყო მისი არყოფნის დროს. ჰყვებოდნენ ორივენი, ბიძა სიმონეც და ტიმოთეოც. ჩქარობდნენ, ერთმანეთს არ აცლიდნენ ლაპარაკს.

სევდიანი შთაბეჭდილებებით აღსავესე რაფაელი გადია იდონიას საძებნელად წავიდა. ო, რა ძლიერ სურდა ამ კეთილი ქალის გულში ჩაკვრა!

მოხუცი მზარეული, რომელსაც მუშაობისათვის თავი დაენებებინა, მხატვარს სამწუხარო ცნობით შეხვდა:

— იგი აღარ არის, მესერ სანტი, აღარ არის. . . როგორ უყვარდით! სულ თქვენ განატრობდათ! როცა იმ წყეულმა უცხოელმა სისხლით მორწყო ქალაქი. . . შიშისაგან მოკვდა, ნამდვილად შიშისაგან. . . განა ბევრი უნდა მოხუც ქალს? . . . აქ კი ომზე უარესი იყო — ხოცვა-ჟლეტა და. . .

მოწყენილი დაბრუნდა რაფაელი ძია სიმონესთან. მწარედ ფიქრობდა: ახლა უკვე ვერავინ ეტყვის: „როგორ გაზრდილხარ, ჩემო ბიჭიკო! ნახე დედინაცვალი? ეჰ, აბა რა გვეთქმის ამ ქალზე? ეს დედა არ არის, არა. . . მხოლოდ უნდა გახსოვდეს: დედად გერგო — და რას უზამ? კი, შეილიყო, როგორც იტყვიან“: „In terra di ciehi chi ha un occhio solo é re“..¹

დაეხეტებოდა რაფაელი ქალაქში და გულში რალაც ტკბილი ტკივილი უტრიალებდა. სასახლეში, ბიბლიოთეკაში ყველა მხატვა-

¹ ბრძამთა შორის ცალთვალიო, არს პირველი სარდალიო (ბრძებს შორის ელაშიც შეფეა (იტალ.).

რი და სწავლული თავისუფლად შედიოდა. სასახლეში რომ გაეგოთ ჯოვანი სანტის შვილი, პერუჯაში სახელგანთქმული რაფაელი ჩამოვიდაო, უეჭველად ხელებგაშლილი შეეგებებოდნენ. მაგრამ ჰერცოგი და ჰერცოგის მეუღლე ამ საათებში ისვენებდნენ.

რაფაელმა ფეხი შედგა მშვენიერი მარმარილოს კიბის პირველ საფეხურზე, სადაც ჯერ კიდევ ბავშვობაში დადიოდა; იგი მღელვარებამ შეიპყრო.

სასახლე თითქმის არ შეცვლილა. ისევე, როგორც ბავშვობაში, რაფაელი ახლაც განაცვიფრა მისმა სიდიადემ. დარბაზები აოცებდა მნახველს მორთულობით, ანტიური ქანდაკებებით, ფრესკებისა და სურათების სიმრავლით, რომელთა შორის მან იცნო პიერო დელა ფრანჩესკას ნამუშევრები: ცოცხლებივით იცქირებოდნენ განსვენებული ჰერცოგი და მისი მეუღლე პორტრეტებიდან, რომლებიც ჯერ კიდევ რაფაელის დაბადებამდე დახატეს. . .

აი, ბიბლიოთეკაც, რომელმაც სახელი გაითქვა იტალიის საზღვრებს გარეთ. აქ შეკრებილია ფილოსოფოსების, იურისტების, ღვთისმსახურების, პოეტების ხელნაწერი ნაწარმოებები სხვადასხვა ენებზე. იტალიურ ენაზე—დანტე, პეტრარკა, ბოკაჩიო. აქ რამდენიმე ათასი ტომია. მოხუცი ჰერცოგი ფედერიგო მთელი სიცოცხლე აგროვებდა ამ საუნჯეებს; მას ჰყავდა ბიბლიოთეკარი, რომელიც დიდ ყურადღებას აქცევდა ბიბლიოთეკის შევსებას ხელნაწერებით. —მესერ აგაბიტოს სახელი მოქალაქეებს დღესაც ახსოვდათ.

რაფაელი ისე შედიოდა კარადებით დახერგილ ვეებერთელა დარბაზში, როგორც ტაძარში. კედლები მუქი შინდისფერი ხავერდით იყო დაფარული. მოზაიკურ იატაკზე ხალიჩა ეფინა და ამიტომ ნაბიჯების ხმა სრულებით არ ისმოდა. ირგვლივ მეფობდა საოცარი, დიდებული სიჩუმე, ასე რომ უყვარდა ბავშვობიდანვე რაფაელს. მოსამსახურემ შეუმჩნევლად, უხმოდ ჩამოათარა მის უკან მუქი ბროწეულისფერი ფარდა, რომელზედაც ბუნდოვან კონტურებად მოჩანდა ოქროქარგული ქსოვილის უცნაური სურათები—შორეული ფლანდრიის ოსტატური ნაკეთობა.

მაგიდასთან გადაშლილ ხელნაწერ წიგნზე ვილაცა კაცი დახრილიყო. მკითხველმა თავი ასწია. ეს იყო ლამაზი ახალგაზრდა კაცი, რომელსაც ხვეული შავი თმა ჰქონდა, მაღალ შუბლზე კულულები

ოდნავ ჩამოშლოდა. რაფაელს მისი სახე ნაცნობი ეჩვენა. ჰო, ეს ხომ ახალგაზრდა პოეტია, რომელიც პატარაობიდანვე ახსოვდა: იგი როგორც ამბობდნენ, ჰერცოგინია ელისაბედ გონზავოს აღმერთებდა, არ შეეძლო დიდხანს მისგან მოშორებით ცხოვრება და ახლა ურბინოს სასახლის სამსახურში იმყოფებოდა. ეს პოეზიის მცოდნე და თვითონ პოეტი, გრაფი ბალთაზარე კასტილიონეა. მაშინვე იცნო ჯოვანი სანტის შვილი, ახლა უკვე ცნობილი მხატვარი, რომელსაც ჰერცოგი გვიდობაღლო იწვევდა პერუჯადან რაღაც შეკვეთების შესასრულებლად. კასტილიონემ უბრალოდ თქვა:

— თქვენ აქა ხართ? ჰერცოგისათვის ეტყობა, ჯერ არავის მოუხსენებია თქვენი ჩამოსვლა, მესერ სანტი.

— გავიგე, რომ ჰერცოგი ამ საათებში არავის არ იღებს, მაგრამ ვერ მოვითმინე, ძალიან მინდოდა აქ შემოხედვა...

— მესმის, — მიუგო კასტილიონემ.

რაფაელმა გაიფიქრა, ეს ფერმკრთალი, შთაგონებული სახე კარგი მოდელი იქნებაო ტრუბადურის დასახატავად. დიან, ნამდვილი პროვანსელი ტრუბადურია!..¹

კვლავ გაისმა პოეტის ნარნარი ხმა:

— მე კი ვსარგებლობ ყოველი წუთით, რომ აქ დავყო და ვესაუბრო წარსულის სიბრძნეთა დამცველებს, დიად მოაზროვნეებს... თან არცთუ ისე უძველესებს. მე ვკითხვლობ პეტრარკასა და ბოკაჩოს.

რაფაელმა მიუთითა გვერდით მდებარე ბატის ფრთაზე:

— ამონაწერებს აკეთებთ?

— არა, — მიუგო კასტილიონემ, — თვითონ ვცდილობ წერას. მე ბევრი რამ მაქვს ჩაფიქრებული. მაგრამ როდის და რას გავაკეთებ, ჯერ არ ვიცი, გაკეთება კი ბევრისა მინდა. აი, დავიწყე ჩემი „ეპილოგები“, მათ ნელა დავწერ, რომ გამოგკვეთო ისე, როგორც კარგ ფოლადს ჰედავენ მახვილისათვის. ესეც მახვილი უნდა იყოს — მახვილი სატირისა. ჯერჯერობით კი ჩვენს დიდებულ პოეტებს ვკით-

1. პროვანსელი ტრუბადური — მოხეტიალე პოეტი და მომღერალი პროვანსიდან (სამხრეთი საფრანგეთი).

ხულობ. შეხედეთ, დღეს საღამოს საზოგადოებაში... პერცოგინიას-
თან... პეტრარკას ეს ორი სონეტი მინდა წაიკითხო:

— რას იტყვი, სულო? რას გვიმზადებს ბედი და წერა?
გველის მშვიდობა თუ ბრძოლაში ვიქნებით მარად?
— აბა რა ვითხრათ? შეშფოთებას ველარა ვფარავეთ;
უბედურებამ დაგვინისლა ნათელი მზერა...

შემდეგ თვითონ წაიკითხეთ, მესერ სანტი. აი, ბოკაჩიოც:

დაეცა სიმხნე და ღირსება ჩამქარა სრულად,
...გამხდარა ცოლი საზიარო კვლავ იტალია.
კასტალის მუხამ ჩილურის წყალი დალია,
არეინ ახსენებს, და პატივსაც არ სცემენ სულა!

განა თქვენ არ გრძნობთ, სინიორ, როგორ ეხმიანება ეს ფრაზა
ჩვენს გრძნობებს...

...გამხდარა ცოლი საზიარო კვლავ იტალია.

განა დიდი ხანია, რაც აქ ავაზაკი და მძარცველი ცეზარე ბორჯია ბა-
ტონობდა?

მღელვარებისაგან ხმა უკანკალებდა. არც მას, არც რაფაელს,
საუბარში არ გაუგიათ კაბის შრიალი და არ დაუნახავთ შეუმჩნევე-
ლად გადაწეული ფარდიდან როგორ გამოჩნდა ბაც ცისფერ, მდიდ-
რულ ტანსაცმელში გამოწყობილი ტანადი ქალი. მის ღია ფერის
ფარჩაზე ლამაზად ეფინა ბრწყინვალე ოქროსფერი კულულები.
არავითარი ზედმეტი მორთულობა არ ჰქონდა, გარდა თხელი ფერო-
ნიერისა²; შუბლს დიდი მარგალიტი უმკობდა.

დაბალი მოლულუნე ხმით მან წაიკითხა სონეტის ბოლო სტრი-
ქონები:

ვიტიროთ ერთად, ასეთია დღეს ჩვენი ხვედრი!
ეთილმოწყალე ფორტუნას დროს, ახალ ყოფაში
შემოქმედება გადაიქცა მანკიერებად.

1 თარგ. ა. გ ე ლ ო ვ ა ნ ი ს ა.

2 ფერონიერა — აქ: მორთულობა ვარცხნილობისათვის.

—გამარჯობათ, სინიორებო! ვიმედოვნებ, ხელი არ შემიშალა თქვენი საუბრისათვის? მიყვარს ეს სონეტი და ზეპირად მახსოვს კიდევ.

ეს იყო ჰერცოგინია ელისაბედ გონზაგო, რომელიც რაფაელმა ნახა ბავშვობაში, ტახტრევანის ფარდებს შორის, საქორწილო ზეიმის დროს... იგი ცნობილი მასწავლებლის, ჰუმანისტ ვიტორინო და ფელტროს ყოფილი მოწაფეა და კასტილიონეს შთამაგონებელი. ხშირად ატარებს დროს ამ ოთახში, სადაც მხოლოდ წიგნების ყდების შესაკრავთა ხმაური არღვევს სიჩუმეს.

—მაესტრო რაფაელი!—თქვა წყნარად ქალმა.—ჩვენი საყვარელი სანტის შვილი... ნუთუ იგი თავისი ქმნილებებით არ დაამშვენებს ჩვენს სახლს, სადაც ოდესღაც მისი მამა მუშაობდა?

1

■

რაფაელმა ჰერცოგ გვიდობალდოს შეკვეთით ორი პატარა სურათი დახატა, რომლებიც მცირე ხნის წინ ურბინოს თავზე დატეხილ უბედურებას ასახავდნენ. ორი გმირი—წმიდა გიორგი და მთავარანგელოზი მიხეილი — ძლევს ბოროტებას.

იმავე წელს რაფაელი ფლორენციაში გაემგზავრა.

მ ს ტ ა ტ მ ბ ა

ფლორენცია

მშენებელია პერუჯა. მყუდროებისა და ბავშვობის ბედნიერი წლების მოგონებების სიო ქროდა ურბინოდან, მაგრამ რაფაელს ეჩვენებოდა, რომ ვერაფერი შეედრება ხმაურიან, მდიდარ, ბრწყინვალე ფლორენციას—ხელოვნების, მეცნიერებისა და მრეწველობის ცენტრს. ფიეზოლედან¹ იშლება ურიცხვი მდიდრული სასახლისა და ქუჩათა ლაბირინთის ხედი; მაღლა ცას ებჯინება სასახლეების მაღალი კოშკები და მონასტრების სამრეკლოები. ხან აქ, ხან იქ თვალს იტაცებს ქანდაკებები და ბარელიეფები.

რაფაელი ქალაქში მხოლოდ იმიტომ კი არ დაეხეტებოდა, რომ ქალაქის სილამაზით დამტკბარიყო. იგი ეძებდა მხატვრებს, რომლებთანაც მეგობრობას ესწრაფვოდა და შემთხვევით შევიდა სან-მარკოს მონასტერში. შეკარემ ჭიშკარი გაუღო. ხმელ ფოთლებში ჩამალული მონასტრის ბაღი ერთიანად ოქროსას ჰგავდა. ოქტომბრის დღე იდგა და შემოდგომას ირგვლივ ყველაფერი ლამაზი ფერებით მოექარგა. როგორც კი ჭიშკრის ზღურბლს გადააბიჯა, რაფაელს თვალი მოსტაცა ფერების ლივლივმა—ბაცი მწვანე შეუმჩნევლად გადადიოდა ყველა ტონის ყვითელ ფერში, მერე კი მეწამულში. ამ ფონ-

1. ფიეზოლე — ქალაქი, რომელიც მაღალ გორაკზე, ფლორენციის ახლოს მდებარეობს.

ზე არაჩვეულებრივ ჰარმონიული ჩანდა ყავისფერი ანაფორები ბერებისა, რომლებიც ფოთლებს ხვეტდნენ. უკან კი, ველზე, ცეცხლის წითელი ენები ციალებდნენ, ცის ღია ლურჯ ფონზე კვამლის რუხ ცისფერ ნისლს რომ აპობდნენ.

ერთი დაბალი, გამხდარი, ავადმყოფური სახის ბერი გამოირჩეოდა სხვა ბერებში: ნელა მიაბიჯებდა ბილიკზე, ფეხით შლიდა დაცვენულ ფოთოლთა გროვას. ფოთოლთ შრიალში თითქოს ჩაქსოვილი იყო მთელი ის ნაღველი, რომელიც ამ წელში მოხრილი კაცის გამომეტყველებაშიც გამოსჭვიოდა. . .

„ფრა ბართოლომეო. . .—გაუელვა თავში რაფაელს.—ჩაიფიქრებს ერთ-ერთ თავის სურათს, მოაგონდება საგონაროლა და ნაღველი შეიპყრობს. . .“ აქ ხომ არაერთხელ მოუსმენია მისი დარიგებები. . .

რაფაელი სწრაფად გაეშურა ამ ბერის შესახვედრად, რომელიც უყვარდა, რომელიც ახლობელი იყო მისთვის როგორც შემოქმედი.

ერთმანეთს სიხარულით შეხვდნენ და ბართოლომეომ, რომლის საერო სახელი იყო ბაჩო დელა პორტა, ჭაბუკი თავის სენაკში წაიყვანა, სადაც დაწყებული ჰქონდა ახალი სურათი ბიბლიურ სიუჟეტზე.

ამ დღიდან რაფაელი ხშირად დადიოდა აქ და მხატვრობაში თავის ცოდნას და წარმატებებს ფრა ბართოლომეოს უზიარებდა.

* * *

რაფაელი სინიორიაში, გონფალონიერ სოდერინისკენ მიეშურებოდა. მას თან ჰქონდა ჰერცოგ გვიდობალდო ურბინოელის დის სარეკომენდაციო ბარათი.

გონფალონიერი პიეტრო სოდერინი—ხელოვნების მფარველი, ფლორენციიდან ტირანთა ოჯახის, მედიჩების განდევნის შემდეგ მთავარი პიროვნებაა რესპუბლიკაში. ცხადია, რაფაელს ხელგაშლილნი შეხვდებიან.

1. გონფალონიერი (იტალ.) — სიტყვასიტყვით: მედროზე; შუა საუკუნეების იტალიურ რესპუბლიკებში — აღმასრულებელი ხელისუფლების არჩეული უფროსი.

მხატვარი მაშინვე არ შეუშვეს სოდერიანისთან. არ სცალია, ბევრი საქმე აქვსო. გუშინ ელჩები მიიღო, დღეს თათბირი გაუმართავს. დაე, ურბინოელი მხატვარი ხვალ მოვიდესო.

რაფაელს გაუკვირდა: ურბინოს პერცოვის პატრიარქალურ კარზე არ შეხვედრია ასეთი დაბრკოლებები. რა ცერემონიებიია, რა სიმდიდრე... პირდაპირ მეფური ფუფუნებაა, ხოლო მსახურთა მედიდურობა თითქოს აჩიავებს კაცს, როგორც აღმოსავლეთის მბრძანებლის კარზე. მოხუცმა მსახურმა მხატვრის სანდომიან სახეზე გაოცება ამოიკითხა და მოწყალე კილოთი აუხსნა:

—სინიორს უამრავი სახელმწიფო საქმე აქვს... მთელი რესპუბლიკა ხომ მას აწევს მხარებზე!

მთელი რესპუბლიკა! მაგრამ რესპუბლიკამ ჩამოაგდო მედიჩი, რომელმაც გათელა იგი თავისი მედიდურობით და თვითმპყრობელობით. განა შეშვენის ამის გამეორება ხალხის მიერ არჩეულ გონფალონიერს?

რაფაელი მეორე დღეს მოვიდა დანიშნულ საათზე, მაგრამ დიდხანს მოუხდა ლოდინი.

სოდერიანიმ ცივად მიიღო, ზვიადი მედიდურობით გახსნა წერილი და წაიკითხა:

„ამ წერილის მომტანი ურბინოელი მხატვარი რაფაელ სანტია. მან გადაწყვიტა რამდენიმე ხნით ფლორენციაში წასვლა, რათა დაოსტატდეს თავის ხელოვნებაში. ჩვენ ძალიან გვიყვარდა მამამისი გამორჩეული ღირსებებისათვის; არანაკლებ გვიყვარს მისი შვილიც. მოკრძალებული და თავაზიანი ჰაბუკია და ვუსურვებ ყოველგვარ წარმატებას, რისთვისაც რეკომენდაციას ვუწევ თქვენს წინაშე და განსაკუთრებით ვთხოვ თქვენს მოწყალებას დაეხმაროთ მას. დახმარებას, რომელსაც თქვენ მას აღმოუჩინთ, მე მივიჩნევ ჩემდამი გაღებულ წყალობად, რისთვისაც სამუდამოდ მადლიერი დაგრჩებით“.

სოდერიანიმ წერილი დაკეცა და საკმაოდ აგდებით შეხედა მხატვარს. რაფაელ სანტის სახელი მას არაფერს ეუბნებოდა—ფლორენციაში მრავალი ცნობილი მხატვარი იყო და თვით ფლორენციაშიც ხომ არაერთი დიდი მხატვარი შვა. ურბინო ფლორენცია არ არის, იქ ყვავიც კი არწივი ჰგონიათ.

—კარგი,—ჩაილაპარაკა ბოლოს,—მე მხედველობაში მექნება პერცოგის დის სურვილები და დღესვე მივწერ ამის შესახებ. როცა დამპყირდებით, ჩემს მდივანს გამოგიგზავნით.

ასე გაუშვა; თან, სხვათა შორის, გამომშვიდობებისას ჰკითხა:
—ვინ იყო თქვენი მასწავლებელი, მესერ სანტი?

— პირველად მამაჩემი, შემდეგ ევანჯელისტა დი პიანდიმელეტო, ტიმოთეო დელა ვიტე და პერუჯინო, თქვენო ბრწყინვალე ბავა-
— პერუჯინო?

• ამ სახელმა რამდენადმე შეარბილა სოდერიანის სახის გამო-
მეტყველება.

—გამოვგზავნი მდივანს, როცა საჭირო იქნება, მესერ სანტი. იმედგაცრუებული გამოვიდა რაფაელი გონფალონიერის სასახლიდან. სად არის სისადავე და თავმდაბლობა, რომელიც უეჭველად უნდა იყოს ხალხის მიერ არჩეული რესპუბლიკის წარმომადგენლების კარზე! ხალხის ამ წარმომადგენელს არათფერი გააჩნია, გარდა წოდებისა. მისი ქედმაღლობა კი გვირგვინოსანთა ქედმაღლობაზე ნაკლები არ არის; თვით ურბინოს პერცოგი ბევრად უფრო უბრალოა, ვიდრე ფლორენციის რესპუბლიკის გონფალონიერი...

ცხადია, ბედ-იღბალი სხვაგან უნდა ეძებნა და რაფაელმაც გადაწყვიტა მოენახა საყვარელი მასწავლებელი პერუჯინო.

* * *

— აი, შენც მოხვედი, რაფაელო! ვიცოდი, რომ ასე იქნებოდა! ვერვინ გაექცევა ფლორენციას!—ამ სიტყვებით ჩაიკრა გულში საყვარელი მოწაფე პერუჯინომ.

რაფაელი იცინოდა:

—შესანიშნავი სახელოსნოა, მამესტრო! როგორ მიხარია, რომ კვლავ გხედავთ!

რაფაელმა მხიარულად მიმოიხედა ვრცელ ოთახში, და ძველი, ნაცნობი საგნები დაინახა: პერუჯინოს საყვარელი პალიტრა და მოლბერტი, რომლებზედაც აღნიშნული იყო მამესტროსათვის განსაკუთრებით სამახსოვრო წლები.

— ვინ იცის რამდენი ხანი ელოდე, ვიდრე დიდი პიროვნებები მიგიღებდნენ. მოგვივლედბოდა კიდეც, — თქვა პერუჩინომ, — ჩემი საუზმობის დროც მოვიდა. დაჯექი, ერთად გავტეხოთ ლუკმა. ახლა მოწაფეები შემკვეთთან მუშაობენ, იქ ისაუზმეს, მე კი აქ შევრჩი. . . დაჯექი...

მსახურმა უბრალო საკმელები მოიტანა — პერუჩინო ჭამაშიაც ისეთივე უბრალო იყო, როგორც ყველაფერში, — და რაფაელი მადიანად შეექცა გარეული თხის შემწვარი ხორცის ნაჭრებს, მასწავლებელი რომ უწყობდა წინ. ზედ იაფფასიან მკავე ღვინოსაც აყოლებდა, როგორც ოდესღაც პერუჩაში. დიდებამ მედიდური როდი გახადა მასწავლებელი. იგი არ შეცვლილა, მხოლოდ თეთრი ზოლები მოემატა თმაში, რაც კიდეცაც შვენის მოწაფეთათვის ასე ახლობელ და საყვარელ სახეს.

პერუჩინო ამბობდა:

— ფიქრი ნუ გაქვს, იტალიას კიდეც სჭირდება მხატვრები. წმინდაო მადონა, განა გონფალონიერი თავისი თავის მტერია, რომ არ გადაიბიროს ახალგაზრდა მხატვარი — ამით ხომ იგი საკმაოდ ბევრს კუდოს დაზოგავს: ახალგაზრდას, თუნდაც ნიჭიერს, შეიძლება ნაკლები გადაუხადოს, ვიდრე ხნიერსა და სახელგანთქმულს, შემდეგ კი იტყვის: მე დავუჭირე მხარი, მე გავუთქვი სახელიო! ოჰ, რაფაელო, შენ კიდეც არ იცნობ ხალხს. მაგრამ ჩანდაბას ყველა დარდი! როგორ გაეხარდება შენი ნახვა ეუზებიოს! საცაა ისიც დაბრუნდება!

ამ დროს სახელოსნოს კარებში გამოჩნდა უკვე, არცთუ ახალგაზრდა კაცი, რომელსაც გრძელი წვერი და მშვიდი, ძალიან ლამაზი სახე ჰქონდა. აუჩქარებელი და ზეიადი ნაბიჯით მოდიოდა მონაცრისფერო ცისფერი თვალებით თითქოს ადამიანის სულის სიღრმეში იხედებოდა. ისეთი უჩვეულოდ მოხდენილი და დინჯი მიხრა-მოხრა, ისეთი მშვენიერი გარეგნობა ჰქონდა, რომ რაფაელმა უნებურად აღტაცებით დაუწყო ყურება. ყურადღება მიაქცია აგრეთვე მის ლამაზ, გრძელ — ფლორენციულ მოდაზე შეკერილ ბაც შინდისფერ მოსასხამს, რომელიც ამ დიდებული ადამიანის სახის სიფერმკრთალეს უფრო აჩენდა.

—სალამი შენდა, მეგობარო პიეტრო... .

ხმა ჰქონდა რბილი, სმენას რომ ესალბუნება, ისეთი; დაბალი, ხავერდოვანი.

—ა, ლეონარდო, სწორედ შენ გვკვირდებოდი!—ალტაცებით წამოიძახა პერუჯინომ.

—აი, ჩემთან ის რაფაელ სანტია, გუშინ რომ გიხსენებდი. ფლორენციას დაამშვენებს ეს ჰაბუკი!

რაფაელი კმაყოფილებისაგან წამოწითლდა, როცა ლეონარდო და ვინჩიმ მეგობრულად გაუწოდა ხელი.

—პატრიარქი ბევრს მელაპარაკებოდა თქვენზე, — თქვა ლეონარდომ ალერსიანად.

„პატრიარქი“ ფლორენციაში დაარქვეს პერუჯინოს და ის ამბავი, რომ ლეონარდომ ასე უწოდა მის მასწავლებელს, რაფაელს ესიაშოვნა.

—კი მაგრამ, რა უნდა გააკეთო აქ, შვილო ჩემო, როცა მოგწყინდება გონფალონიერის წყალობის ლოდინი?—ჰკითხა რაფაელს პერუჯინომ.

—საბედნიეროდ, პერუჯაში დამრჩა სახელოსნო, რომელსაც ჩემი მოწაფეები განაგებენ... ისინი იღებენ შეკვეთებს და ასრულებენ ყველა, შედარებით იოლ სამუშაოს... მე კი მინდა ვიცხოვრო და ვიმუშაო ფლორენციაში, მიუხედავად იმისა, რომ გონფალონიერმა საკმაოდ ცივად მიმიღო... იმედი მაქვს, აქაც ვიშოვი სამუშაოს...

პერუჯინოს გაეცინა:

—აი, ეს მომწონს. არ იღარდო! ნუ შეწუხდები, სამუშაოს ვიშოვით. ხელი მოჰკიდე ყალამს მადონასა და შენი წმინდა მთარველის, მთავარანგელოზ რაფაელის დახმარებით. მე კი წაგიყვან ერთ ადგილას, სადაც ჩვენი მხატვრები იკრიბებიან და სადაც ზოგჯერ თვით ლეონარდო და ვინჩიც შეივლის ხოლმე.

—მიყვარს ახალგაზრდა მხატვრების საუბრების მოსმენა. ცხოვრება წინ მიდის და ახალგაზრდობის სახით მომავალს ველაპარაკები! — სერიოზული კილოთი გამოეხმაურა ლეონარდო

რაფაელმა გადააბიჯა მხატვრებისათვის იმ კურთხეული ადგილის ზღურბლს, სადაც იგი პერუჩინომ მიიყვანა. ახალმოსულნი გააყრუა ახალგაზრდა მხატვართა მხიარულმა ხმებმა. იყო კამათი: სიმღერაც, სიცილიც, და რაღაც ნაწარმოებების სერიოზული განხილვაც. მოლბერტს შემოხვეოდნენ და სახელოსნოს პატრონის ბაზილ დ'ანიოლოს დაუმთავრებელ სურათს შესცქეროდნენ.

— ყოველ წვრილმანს სინჯავენ, — სიცილით თქვა პერუჩინომ, — იშრომეთ. ნუ დაიშურებთ მოსაზრებებს, მოიშველიეთ ხელოვნების მცოდნეთა შეხედულებანი, შეიღწო ჩემნო. აი, თქვენს ჯგუფში მოვიყვანე კიდევ ერთი, უკვე მოჩიტული მართვე — გაყვარდეთ და მფარველობდეთ ჩემს შვილს, რაფაელ სანტის!

ახალგაზრდებთან ყველაფერი სწრაფად ხდება. რამდენიმე წუთის შემდეგ რაფაელი უკვე შინაური კაცი იყო ამ სახელოსნოში, ფლორენციის მხატვრების თავშეყრის პუნქტში. მისმა მომხიბლავმა გარეგნობამ და თავისდაჭერამ აქაც გაუხსნა გზა.

სახელოსნოში თავი მოეყარათ მხიარულ მეგობრებს, ამ მყუდრო თავშესაფრის მუდმივ ბინადართ; ზოგს თავისი მოლბერტიც კი გადმოეტანა აქ, რომ ერთმანეთის რჩევითა და მითითებებით ესარგებლათ; მათ შორის მორიდებით განაბულიყვნენ დამწყებნიც და ხელმოცარულნიც. ფლორენციაში ცნობილი მხატვრები მხიარულად ართმევდნენ ხელს რაფაელს, ხოლო თმაგაჩეჩილი მასპინძელი ფუნჯს აქნევდა და მხიარულად გაპყვიროდა:

— აბა, აბა, მოდით ახალ ამხანაგთან! თავი დაანებეთ კამათს! ჩვენ ახლა შევსვამთ ჩვენი პატრიარქის და ამ ჭაბუკის სადღეგრძელოს!

მოდოდნენ არისტოტელე სანგალო, რიდოლფო გირლანდაიო, შვილი ცნობილი დომენიკოსი, მიქელანჯელოს მასწავლებლისა. შეუმჩნევლად გამოძვრა დიდ სურათს მოფარებული ნოდომა, რომელიც იმ ხანებში ფლორენციაში იმყოფებოდა. გამოჩნდა, ჩვეულებისამებრ, ხმაურით, თავისი გაზრდილი ერთ-ერთი თუთიყუშიო მხარზე, ხოლო მისი უბიდან ცხვირი გამოეყო რაღაც ცხოველს, რო-

შელიც შოუთმეხლად კრუტუხებდა. ეს იყო პატარა მაჩვი. სოდომა ცხოველს დროდადრო პურის ნატეხებს აძლევდა და მხიარულად ყვიროდა:

—წარიღე, აპოლონ, ჩემი ნიჭი და დამთხარე თვალი, თუ ეს ჭაბუკი არ დავათვრე ჩემი მოტანილი საუკეთესო ხიოსური ღვინით! და ნულარ მიწოდებთ სოდომას, არამედ მიწოდეთ ჯოვანანტონიო ვერჩელელის პატიოსანი, უწყინარი სახელი, თუ ამ მოკრძალებულ ყმაწვილს თავაწეული სიარული არ ვასწავლე!

დიდ მაგიდაზე გაჩნდა ღვინო და საუზმე,—ვისაც რა მოეტანა. ჭამდნენ, სვამდნენ და საუბრობდნენ. სოდომას ხმა ყველას ხმას ფარავდა:

—ყბედს მეძახიან. კეთილი, ეგრე იყოს. დე, ყბედი, ლითი და ქარაფუშუტა ვიყო, მაგრამ, ღმერთმანი, კეთილი ამხანაგი ვარ და არავისთვის არ მინდა ცუდი, გარდა ბერებისა, რომლებიც ჰკლავენ ყოველივე ცოცხალს, როგორც ჩაჰკლეს უკვე ცნობილი ბაჩო დელა პორტა. შესვით ვაკხის და მისი ტყის მეგობარი ქალების სადიდებლად, მეგობრებო, და გიხაროდეთ, რომ ფლორენციაში თავს იყრიან ისეთი ოსტატები, როგორიცაა პერუჯინო, ლეონარდო და ვინჩი და მიქელანჯელო ბუონაროტი... ახლა კი ქარმა გადმოგვიგდო ახალგაზრდა, მაგრამ უკვე გამოჩენილი რაფაელ სანტი... მოდით, ამის აღსანიშნავად მიუფრახუნოთ ერთმანეთს ჭიქები...

ერთ-ერთმა ახალგაზრდა მხატვარმა წამოიძახა:

—ოჰ, ნეტავ, არ ახსენებდეთ აქ მიქელანჯელოს! ისეთია, თავისი გამომეტყველებით მზეს გაყინავს... სახე ჩამოსტირის, გეგონება, პანაშვიდზეაო...

რიდოლფო გირლანდაიო გამოექომაგა, აღშფოთებისაგან მთლად გაწითლებული:

—ვინ ბედავს ასეთი ნიჭის ადამიანის, ასეთი პატრიოტის აუგად ხსენებას? ის მამაჩემის სახელოსნოში იზრდებოდა და შესანიშნავი ამხანაგი იყო, რასაც ლორენცო გრანაჩიცი და არისტოტელე სანგალოცი დაადასტურებენ. სანგალო მას უკეთ იცნობს, ვიდრე თქვენ. თქვი, თქვი, სანგალო! ხომ მართალს ვამბობ!

ჰამდნენ, სემდნენ, იცინოდნენ, ჩხუბობდნენ, ლანძლავდნენ და აქებდნენ ერთმანეთს.

სოდომა, როგორც ყოველთვის, აღტაცებული იყო ლეონარდო და ვინჩის სიდიადით. იგი მსმენელებს აცნობდა დიდი მხატვრის ზოგიერთ აზრს, რომელთა ჩაწერაც მან მოახერხა.

— ჩავიწერე, ჩემი ცხოვრებისა და ჩემი აზრების აწეწილობის, ჩემი სახელის სოდომას მიუხედავად... ჰა—ჰა—ჰა! ეს სახელი ზედგამოჭრილია ჩემთვის! აბა, მისმინეთ... თუმცა უკეთესია, შეკითხვები მომცეთ. თავდაპირველად გეტყვით, რა რჩევებს აძლევს დამწყებ მხატვრებს. ჩვენში ხომ ისეთებიც არიან, ჯერ ტუჩზე დედის რძე რომ არ შეშრობიათ... აბა, მისმინეთ, შენ კი, ნადირო, მშვიდად იჯექი უბეში და ხელს ნუ მიშლი შენი კრუტუნით.

ჩაახველა და ნელა, საეკლესიო მქადაგებლის მსგავსად თავმოძვრნედ დაიწყო:

— „ახალგაზრდამ ჯერ პერსპექტივა უნდა შეისწავლოს, შემდეგ კარგი ოსტატის სურათების პირის გადაღება... შემდეგ ნატურიდან ხატოს, რათა განიმტკიცოს შესწავლილი. შემდეგ რამდენიმე ხანი უნდა მოანდომოს სხვადასხვა ოსტატის ნაწარმოებთა შესწავლას“... თქვენ კი, შვილნო ჩემნო, განა ასე აკეთებთ? ცოდვას ხომ არ სჩადიხართ აჩქარებით? უნდა გახსოვდეთ ძველი ანდაზა: *Promé ttere e dare sono due coso differenti.*¹

პასუხად ხარხარი გაისმა. სოდომა უყვარდათ მხატვრებს.

თავდაპირველად ვერავინ შეამჩნია, როგორ შემოვიდა სახელოსნოში დაბალი მხარბეჭიანი კაცი. გახუნებულ მოსასხამი ეცვა და ულამაზო, ნაღვლიანი სახე ჰქონდა. სახეს განსაკუთრებით აუშნოებდა დასახიჩრებული ცხვირი. სევდიანად გამოიყურებოდნენ მისი დიდი შავი თვალები. თითქოს უცხოდ გრძნობდა თავს ამ გარემოში, სადაც ყოველი მისი ამქარი, როგორც საკუთარ სახლში, ისე მოდიოდა. ბევრჯერ მისცა თავს სიტყვა, ამ თავისებურ კლუბში არასოდეს წავალო, მაგრამ აქ, ჭორსა, კილვასა და მოგონილ ამბებს გარ-

1. „დაპირება და მიცემა — ორი სხვადასხვა რამა“ (იტალ.).

და, შეიძლებოდა აგრეთვე ახალი ამბების გაგებაც იმ სამყაროდან. რომელსაც თვითონ ეკუთვნოდა; ამიტომაც მოდიოდა. ზოგჯერ კი მარტოობის გრძნობაც მოერეკებოდა.

ახალმოსულის დანახვაზე სოდომა გაჩუმდა, სიცილი შეწყდა; ღრმა დუმილი ჩამოვარდა.

მიქელანჯელოსთან რიდოლფო გირლანდაიო მიიჭრა; მას უნდოდა გამოესყიდა ამხანაგების სიტყვები—ეს ხომ ის მიქელეა, მას რომ სურათის გასწორებაში ეხმარებოდა. ის მიქელე, რომელიც ყოველთვის კეთილი და სულგრძელი იყო სხვის უბედურებაში და რობელსაც იოლად შეუნდობდით უკმეხობასა და ზოგჯერ უზომო მწარე დაცინვებსაც. მან ხელი ჩამოართვა მიქელანჯელოს და უხერხული. როგორღაც ხელოვნურად ამაღლებული, მხნე ტონით დაიწყო ლაპარაკი:

—რა კარგია, რომ შემოიარე, მიქელე!.. მოდი მაგიდასთან—ჩინებული ღვინო და დაშაშხული ღორის ხორცი გვაქვს. ვილაცამ ტკბილი ღვეზელიც მოიტანა..

მაგრამ მიქელანჯელო არ დარჩა, არ დაარღვია საერთო დუმილი და მხოლოდ ჩუმად თქვა:

—არა, გმადლობთ. ისე შემოვიარე, ჩემს ერთ მოწაფეს ვეძებ. მეგონა აქ იქნებოდა. ის კი აქ არ ყოფილა.

იგი წავიდა. რიდოლფო მაგიდასთან დარცხვენილი დაბრუნდა.

—არ არის კარგი,—თქვა შემკრთალი ხმით,—უსამართლობაა. თქვენ გავიწყდებათ, რა დიდი ხელოვანია იგი და რა დიდი, უანგარო მოქალაქე.

მიქელანჯელოს წასვლის შემდეგ საუბარი როგორღაც ვერ აეწყო. ყველა გამოცოცხლდა, როცა სახელოსნოში ბაც შვინდისფერ, გრძელ მოსასხამში გამოწყობილი ლეონარდო გამოჩნდა. სოდომა ახალმოსულს პირველი მივარდა:

—მაესტრო! მაესტრო! აი, ვინ იტყვის ბოლომდე, რისი თქმაც მე ვერ მოვახერხე!

ლეონარდო ალერსიანად, გულღია უბრალოებით მიესალმა მხატვრებს და მასპინძლის გვერდით დაკავა ადგილი, რომელიც და-

უყოვნებლივ გაათავისუფლეს მისთვის. მისი თვალემა შეხვდა რაფაელის თვალემა და ორივე ერთიმეორის მიმართ სიმპათიით განიშკვალა.

* * *

მალე რაფაელმა უკვე ზეპირად იცოდა დანიოლის სახელოსნოსაკენ მიმავალი გზა. მისთვის ამ გზაზე ნაცნობი იყო თითოეული კენჭი. იქ სიარული მოთხოვნილებად გადაექცა ამ გულთა ადამიანს. აქ შეიძლებოდა ერთმანეთისათვის აზრთა გაზიარება, საუბარი სურათებზე, იმაზე, თუ რა იყო ახალი ხელოვნების სფეროში არა მარტო ფლორენციაში, არამედ აგრეთვე სხვა იტალიურ სახელმწიფოებშიც; აქ შეიძლებოდა შეკვეთების მიღებაც.

აქ დადიოდნენ ფლორენციელი მეცენატები: ტადეო ტადეი, ანიოლო დონი და ლორენცო ნაზი, ხელოვნების ნამდვილი მკოდნეები. მომხიბვლელი ურბინოელის გაცნობის შემდეგ ისინი ერთმანეთს აღარ აცლიდნენ მის მიწვევას და მალე რაფაელი შინაური კაცი გახდა შესანიშნავი სურათებითა და ქანდაკებებით სავსე ტადეის დიდებულ სასახლეში, ხოლო შემდეგ სხვა მეცენატების სახლებშიც, უხაროდა, მათგან სამუშაოს რომ იღებდა: იგი სჭირდებოდა არა მარტო ფლორენციაში საცხოვრებლად, არამედ პერუჯაში სახელოსნოს შესანახადაც.

მოკლული გრიფონეტოს დედამ, ატალანტა ბალონიმ, სთხოვა რაფაელს, პერუჯაში იმ საშინელი ხოცვა-ჟლეტის ცოცხალ მოწმეს, სურათი დამხატეო და, რაფაელმაც მიიღო შეკვეთა. სამი წლის თავზე, მრავალი წინასწარი მონახაზის შემდეგ, მან დაამთავრა ბალონის ოჯახისათვის სურათი, სადაც პორტრეტული მსგავსებით იყო დახატული სამი ფიგურა: ქრისტესი—გრიფონეტოდან, მაგდალინასი—ზინოვიადან, მკვდარი შვილის დანახვისას უგონოდ დაცემული დედისა—ატალანტადან.

სიენაში რაფაელი მხატვარ პინტურიკიოს თხოვნით წავიდა. პინტურიკიო პიკოლომინის ცნობილი ბიბლიოთეკის კედლებს ხატავდა. რაფაელმა შეასრულა სურათები მოხატულობისათვის, რომ მეგობრის შრომა შეემსუბუქებინა.

მხატვარი პერუჯასა და ურბინოში დიდხანს არ დაყოვნებულა—
გული მშვენიერი ფლორენციისაკენ მიუწევდა.

უკვე ერთი წელი გავიდა მას შემდეგ, რაც რაფაელმა პირველად შედგა ფეხი იმ ქალაქის მიწაზე, ყველა მხატვარს რომ იზიდავდა. აქ იგი შინაური კაცი გახდა. განსაკუთრებით ხშირად დადიოდა ხოლმე ლორენცო ნაზისთან. უყვარდა მის ვაჟთან, ხელოვნების მოყვარულ ბატისტასთან საუბარი, უყვარდა ეს კუთხე დიდი, ხმაურიანი ქალაქის გარეუბანში; აქ სახლები მთების კალთებზე იყვნენ მოქობილი, მათ ზემოთ თვალწარბაქცად აზიდულიყვნენ პიტალო კლდეები, ხოლო ირგვლივ ზეთისხილისა და დაფნის ხეების შერეული ქალები გადამლილიყო; ქვებს შორის ფერდობებზე ვენახები გაეშენებინათ... საღდაც შორს, ნისლში, ჰორიზონტი იკარგებოდა და როცა ყურძნის კრეფა დაიწყო, გორაკებს შესანიშნავი, სადა, გულშიამწვდომი და მელოდირი ხალხური სიმღერების ხმები მოეფინა. მწვანეში კი ათასფრად ელავდა ყურძნის მკრეფავ ქალთა თავსაფრები. . .

იქნებ იმ პატარა ჩიტბატონამ, მინდობილად რომ დახტოდა ტოტიდან ტოტზე ლორენცო ნაზის ბალებში, აფიქრებინა რაფაელს ჩიტის დახატვა თავის სურათზე „მადონა ჩიტბატონათი“, რომელიც ბატისტა ნაზის ქორწილისათვის შექმნა.

ჰაბუკი ამ სურათს ჩვეულებისამებრ ადვილად და გატაცებით ხატავდა. ტილოზე გამოჩნდა ღვთისმშობელი, მუხლებზე ყრმა იესოთი. ბავშვი მხიარულად შეჰყურებს ჩიტბატონას, რომელსაც ღიმილით აწვდის იოანე ნათლისმცემელი. სამივეს პოზასაც და სახის გამომეტყველებასაც უნდა გაეოცებინა და აღტაცებაში მოეყვანა ახალგაზრდა ლორენცო. რაღაც ახალმა, ცხოვრებისეულმა, მართალმა სიომ დაჰბერა ამ სურათიდან, რომელშიც არ იგრძნობოდა ძველი მხატვრებისათვის დამახასიათებელი სტატიურობა და სიცივე.

წინასწარ რომ სცოდნოდათ, რა ელოდა ამ სურათს!

ოცზე მეტი წლის შემდეგ სან-ჯორჯოს მთა, რომელიც თავს დაჰყურებდა გორაკზე წამოდგმულ ლამაზ სახლებს, მათ შორის ნაზის სახლსაც, შემოდგომის ქარიშხლის დროს ჩამოიქცა. გრუხუნით ცვიოდა ქვები და ძირიანად მოგლეჯილი ხეები ფლორენციის

გარეუბნის სახლების სახურავებზე, ნამსხვრევებით დაიფარა საცხოვრებელი შენობები, სამლოცველოები. შადრევნებითა და ხეივნებით დამშვენებული ბაღები. ნამსხვრევების ქვეშ დაიმარხა „მაღონა ჩიტბატონათი“.

ბატისტამ თავი გასწირა. სიცოცხლე საფრთხეში ჩაიგდო, შეუდგა გათხრებს და იპოვა დაფლეთილი, ნაგვით დაფარული სურათი. დიღო ოსტატობით შეაგროვა. დააწება. აღადგინა და ახლა „მაღონა ჩიტბატონათი“ ფლორენციაში უფიცის გალერეას ამშვენებს.

ფართო გზაჲმ

სინიორიის შენობაში ყველაზე ცნობილი მხატვრების—ლეონარდო და ვინჩისა და მიქელანჯელოს ნაწარმოებები გამოეფინათ. ადამიანები გაცხოველებით კამათობდნენ. ჭერ გამოფენილი იყო მსოფლოდ სოდერინის მიერ დაკვეთილი ფრესკების კარტონები დიდი საბჭოს დარბაზისათვის, მაგრამ გამოფენა ინახულა მთელმა ფლორენციამ. პალაცო ვეკიოში ამ ოსტატების მუშაობის დაწყებისთანავე ქალაქს, დიდიან-პატარიანად, ქონიდან სასახლემდე, მოუთმენლობისაგან სული მიხდიოდა. ყველას უნდოდა ეხილა სახელგანთქმული მხატვრების ნამუშევრები; და თავისთავად შეიქმნა რალაც შეჯიბრის მსგავსი. შეკვეთის თითოეულ შემსრულებელს ჰყავდა თავის თავყანისმცემელთა ბანაკი, და თითოეულს უნდოდა მის მატროს ეჯობნა მეტოქისათვის.

აქ ტრიალებდნენ ყველასთვის ნაცნობი მხატვრები, მოქანდაკეები და მხატვართა მეგობრები, მეცენატები. რაფაელი მიდიოდა მეგობრებთან—ბატისტა ნაზის, ტადეო ტადეის და რამდენიმე მხატვართან ერთად, რომელთა შორის იყო პერუჯადან ჩამოსული მისი მეგობარი ეუზებო და სან-ჯორჯო. ასეთი დიდი მოვლენაა ეს გამოფენა და როგორ არ ნახოს?

ყველანი ბაჩო დანიოლოს სახელოსნოსაკენ მიემართებოდნენ; ლაპარაკობდნენ ხმამალა, მხიარულად, გატაცებით.

სახელოსნოში ბაჩო დანიოლოსთან მათ შეხვდათ მასპინძელი. ცხადია, იქვე იყო სოდომატ. ძვალმსხვილი, დათვივით მო-

უნეშავი ბაჩო დ'ანიოლო ვეებერთელა ხელების ქნევით გაჰყვიროდა:

— აბა, მეგობრებო, შეხედეთ!—ლეონარდოსა და მიქელანჯელოს პატივსაცემად ჩემი ბუნავი განა სინიორიაზე ნაკლებად მოვრთე? შესავალში დროშებიც კი დავკიდე. . . ხოლო მე და ბაცი, თქვენ ვერც კი წარმოიდგენთ, რით უნდა გაგიმასპინძლდეთ!

გამოჩნდა თმაგაწეწილი, გაბრაზებული ბაცი სოდომა. მას ხელში თავისი საყვარელი მაიმუნი ეჭირა, პატარა ბავშვივით ურტყამდა და ყვიროდა:

—რა საძაგელია. ლეტი! კინაღამ გამიფუჟა ორი ბუმბერაზის შერიგების პატივსაცემად გაკეთებული მთელი ნაგებობა! თავი აიწყვიტა, ხოლო როცა დავიჭირე, შეხედეთ, რა დღე დამაწია, ლამის მთელი წვერი დამაგლიჯა!

იგი წკეპლავდა მაიმუნს, მაიმუნი კი გაათრებული ყვიროდა.

ლეტი თავის დაღწევას ცდილობდა, ბაცი კი მაიმუნს იმ ეკუპზე აბამდა, რომელზედაც ბაჩო. ჩვეულებრივ, თავის პალიტრას ჰკიდებდა ხოლმე; ამ დროს მოსამსახურეებმა სახელოსნოში თხელ ქალღმერთში გახვეული დიდი ლანგარი შემოიტანეს. სოდომა ფრთხილად შეუდგა მის გახსნას; რაღაც ნათელ, ჰაეროვანს შორის ორი ქალის ფიგურა მოჩანდა.

— ხომ კარგია ჩემი ნამცხვარი? სწორედ ამ შემთხვევისათვის გამოვაცხვე!— სოდომას მოხეიმი ბმა მხიარულმა ხარხარმა დაჰტარა.

—სწორედ რომ!

— ჰაერისა და ზღვის ქაფისაგან გაკეთებული ნამცხვარი? ჩვენი სახელგანთქმული მანსტროების პატივსაცემად! შენ რა გითხარო, ბაცი, ბაცი. გულიანად კი გვაცინე, აი!

—რისთვის დავჭირდა მთელი ოლიმპო თავისი ღმერთებით, ქალღმერთებითა და ნახევრად ქალღმერთებითურთ?

—ბაცი, აქ ხომ ხსენებაც არ არის იმ კარტონებისა, რომლებიც ცხენებსა და მხედრებს გამოხატავენ? რა შუაშია აქ მიქელე და ლეონარდო?

—ჩემად იყავით და კარგად დააკვირდით. ვენერასა და ფსიქეის სილამაზე და სინაზე უპირისპირდება იმ ნაწარმოებთა ვაჟკაცობასა და ძალას, რომლებიც სინიორიაშია გამოფენილი! მოდი, ლეო-

ნარდო და ვინჩისა და მიქელანჯელოს პატივსაცემად ჩვენც ვეზი-
აროთ სილამაზეს და მოვავგონოთ მათ, რომ მრისხანე ომის გარდა
სიყვარული და სიხარულიც არსებობს ამქვეყნად.

კვერცხის ცილისა და ნაღებისაგან დამზადებული დიდი ნამ-
ცხვარი გამოხატავდა უძველესი ღმერთების სამყოფელს—ოლიმპია
ღრუბლებს. იქ განცხრომით ისვენებდა სილამაზის ქალღმერთი ვე-
ნერა, მის ფერხთით კი —ნაზი, ახალგაზრდა ფსიქეა, მისი შვილის,
ამურის შეყვარებული.

ქალიშვილი ემუდარება ვენერას — დამიბრუნეო ღმერთი, რო-
ნელმაც მიმატოვა და გაფრინდა.

ტაშის გრიალმა შეძრა სახელოსნო. ახალგაზრდობამ აღფრთო-
ვანებისაგან არ იცოდა, რა ექნა. სოდომა ხელებს შლიდა:

— მეგობრებო, ეს არის ყველაფერი, რისი გაკეთებაც შეიძლე-
ბოდა ისეთი ეფემერული მასალისაგან, როგორიცაა ცილა. ფქვილი,
ნაღები და შაქარი. გთხოვთ, გაუსინჯოთ გემო, ოლიმპოს ფიგურე-
ბიდან რომელი უფრო გემრიელია.. მე ჩემი ნამცხვრით მინდოდა
დიდ ხელოვანთათვის შემეხსენებინა, რომ არსებობს ამქვეყნად სი-
ყვარული, რომელსაც ისინი უგულუბელყოფენ საომარი და სამ-
შვიდობო დიდებისათვის. შენ კი, ჭაბუკო, — პათოსით მიმართა მან
რაფაელს, — შენ ანტინოის! გარეგნობის ჭაბუკო, ალბათ. არ გჭირ-
დება სიყვარულის შეხსენება. ჩემო მეგობარო, შენზე თვალი რჩე-
ბა ფლორენციის ყველა ქალიშვილს...

რაფაელი გაწითლდა. უნდოდა რაღაც ეთქვა, მაგრამ მისი სიტ-
ყვები მხატვართა ხარხარმა დაფარა. სოდომა მართალს ამბობდა: არა-
ერთი ფლორენციელი ქალიშვილი ათენებდა დამეებს მასზე ფიქრ-
ში, არაერთს უჩქროლავდა გული მის დანახვაზე. ზოგიერთს რაფა-
ელი თანაუგრძნობდა კიდევ, მაგრამ აქამდე ვერ შეხვდა გულის-
სწორს, რომ სიცოცხლე სამუდამოდ დაეკავშირებინა მასთან.

მხატვრები შავიდას შემოუსხდნენ, სვამდნენ ღვინოს. შეექვე-
ოდნენ ცხიმიან ოფელეტებს, წვენით შეკმაზულ ყვერულს.
ლორის ბარკალს, ყველს; შემდეგ შეექცნენ ვენერას და ფსიქეას, თან ხუმ-

1. ანტინოი — რომის იმპერატორ ადრიანეს საყვარელი ადამიანი. ხელოვნე-
ბაში ანტინოის სახე იქცა ჭაბუკური სილამაზის იდეალის გამოხატულებად.

რობდნენ, ვის ერგებოდა ღმერთის ხელი, ფეხი და ვის მხოლოდ თითი...

ხუმრობაში დროდადრო თავიანთ მოსაზრებებსაც გამოთქვამდნენ გამოფენილი კარტონების შესახებ. ერთნი აღტაცებულნი იყვნენ მიქელანჯელოს მიერ გამოხატული სცენით — არნოს ნაპირაა (მობანავე მეომრები, რომელთაც მტერი მოულოდნელად დაესხა თავს, წყლიდან ამოდიან, რათა მოიგერიონ მოწინააღმდეგე); მეორენი აღიღებდნენ ლეონარდო და ვინჩის კარტონს, რომელიც გამოხატავდა ანგიარის ბრძოლის ეპიზოდს. სოდომამ კვლავ გაიხსენა თვით ლეონარდოს სიტყვები და ხმამაღლა შესძახა:

— აბა, გაიხსენეთ, რა ცოცხლადა აქვს ეს სცენა გამოხატული სურათზე ფერების გარეშეც კი. და რა იქნება, როცა ჩვენ ამ ბრძოლას კედელზე ვიხილავთ! თქვენ, რა თქმა უნდა, მიაქციეთ ყურადღება არა მარტო ადამიანთა და ცხენების მოძრაობასა და საომარი მძვინვარების გამოხატულებას, არამედ აგრეთვე მტვერსაც, მტვერსაც-მეთქი. გეუბნებით! თვითონ ლეონარდო გვასწავლის, როგორ უნდა გამოვხატოთ სურათზე მტვერი. აი, ასე: „მტვერი, რომელსაც ააყენებს რომელიმე მორბენალი ცხოველი. მით უფრო ღია ფერისაა, რაც უფრო ზემოთ ადის, და მით უფრო მუქია, რაც უფრო ნაკლებადის ზემოთ, თუკი ის მზესა და თვალებს შორისაა“... არა, რაოდენ გენიალურიც არ უნდა იყოს მიქელანჯელო, აქ მაინც ლეონარდოს სჯობს. ლეონარდო უძლეველია.

ეუზებიო რაფაელს მიუჯდა გვერდით და ჰკითხა:

— შენ რაღას ფიქრობ, რაფაელო, კარტონებზე?

— მე? ერთიც და მეორეც შესანიშნავი, ჯერ არნახული და გაუგონარი ნაწარმოებებია, მაგრამ გულახდილად რომ ვთქვათ, მე-როგორც ცხოვრებაში, ისე ხელოვნებაში, მაესტრო ლეონარდოს ვამჯობინებ.

მხოლოდ პერუჯინო იჯდა მდუმარედ, უსიტყვოდ სვამდა და სახეც ნაღვლიანი ჰქონდა. მისი სახელი ამ ცოტა ხნის წინათ მთელს იტალიაში ჰქუხდა. ახალგაზრდა მხატვრები სხვა სახელოსნოებს ტოვებდნენ და მის სახელოსნოში მოხვედრას ესწრაფოდნენ. ახლა კი იგი სულ უფრო და უფრო ჰკარგავდა თავის გავლენას. მისი დიდება ჩაიფერფლა, თითქოს ქანგი მოეკიდა. საიდან გაჩნდა ეს ქანგი?

დრომ წინ წამოსწია ახალი მანერა, ახალი ადამიანები, რომლებიც ერთ ადგილზე ველარ ისვენებდნენ. მოძრაობა. უპირველეს ყოვლისა, მოძრაობა — იგია ცხოვრების მამოძრავებელი ძალა... მაგრამ რა ძნელია, როცა გრძნობ, რომ აღარ ძალგიძს!

რაფაელი ხედავდა, რა მწარე ფიქრებიც უტრიალებდა მასწავლებელს. ხედავდა, რომ ახალგაზრდობა. თუმცა ძველებურად „პატრიარქს“ უწოდებდა პერუჯინოს, მაგრამ ამ სიტყვას გამოთქვამდა უფრო ჩვეულების მიხედვით — წინანდელი თაყვანისცემისა და პატივისცემის გარეშე; გრძნობდა, რომ ძველი ოსტატი უმწეო იყო რაიმე შეეცვალა, უმწეო იყო უმოწყალო დროსთან ბრძოლაში...

* * *

ფლორენცია ახალგაზრდა ურბინოელ მხატვარს აძლევდა იმას, რაც მას პერუჯაში აკლდა. იგი ხარბად იჭერდა ყველაფერს ახალს დიდი ოსტატების ქმნილებებში. იმ გარემოებამ, რომ თავისი მიუკარგებელი ხასიათის გამო მიქელანჯელო არ დადიოდა ბაჩო დ'ანიოლოს სახელოსნოში და მკაცრ შენიშვნებს არ აკეთებდა ლეონარდოს წინააღმდეგ, ხელი შეუწყო რაფაელს უფრო მიუდგომლად შეეფასებინა მიქელანჯელო ბუონაროტის კარტონი. მან დაიწყო ყველაფრის შესწავლა, რაც კი თვალში მოხვდებოდა მიქელანჯელოს ნამუშევრებიდან, და ამ ნამუშევრებმა დიდი გავლენა მოახდინეს მისი ნიჭის განვითარებაზე. მაგრამ უფრო დიდი გავლენა იქონია რაფაელზე ლეონარდო და ვინჩიმი.

არ დაივიწყა არც ბაჩო დელა პორტა. ბერობაში ფრა ბართოლომეო, რომელმაც ის ფლორენციაში ჩამოსვლის პირველ დღეებში განაცვიფრა.

როგორი გულწრფელი იყო რაფაელის შეხვედრები ამ დიდებულ მხატვართან. ამ ცხოვრებისაგან განდგომილმა მხატვარმა ბევრი ჭირ-ვარამი გადაიტანა, მაგრამ უბედურებამ ვერ გატეხა ეს უზარმაზარი ნიჭის ადამიანი!

რაფაელი დაჯდებოდა ხოლმე ბაჩოს მოლბერტთან, შესცქეროდა აწ უკვე ჰალარა ოსტატის ნაადრევად დანაოკებულ სახეს, უსმენდა მის მოგონებებს და მერე ეუბნებოდა:

— ო, მაესტრო, ამოდ ხომ არ ჩაუვლია ყოველივეს. შეხედეთ, რაოდენი სიღრმეა ამ ფიგურის თვალებში... როცა თქვენს სურათს შევცქერო, მინდა ვთქვა: „ჩუმადი მოწიწებით მიუახლოვდით! ეს ხომ ბრძენის ნამუშევარია!“

იგი თავაზიანად, ფრთხილად აძლევდა რჩევას ბაჩო დელა პორტას პერსპექტივის კანონების შესახებ.

სამაგიეროდ, ფრა ბართოლომეოს დიდებულმა ხელოვნებამ გავლენა მოახდინა მის მხატვრობაზე და, უპირველეს ყოვლისა, სანტო-სპირიტოს ეკლესიის საკურთხეველისათვის ფლორენციელი მოქალაქეების მიერ შეკვეთილ სურათზე, რომელიც ცნობილია სახელწოდებით „მადონა საჩრდილობლის ქვეშ“.

პერუჯაში რაფაელის სახელოსნო სავსე იყო დაკვეთებით. იქ იგი უკვე საუკეთესო მხატვრად ითვლებოდა, მაგრამ ფლორენციამ ჯერ კიდევ არა და არ აღიარა. ლეონარდო და ვინჩისა და მიქელანჯელოს დიდებამ დაჩრდილა ამომავალი ვარსკვლავი. მაგრამ ამან რაფაელს მხოლოდ სარგებლობა მოუტანა.

ხელოვანი არ იყო შეზღუდული შეკვეთებით ცნობილ თემაზე. მუშაობდა თავისუფლად, სარგებლობდა ყველაფრით, რაც შეეძლო მისთვის მიეცა ფლორენციას. სწავლობდა ანატომიას, აკვირდებოდა ბუნებას და აღამიანთა ურთიერთდამოკიდებულებას ახალ გარემოში, მიჩქვარე ცხოვრების მორევში, რომელიც ასე განსხვავდებოდა პერუჯასა და განსაკუთრებით ურბინოს ცხოვრებისაგან. სულ უფრო ხშირად მისი სურათების საყვარელი თემა ხდებოდა ქალი — დედა, მისი სიყვარული ბავშვისადმი, დედობა.

ფლორენციაში მხატვარმა მრავალი მადონა დახატა. ხელოვანის საუკეთესო ნაწარმოებთაგან ამ პერიოდში უნდა დავასახელოთ „მადონა დელ გრანდუკი“ („დიდი ჰერცოგის მადონა“). აქ ლეთისმშობელი გამოხატულია ყრმისაკენ დახრილი თვალებით, რომლებშიც სინაზე და მოწიწება აღბეჭდილია.

ხშირად უხდებოდა რაფაელს ურბინოში ჩასვლაც: ჰერცოგი გვიდობალოდ ცდილობდა გამოეყენებინა მხატვარი, რომელსაც დიდი ხანია იცნობდა. მას სული წასძლევდა ხოლმე და სურათს უკვეთავდა რაფაელს, რომ შემდეგ ვინმესთვის საჩუქრად მიერთმია დიპლომატიური მიზნით. ასე დაახატვინა ჰერცოგმა რაფაელს „წმიდა

გიორგი“. შემდეგ კი სურათი ინგლისის მეფეს გაუგზავნა ძღვნად.

გიორგი გამოხატულია იმ მომენტში, როდესაც ძლიერად შემო-
ჰკრა ცხენს ღეზები. ცხენი წინ გავარდა, მაღლა ასწია წინა ფეხები,
ჭიხვინებს და საშინელ ურჩხულს უმზერს. ქაბუკ გმირს ალტაცები-
საგან თვალები უელვარებს. ქარი მოსასხამს უფრიალებს. აგონიით
შეპყრობილი მომაკვდავი ურჩხული ცდილობს წინა თათებით დაი-
ჭიროს მისი გამგმირავი შუბი. კიდევ წუთი — და იგი ქშენით განუ-
ტევებს სულს. უკანა პლანზე, უდაბურ ადგილას, ქვაზე მჯდარი
მშვენიერი ქალის ფიგურა მოჩანს. გიორგის ოქროს მუზარადი, მისი
აბჯრის ლაპლაპი, ცისფერი. ოქროთი მოვარაყებელი აღკაზმულობა,
ცხენის აბრეშუმისებრი ბეწვის ლივლივი — ყველაფერი საოცრად
ნატიფი ხელოვნებითაა შესრულებული.

მისი უწმინდესობა და პატივანი

1506 წლის სექტემბერში, დაუმორჩილებელ ბოლონიაზე ლაშქ-
რობის წინ, ურბინოში პაპი იულიუს II ჩამოვიდა.

პაპს საზეიმო შეხვედრა მოუწყვეს. მან მუსიკის აკომპანემენტის
ქვეშ, ოცდაორი კარდინალის თანხლებით გაიარა დიდებულად მორ-
თულ თაღებქვეშ, იალღუნის სურნელოვანი ტოტებითა და ყვავილე-
ბით მოფენილ გზაზე; უკან მიჰყვებოდა პრელატების¹ მთელი გუნ-
დი. წინ მცველთა რაზმი — დიდებული რაინდებისა და აფთოსნების
ჯგუფი მიუძღოდა. შესახვედრად ყველაზე დიდგვაროვანი მოქალაქე-
ები გამოვიდნენ.

მოედანზე, ტაძართან ჩატარებული პარაკლისის შემდეგ პაპი
ჰერცოგის სასახლისაკენ გაემართა.

სამი დღე დაჰყო პაპმა ურბინოში. იულიუს II დარწმუნდა მო-
ქალაქეთა სრულ მორჩილებაში, ძალიან კარგ ხასიათზე იყო და
ყველას ტკბილად ექცეოდა, ზოგის მიმართ კი განსაკუთრებულ
მოწყალებას იჩენდა.

სასახლის დარბაზებში მისი მზერა მიიპყრო ხელოვნების საუნ-

1. პრელატი — იმ პირთა ტიტული კათოლიკურ ეკლესიაში, რომლებსაც
უკავიათ უმაღლესი სასულიერო იერარქიის თანამდებობა.

ჯეებმა, რომელთაც მრავალი წლის განმავლობაში აგროვებდნენ ჰერ-
ცოგები. მან ყურადღება შეაჩერა რაფაელის სურათებზე.

— ვინ დახატა ეს? — იკითხა იულიუს II-მ და წმინდა მიხე-
ილის ხატზე მიუთითა.

— ეს ახალგაზრდა მხატვრის რაფაელის ნაწარმოებია, თქვენო
უწმინდესობავ, — მოკრძალებით მიუგო ჰერცოგმა, — იგი იმ ჯო-
ვანი სანტის შვილია, რომლის სურათებიც თქვენ ამის წინა ნახეთ.

— რაფაელი აქ იმყოფება?

— აქ არის, თქვენო უწმინდესობავ. სწორედ ახლა ხატავდა
თაღს ტრიუმფალური შეხვედრისათვის...

— ეს ის ლამაზი პირტიტველა ჭაბუკი ხომ არ არის, წაბლის-
ფერკულულებიანი?.. კეშმარიტად, ეს მხატვარი დიდ იმედებს იძ-
ლევა!

პაპი დიდხანს უმზერდა ამ სურათს. მერე უსიტყვოდ შებრუნდა
და მტკიცე ნაბიჯით განაგრძო გზა, თან გვიდობაღლოს წინაპართა
ძველ პორტრეტებს ათვალიერებდა.

მაგრამ ჰერცოგი მიხვდა, რომ იულიუს II-მ უკვე დაიმახსოვრა
რაფაელი.

სამი დღის შემდეგ პაპი გაემგზავრა ისე, რომ ერთი სიტყვაც
აღარ უთქვამს ახალგაზრდა ურბინოელ მხატვარზე.

იულიუს II-მ, გარყვნილი ალექსანდრე VI-ის მემკვიდრემ, მო-
ახერხა რამდენადმე აემალეზინა ბორჯიას ბატონობის დროს დაცე-
მული პაპის ღირსება და ბოლო მოეღო გარეშე მტრისათვის, რომე-
ლიც ცდილობდა ხელთ ეგდო იტალიის მიწები. მას სურდა გამხ-
დარიყო იტალიის სრულუფლებიანი მონარქი; დიდებისა და ძლიე-
რებისაკენ მიისწრაფოდა; სახელის მოსახვეჭად გარს შემოიკრიბა.
საუკეთესო მხატვრები და ძალზედაც ტვირთავდა მათ შეკვეთებით.

პაპი ამბობდა, რომი ბორჯიას გვარის მიერ დათესილი მანკისა
და მომაკვდინებელი ცოდვებისაგან უნდა გაეწმინდო. სიტყვა-
„ბორჯია“ ვატიკანში ბოროტმოქმედების სინონიმად იქცა; სამაგი-
ეროდ, იულიუს II-ის ნათესავეებმა, რომლებიც მის გვარს — დე-
ლა როვერეს გვარს ატარებდნენ, პატივი და დიდება, დიდი გავლენა
მოიპოვეს.

იულიუს II მომკირნე იყო; ყოველ ღონეს ხმარობდა დაცარი-

ელებული საეკლესიო ხაზინის შესავსებად. მხოლოდ ზელოვნების ნაწარმოებებისათვის არ იშურებდა სახსრებს: მისი დაკვეთით რომში მუშაობდა თვით მიქელანჯელო, აგრეთვე მთელი რიგი სხვა გამოჩენილი მხატვრებისა და არქიტექტორებისა; ახლა ახალგაზრდა ურბინოელი მხატვრის, სასიამოვნო, ზრდილი, თავაზიანი მანერებისა და დიდი ნიჭით გამორჩეული ოსტატის ჯერი იყო.

რაფაელს ოცდახუთი წელი შეუსრულდა. ეს წელი მისთვის მნიშვნელოვანი ამბით აღინიშნა. ჰერცოგ გვიდობალდოს სიკვდილის შემდეგ ურბინოში პაპის შიკრიკი მოიჭრა და განაცხადა, პაპს სურს რაფაელი დაუყოვნებლივ იხილოს ვატიკანში, რათა მან იტალიის საუკეთესო მხატვრების გვერდით იმუშაოს რომის გასამშვენებლად.

მოულოდნელმა მიწვევამ განაცვიფრა ჭაბუკი. „მარადიული ქალაქი“ რომი მისთვის მიულწეველი ოცნება იყო. რაფაელის ფიქრით ამ ქალაქში მის წინ გადაიშლებოდა ვრცელი ასპარეზი. ერთი სიცოცხლე არც კი ეყოფათ მხატვრებს მარტო პაპის სასახლის მოსახატავად. რომის ეკლესიები? ისინიც ხომ ელიან ახალ მხატვრებს...

რომში მიწვევა ახალგაზრდა ურბინოელის ნიჭის აღიარებას ნიშნავდა.

რაფაელის, როგორც დამოუკიდებელი მხატვრის, ცხოვრება ისიც იყო იწყებოდა, მაგრამ ამ დროისათვის მას უკვე ორმოცდაათზე მეტი სურათი და ფრესკა ჰქონდა დახატული. ამ წლებში ურიცხვი სურათი დაუგროვდა.

შეუმჩნევლად გაუსწრო ზრდაში მან თავის მასწავლებლებს: მამას, ევანჯელისტა დი პიანდიმელტოს, ტიმოთეო დელა ვიტეს პერუჯინოს და ფრა ბართოლომეოს.

* * *

ადრიანი დილაა ვატიკანში.

იულიუს II-მ გაიღვიძა თავის დიდებულ საწოლში; საბნის შრი-აღზე გავალაკიანი საწოლის საფეხურებთან მდგომი მორიგე პაეი

წამოხტა და ბრძანების მოლოდინში გაქვავდა. წამსვე მთელს სასახლეს თითქოს ჯაღოსნური ძაფით გადაეცა მბრძანებლის მოძრაობა.

ქედმაღლობა მოხუცს ძილშიც კი არ ტოვებს; გეგონებათ, ერთი ბეწვიც კი არ შეერხევად ხშირ წვერში; არ აიბურსგნება მისი ხშირი, სასტიკ თვალეზზე ჩამოწოლილი წარბები, არ შეიცვლება თხელი, მოკუმული ტუჩების მტკიცე გამომეტყველება.

რა განკარგულებები გაიცემა დღეს დილით? ვინ მიიღებს აუდიენციას მის უწმინდესობასთან? ვის ელის მკაცრი სასჯელი ბრძანების დარღვევისათვის ან დაყოვნებისათვის?

დილის ჩვეულებრივი ტუალეტის შემდეგ პაპმა კარდინალები მიიღო. დღეს რაღაც არაჩვეულებრივი რამ უნდა მომხდარიყო. უკანასკნელ დღეებში მისი უწმინდესობა ამაოდ როდი საუბრობდა ასე ხანგრძლივად თავის საყვარელ ადამიანთან — კარის არქიტექტორ ბრამანტესთან. გუშინ კი შუაღამემდე თავის საწოლ ოთახში დაიტოვა. ყველა მოუთმენლად ელოდა ახალ ამბავს.

პაპი ზეიადი და მოზეიმე სახით იჯდა ღრმა სავარძელში. მის გვერდით იდგა ბრამანტე. ღრმა ღუმილში. მბრძანებლის სიტყვის მოლოდინში, კარდინალებმა ერთდროულად, როგორც ერთმა, თავი დახარეს; თან ცდილობდნენ შეეხედათ პაპის საყვარელი ადამიანისათვის, რომელსაც თვალეზი უბრწყინავდა და ძლივს იკავებდა სინარულს.

— უფლის ნებით, — გაისმა იულიუს II-ის მბრძანებლური ხმა, — ჩვენ გადავწყვიტეთ ახალი ტაძრის აგება. სიდიადითა და მშვენიერებით იგი უნდა აღემატებოდეს მსოფლიოში აქამდე არსებულ ტაძრებს. მისი აშენება ჩვენ გადავწყვიტეთ წმინდა პეტრეს ბაზილიკის ნაცვლად¹.

და პაპმა საზეიმო იერით გადახედა ამაღას.

კარდინალები შეიძრნენ, ამოოხვრით გამოხატეს თავიანთი გაოცება. ბრამანტეს სახეზე კმაყოფილების ღიმილი მოეფინა: მან

1. ბაზილიკა — აქ წმინდა პეტრეს ეკლესია. ბაზილიკის ფორმით (სწორკუთხოვანი შენობა სვეტების რიგით გაყოფილი რამდენიმე ნაწილად, დამოუკიდებელი გადახურვებით, ძველ რომში გამოყენებული იყო სასამართლოსათვის, ვაჭრობისათვის და სხვ.), აგებდნენ ქრისტიანულ ტაძრებს.

გუშინ საღამოს წარუდგინა მის უწმინდესობას თავისი ზეშთავონებუ-
ლი ქმნილება — ახალი ტაძრის გეგმა. მაგრამ პაპი სწრაფად
წყვეტს საკითხებს, დღეს უკვე მიიღო კიდევ ეს გეგმა...

მბრძანებელმა სახეებზე შეატყო, როგორი თავზარი დაეცათ
პრელატებს. მაგრამ მათ ოდნავადაც არ გაუშქლავნებიათ თავიანთი
გრძნობები. ახალი ტაძარი განსაკუთრებით სათაყვანებელი ბაზილი-
კის ადგილას?! თუ ამის შესახებ რომელიმე მათგანი გაბედავდა სიტყ-
ვის დაძვრას, მკრეხელად ჩასთვლიდნენ, რომელიც უდიერად ეპყრო-
ბა საუკუნეობრივ ადათ-ჩვევებს.

ჯერ კიდევ კონსტანტინე დიდის¹ მიერ აშენებული ეს ბაზილიკა
რამდენიმე საუკუნის განმავლობაში ითვლებოდა ხელშეუხებელ
საკურთხევლად. აქ იყო უჩვეულო ნაზი მოზაიკური ნამუშევრები,
რომლებიც წმინდანებს გამოხატავდნენ; აქ ირგვლივ ოქრო და ძვარ-
ფასი ქვები ელვარებდა, რომლებიც წარჩინებულ ღვთისმლოცვე-
ლებს შეეწირათ. დიდებული მარმარილოს სვეტები მოჰქონდათ აქ
დანგრეული წარმართული ტაძრებიდან, ჩამოჰქონდათ სამხედრო
ნადავლიც.

შენობა შესამჩნევად ინგრეოდა და პაპები, დაღალ ზრუნავდნენ
მის ღაცვაზე.

იულიუს II თავისი წინამორბედების გზას არ დაადგა. მან გა-
დაწყვიტა ბაზილიკა საძირკვლიანად დაენგროა და მის ნაცვლად აე-
გო ახალი ტაძარი — მისი საქმიანობის სამარადილი ძეგლი. ეს გადა-
წყვეტილება მტკიცე იყო, ისე როგორც ყველაფერი, რასაც პაპი
განიზრახავდა.

წმიდა პეტრეს ტაძრის გარდა, პაპმა განიზრახა მეორე დიდი
სამუშაოც. მან არ ისურვა იმ პალატებში ცხოვრება. სადაც შინა
ბიწიერი წინამორბედი სჩადიოდა თავის უთვალავ დანაშაულს და
თუ ვატიკანის დანგრევა არ შეიძლებოდა, ბორჯიების ფვარის ბო-
როტმოქმედის ყოფნის აშკარა კვალი მაინც უნდა წაეშალა. იული-
უსმა მოსპო წინამორბედის პორტიკა და გადაწყვიტა ასევე მოქ-

¹ კონსტანტინე დიდი — რომის იმპერატორი (306—337), რომელმაც ქრის-
ტიანული ეკლესია გადააქცია იმპერატორის ძალაუფლებას საყრდენად. კონს-
ტანტინემ დაარსა რომის იმპერიის ახალი დედაქალაქი — კონსტანტინეპოლი.

ცეოდა დარბაზების კედლების იმ ფრესკებს, რომლებიც ალექსანდრე VI-ის ბრძანებით დახატა.

— თვით ფრესკებიც. — ეუბნებოდა პაპი კარდინალებს, — იმსახურებენ სასჯელს იმიტომ. რომ მოგვავიწყებენ იმ იუდას. მე კი სხვა სავანეებში ვიცხოვრებ. ვირჩევ ზემო სართულს.

და მისთვის სწრაფად დაიწყეს პალატების მოწმადება სასაბლას ზემო სართულში.

ამ საქმეზე მოწვეულ მხატვრებს შორის იყო რაფაელიც.

* * *

ბრამანტემ, ცნობილმა არქიტექტორმა და მოხერხებულმა კარისკაცმა, რაფაელის თანამემამულემ, თავით ფეხებამდე შეათვალიერა ახალგაზრდა მხატვარი და კმაყოფილი დარჩა.

— შენ ურბინოს სასახლეში მიეჩვიე მოხდენილ მიხრა-მოხარას, — თქვა მან, — ტანსაცმლის სისადავეც შეეფერება შენს გარეცნობას და პაპსაც მოეწონები. ხოლო ხმა? ხმა ხავერდოვანი გაქვს, სასიამოვნო, მასში არ იგრძნობა აქაური კარისკაცებისათვის დამახასიათებელი პირმოთნეობა და მლიქვნელობა, რასაც ჩვენი მბრძანებელი ვერ იტანს. მას ჩემთანაც, ალბათ, იმიტომ უყვარს ლაპარაკი. რომ თავი ღირსეულად მიჭირავს, მაგრამ მაინც მაქვს ტაქტი, რაფაელო...

ხუროთმოძღვარმა ხაზი გაუსვა უკანასკნელ სიტყვებს და რაფაელს ოდნავ შესაჩვენევმა ღიმილმა გადაურბინა ტუჩებზე. ტაქტი! მან იცის, რას ნიშნავს ეს: უნდა შეგეძლოს დუმილი, როცა რაიმე არ მოგწონს, ხოლო თუ არ ეთანხმები, ისე მოაქეცი, ვითომ, უბრალოდ, ვერაფერი ვერ გაიგე. ასეთ შემთხვევაში მისი უწმინდესობა თვითონ გამოასწორებს შეცდომას და გააუქმებს არასწორ გადაწყვეტილებას. ბრამანტემ ყველაფერი შესანიშნავად აითვისა: თვალისათვის საამო ფერის სამოსს ირჩევს, რომ არ გააღიზიანოს ისეთი ფიცხი ადამიანი, როგორიცაა იულიუს II. აცვია მშვიდი, რუხი-ცისფერი ტანსაცმელი; ხმა თანაბრად, მშვიდად ეღერს, მაგრამ ყოველგვარი პირმოთნეობის გარეშე. ხოლო თვალეებში. შავ, ხავერდოვან თვალეებში, ცბიერების ნაპერწკალსაც ვერ იპოვით...

ბრამანტემ რაფაელი ვატიკანის მოოქრულ საწოლებში შე-

იყვანა, სადაც ჯერ კიდევ ყოველივეს ალექსანდრე IV-ის გემოვნების კვალი აჩნდა.

თანამემამულის გასამხნეველად არქიტექტორი მთელი გზა ხუმრობდა და უამბობდა მას სასაცილო ამბებს ბოკაჩიოდან, სასახლეში შესასვლელთან კი უთხრა:

— აბა, დაფიქრდი, მეგობარო, რა უფრო საშინელია: ვატყახი თუ ჭირი? ბოკაჩიოს სიტყვით, ამ სასაცილო ამბებს ხომ მანდილოსნები და ქაბუკები უყვებოდნენ ერთმანეთს შავი ჭირის მძვინვარების დროს. ღიახ, შავი ჭირის დროსაც კი შეეძლოთ გულიანი სიცოლი.

ჩვეულებისა და ეთიკის თანახმად, რაფაელმა მუხლი მოიდრიკა და პაპის ფენსაცემელს ემთხვია კურთხევის მოლოდინში. პაპის თვალეზში ალერსიანი ნაპერწკლები აკიაფდნენ. იულუს II-მ რაფაელს ხელი გაუწოდა საკოცნელად და აშკარა კმაყოფილებით უთხრა:

— ბრამანტესაგან, რა თქმა უნდა. გაიგებდი, თუ რატომ გამოვიძახეს რომში. ამიერიდან მთელი შენი ძალები, მთელი შეხინიჭი ჩვენ უნდა გვეკუთვნოდეს. ჩვენ ყველა ღირსეულისათვის მოგვეპოვება საქმე; ყოველი ზარმაცი მონა კი ჩვენს წყრომას დაიშახურება.

პაპი ჩაფიქრდა. იგი ერთ ხანს ჩასცქეროდა ახალგაზრდა მხატვრის თვალეზს.

— ბრამანტე განაგებს სამუშაოებს ვატიკანში. — ჩაილაპარაკა ბოლოს, ხანგრძლივი დუმის შემდეგ. — თითქმის ყველა დარბაზი უკვე განაწილებულია. შენ წილად გხვდა დელა სენიატურის¹ დარბაზი. ახლა კი წადი: მოიფიქრე, გააკეთე მონახაზები, მხოლოდ იჩქარე. ო, დრო ძვირფასი რამაა, სიცოცხლე კი ხანმოკლე.

რაფაელი უკვე კარებთან იყო, როცა პაპმა დაუძახა:

— აბა, შენ იცი, კეთილსინდისიერად იმუშავე, დიდი პატივი გხვდა წილად. აქ, საუკეთესო ოსტატების გვერდით მოგობდება მუშაობა. გახსოვდეს, რომ პაპი თვითონ ათვალეირებს ყველაფერს და არაფერს უღირსს არ მოიწონებს.

¹ დელა სენიატურის დარბაზი — ხელისმომწერის დარბაზი (იტალ.). აქ აწერდნენ ხელს პაპის ბრძანებებს (ბულებს) და მნიშვნელოვან დოკუმენტებს.

ბრამანტე რაფაელთან გამოვიდა, რომ დაუყოვნებლივ ეჩვენებინა ახალგაზრდა მხატვრისათვის მისთვის განკუთვნილი დარბაზი.

— ეჰ, მეგობარო, — უთხრა მან გზაში მდღეობარე რაფაელს, — შუბლი რისთვის შეგიკრავს? არც ისე ძნელია მის უწმინდესობასთან შეგუება. მართალია, ურჩობა არ უყვარს, მაგრამ, სამაგიეროდ. კარგად ერკვევა ხელოვნებაში და მასავით ვერავინ შეარჩევს ღირსეულ მხატვრებს. აქ ახლა მუშაობენ პერუჯინო, სინიორელა, და ის, შენც იცი, მე რომ არ ვიყვარს, — მიუკარებელი, კუშტი მიქელანჯელო ბუონაროტი. ის ხატავს სიქსტის კაპელის¹ ჭერს. თვალუბზე გატყობ, როგორ გინდა იხილო მისი ნამუშევარი! ამოდ: კუშტი ადამიანი არავის ანებებს ნამუშევრის შეხედვას! ნეტა გაჩვენა, როგორი ბრახმორევიტ იღებს თვით პაპსაც, — მრისხანე და პირქუში. ფუნჯით ისეა შეიარაღებული, როგორც აფთით! მხოლოდ წოდება იცავს მის უწმინდესობას მიქელანჯელოს რისხვისაგან! აი, სერი ის იყო, ბუონაროტიმ კაპელიდან თავისი თანამემწე ფლორენციელები რომ გამოყარა!..

ამ საუბარში გართულნი შევიდნენ დელა სენიატურის დარბაზში. პაპის სასახლის ფუფუნებამ გააოცა რაფაელი. ვატიკანს ოცამდე ეზო და რამდენიმე ათასი ოთახი ეკავა. არსებობდა, ეს გახლდათ ქალაქი ქალაქში. ურიცხვი გალერეა მორთული იყო წარმართი ღმერთების, ბრძენთა, იმპერატორებისა და გმირების შესანიშნავი სურათებითა და ქანდაკებებით.

მაგრამ ვატიკანი თრგუნავდა რაფაელს, რომი კი აღაფრთოვანებდა თავისი სიდიდით; ეს „მარადიული ქალაქი“ ჯერ ისევე ატარებდა შორეული წარსულის ნიშნებს. თითქოს არაფერს შეეძლო შეერყია მისი უქკნობი სილამაზე, მიწასთან გაესწორებინა ანტიკური კულტურის ძეგლებით მორთული ეს გორაკები.

თვალწინ იშლებოდა ახალი რომის ვიწრო ქუჩები საუცხოო მო-

1. კაპელა — კათოლიკური სამლოცველო ან ეკლესიის ეკვდერი (ეკლესიის ნაწილი), სადაც მგალობელთა გუნდი იმყოფება. სიქსტის კაპელა — ვატიკანში, რომში, აგებულია XV საუკუნეში. მოხატულია აღორძინების ხანის შესანიშნავი მხატვრების — მიქელანჯელოს, ბოტიჩელის, პერუჯინოს, გირლანდაიოსა და სხვათა მიერ.

სახვევებითა და მაღალი სახლებით. ქუჩები. სადაც თვით შუადღისას ბინდბუნდი იდგა, გრილოდა და ოდნავ ნესტი იყო! ახლა მოედნები! აქ ცხოვრება დულდა და გაღმოდროდა: ყველგან მოჩახდა მწვანელით, თევზით, ქსოვილებით მოვაჭრეთა დუქნები. ხარაზებე პირდაპირ ქუჩებში ისდნენ საღვისით ზელში და მოქალაქეთა ფეხსაცმელებს აკერებდნენ. დუქნების კარები იმავე დროს ფანჯრები; მოვალეობასაც ასრულებდნენ: მხოლოდ აქედან—მოედნიდან შედროდა შიგნით თვალისმოშკრელი სინათლე. ზოგიერთი ვაჭარი და სელოსანი პირდაპირ ქუჩებში მოკალათებულყო.

დილიდან საღამომდე იდგა ერთი გნიახი, გაიპოდა ზმამაღალე სიმღერები, სიცილი, ხრინწიანი ლანძღვა და მეწერილმანეთა ყვირილი.

მხატვარი და პაპი

დელა სენიატურის დარბაზი მოხერგო იყო ხარაჩობით; რომლებზეც შეზავებული საღებავებით სავსე უამრავი ქილა იდგა. რაფაელი გატაცებით მუშაობდა. ძნელია სველ ფონზე კედლის მოხატვა. მხატვარი ერთთავად უკმაყოფილო იყო, რადგან კირის ხსნარში განსნილი საღებავები, მისთვის მოულოდნელად, არახასურველ ბუნდოვან ტონს იძლეოდა.

დანარჩენ დარბაზებში ფრესკები უკვე დაეწყოთ სხვა ოსტატებს და რაფაელი ყოველდღე ხედებოდა სასახლეში თავის ძველ მასწავლებელს პერუჯინოს, და მამის მეგობარს ლუკა სინიორელის. ისინი ნახულობდნენ ერთმანეთს, აღიოდნენ ხარაჩობებზე, გამოთქვამდნენ თავიანთ აზრს, იძლეოდნენ რჩევას.

პატივისცემისა და სიამაყის გრძნობით შესცქეროდა „პატრიარქი“ ყოფილ მოსწავლეს, სინიორელი კი გულწრფელი გაოცებით ამბობდა:

— ერთი შეახედა შენთვის, რაფაელო, ჩემს ძველ მეგობარს, ჯოვანის! შენ არ გახსოვს, მაგრამ, დამიჯერე, ჯერ კიდევ მაშინ, როცა კუპიდონივით უშარვლოდ დარბოდი, ვიწინასწარმეტყველე, — ეს ბავშვი ჩვენი ყაიდის ადამიანი დადგება-მეთქი!

სინიორელი, ეტყობოდა, ამაყობდა იმით, რომ ბავშვობიდან იცნობდა რაფაელს.

იულიუს II ყოველდღე მოდიოდა მხატვართა ნამუშევრების სანახავად. იგი დელა სენიატურის დარბაზში თავს ბევრად უფრო თავისუფლად გრძნობდა, ვიდრე სიქსტის კაპელაში, სადაც მიქელანჯელო მუშაობდა. ბუნებით თავაზიანი რაფაელი პაპს მოკრძალებით ეპყრობოდა, როგორც ეკლესიის მეთაურს, და ყურად იღებდა მის ყოველ შენიშვნას.

სამოცდაათი წლის იულიუს II აიკალოავებდა მდიდრულ ტანსაცმელს, ივიწყებდა თავის წოდებას და დიდებულებას და აჩქარებით აღიოდა მოქანავე ხარაჩოებზე, რათა თვალყური ედევნებინა მუშაობისათვის.

— სადა ხარ, სად დაიკარგე, რაფაელო? — ყვიროდა სუნთქვაშეკრული პაპი. — თავგზა დამებნა ამ კალონებში! დღესვე უნდა ვუთხრა ბრამანტეს. რომ შეაკეთონ... აქ შეიძლება კაცმა ფეხი მოიტეხოს!

რაფაელი მიეშველა პაპს ზემოთ ასვლაში ისე, რომ საღებავებით არ დაუსვრია მისი უწმინდესობა.

პაპი ყურადღებით ათვალიერებდა ყველაფერს, მხატვრის ყოველ ნახელავს, აღტაცებული თავის აზრსაც გამოთქვამდა. როგორც ყოველთვის, მისი აზრი იყო მგზნებარე და გულახდილი. იულიუს II-ს არ უყვარდა მორიდება და თავისი გრძნობების დამალვა.

ერთხელ, ფრესკის ყურებისას, პაპი მიუბრუნდა რაფაელს და წამოიძახა:

— ყოვლად წმინდაო მადონა! ეს ურბინოელი ჰაბუკი სწორედ ისე მუშაობს, როგორც საჭიროა! ჩვენ მისი კმაყოფილი ვართ, ეს კი ბევრს ნიშნავს! აბა, რა დაჯღაბნეს იმ დარბაზებში ყეყეჩმა ბებრებმა? არაფრად არ ვარგა. ყველაფერი უნდა გადაკეთდეს, და რაც შეიძლება ჩქარა... გაჩუმდი! ვხედავ, იმათ გამოქომაგებას აპირებ... ვიცი, ვიცი: ზებერი პერუჯინო დიდებული პერუჯელი ოსტატია... რა მესაქმება მის წარსულთან, თუკი ახლა მისი ფიგურები თოჯინებს ჰგვანან? მოგებას გამოეკიდა და სრულიად წახდა ის შენი პერუჯინო. ერთი მითხარი, რატომ ახმარს მთელ თავის ნიქს პორტრე-

ტებს? და საერთოდ ყველა ისინი. ეს მხატვრები. არაფრად ვარგანან. გადავაქციოთ ხელოვნება ხელოსნობად? უმჯობესია სახლების სახურავები ლებონ, სურათების ხატვას კი თავი ანებონ!

!

რაც უფრო აკვირდებოდა რაფაელს ნამუშევარს, მით უფრო მკაცრად და სასტიკად მოითხოვდა პაპი სხვა მხატვრებისაგან მაღალ ოსტატობას. ერთხელ დელა სენიატურის დარბაზში ჩვეულებრივზე უფრო მრისხანე შემოვიდა და გადაქრით განაცხადა:

— კაცმა რომ თქვას, უაზროდ კი მითითხნიან კედლებს ეს უბადრუკი მღებავები! ერთ-ერთი მათგანი უკვე გავაძევე! პა, რა საცოდავად დაიღრიჯე? ნუ გეშინია, შენი პერუჯინო კი არა, მისი რიგი ჯერ არ დამდგარა.

რაფაელი იდგა თავჩალუნული, დამწუხრებული. ამ პოზაში პაპმა უსიტყვო საყვედური ამოიკითხა. დელა სენიატურის დარბაზის ფრესკები მისი უწმინდესობის მოწონებას იმიტომ ხომ არ იმსახურებს, რომ თვითონ იგი — რაფაელი მოსწონს?

რამდენიმე წამს პაპი ღუმდა. მძიმედ სუნთქავდა. შემდეგ ჩვეულებრივი, მშვიდი და მბრძანებლური ხმით დაიწყო:

— ყველაფერი უნდა განადგურდეს. ყველაფერი, შენი ნამუშევრის გარდა! ბრამანტე დღესვე მიიღებს ბრძანებას, რომ ანგარიში გაუსწოროს მღებავებს. მათ ფრესკებს წაშლიან, შეათეთრებენ და ახალ, სუფთა ბათქაშზე შენ მოხატავ კედლებს დანარჩენ დარბაზებში. დღესვე მოძებნე ბრამანტე. ჩვენ კიდევ მოვილაპარაკებთ.

თქვა პაპმა და მედიდური იერით გავიდა.

რაფაელი ერთ ადგილზე გაქვავდა. როგორ, ბრამანტე გაანადგურებს ყველაფერს, რაც დიდმა ოსტატებმა შექმნეს და იგი ამ ნანგრევებზე შექმნის თავისას, ახალს?.. განა გაბედავს? განა შეუძლია? და მერე ვინ არიან ისინი? მისი მასწავლებელი პერუჯინო, სინიორელი, რომელსაც ბავშვობიდანვე პატივს სცემდა, ბრწყინვალე ბაცი, ჯოვანანტონიო ბაცი სოდომა? ჭაბუკი ოსტატი კიბის კადონზე დაეშვა და სახეზე ხელები აიფარა...

— რა მოგივიდა? — გაისმა რაფაელის ყურთან მზიარული და დამცინავი ხმა. — იმის მიხედვით თუ ვიმსჯელებთ, რაც მე შემთხვევით მოვისმინე. მისი უწმინდესობა კმაყოფილია შენი მუშაობით. შენ, კი მგონი, სტირი? ან. იქნებ. კედელზე ბზარი შენიშნე და აღარ აცი, როგორ მოიქცე?

რაფაელის წინ ბრამანტე იდგა.

— ო, მაესტრო! — სასოწარკვეთით აღმოხდა ახალგაზრდა მხატვარს და ბრამანტეს ხელს ხელი წაავლო, — ასჯერ უფრო ბედნიერი ვიქნებოდი. ჩემი ნამუშევარი რომ დალუპულიყო ან პაპს არ მოსწონებოდა!.. ოპ, ნეტავ არ გამეგონა ის სიტყვები.

ბრამანტემ ხელები გაშალა.

— შენი ნებაა! არ მესმის. პაპმა მოგიწვია აქ, შენი სამუშაო ჩინებულად მიდის წინ. მისი უწმინდესობა კმაყოფილია, შენ კი ლამის თავი ჩამოიხრჩო!

— ოპ, მაესტრო. აბა წარმოიდგინეთ ჩემი მდგომარეობა! პაპი უკმაყოფილოა სხვების მუშაობით და სურს ყველა დარბაზი მე მომანდოს!

— დიდი პატივია, ჩემო მეგობარო.

— დიდი პატივი! — აღშფოთებით წამოიძახა რაფაელმა. — დიდი პატივია — გაანადგურო დიდებული პერუჯინოს ნაშრომი, შეუარაცხო სინიორელი, მამაჩემის მეგობარი. და სოდომა, რომლის სურათებს აღტაცებაში მოვყავდი ჯერ კიდევ მაშინ, როცა პერუჯინოს შოწაფე ვიყავი!

ბრამანტე ჩაფიქრდა.

— კარგი, — თქვა ბოლოს, — დღეს საღამოს, როგორც ეს-ეს არის მომახსენეს, — ალბათ იცი, რომ ჩვენთან, ვატიკანში, ყოველ კარს ყურები აქვს, — დღეს საღამოს შენ ჩემთან ერთად წამოხვალ მის უწმინდესობასთან. მანამდე ჩვენ მოვიფიქრებთ, როგორ მოვიქცეთ, რომ არ განვარისხოთ წმინდა მამა და იმავე დროს დავიცვათ ისინი, რომელთა დაცვაც შენ გსურს.

სალამოს პაპის სავანის მძიმე კარებში ბრამანტე და მისი ახალგაზრდა თანამემამულე შევიდნენ და მხოლოდ ნაშუალამევს გამოვიდნენ უკან. სახეზე ორივეს დაქანცულობა ემჩნეოდა. მეტადრე რაფაელი ძალზე ფერმიწილი ჩანდა. ბრამანტემ გახუმრება სცადა:

— დიდი ბრძოლა გადავიტანეთ, რაფაელო! რანაირად არ ვეცადეთ, რათა შეგვეცვალა მისი უწმინდესობის გადაწყვეტილება! და ბოლოს ხომ მაინც გავიმარჯვეთ. კმაყოფილი ხარ?

რაფაელი დუმდა.

— რა კრიკა შეგიკრავს? შენი პერუჯინო ხომ გადარჩენილია. გადარჩენილია სოდომაც და პერუჯიც კი. როგორ ფიქრობ, ლუკა სინიორელი შენს ადგილას რომ ყოფილიყო, როგორ მოიქცეოდა? ცხადზე ცხადია, სინიორელის ფრესკები შენი ფრესკების გვერდით მნახველს პირდაპირ თვალში ეჩხირება!

მაგრამ რაფაელი მაინც დაღვრემილი ჩანდა. ებრალებოდა შეუჩაცხოფილი სინიორელი. მან მხოლოდ ბრამანტეს წყალობით მოახერხა დანარჩენების დაცვა — დაცვა იმისა, რაც გაკეთებულია! მაგრამ ვერ მოახერხა მათი ვატიკანში სამუშაოდ დატოვება: ყველა მხატვარი, გარდა რაფაელისა და მიქელანჯელოსი, დაითხოვეს.

ადრე აქ კედლები მოხატული იყო მითოლოგიური სცენებით. რაფაელმა რალაც სხვა ჩაიფიქრა. გადაწყვიტა დელა სენიატურის დარბაზში დაეხატა სამი დიდი ფრესკა: „რელიგია“, „ფილოსოფია“ და „პოეზია“. პირველს უწოდეს „დისპუტი“, მეორეს — „ათენის სკოლა“ და მესამეს — „პარნასი.“

რამდენი პოეზია და უტყვი სიდიადე ჩააქსოვა რაფაელმა თავის ქმნილებებში! ჰაეროვნება, წარმოსახვის ძალა. სიცხადე და უბრალოება აქ შერწყმულია საერთო ჰარმონიასთან...

არწივი და მართხმები

რაფაელი თუმცა ჯერ ახალგაზრდა იყო, მაგრამ უკვე ჰყავდა რამდენიმე მოწაფე, რომლებიც მას „მესერ სანტის“ კი არ უწოდებდნენ, არამედ მოკრძალებით „მესტროს“ ეძახდნენ. მაგრამ როცა

ისინი რომის ქუჩების გავლით ვატიკანში მიდიოდნენ სამუშაოდ, ვერც იტყოდით, ვინ იყო მასწავლებელი და ვინ მოწაფე; მისი საყვარელი მოწაფე, ლამაზი ვაჟკაცი ჯულიო რომანო, რომელმაც უკვე გამოავლინა ბრწყინვალე ნიჭი, ბევრად უფროსი ჩანდა მაესტრო სანტიზე.

სულ ოთხნი მუშაობდნენ რაფაელთან პაპის სასახლეში; ოთხივენი მასთან ერთად ერთ მთლიანს წარმოადგენდნენ. რაფაელმა ისინი ურბინოდან, თავისი სახელოსნოდან ჩამოიყვანა. ნეტავ დაუბრუნდება თავის სახელოსნოს ამ დიდი მუშაობის დასრულების შემდეგ, თუ ახალ სამუშაოს მიიღებს?

რაფაელს უყვარს მოსწავლეებთან ხუმრობა, — ამ მარად კაბუქსა და მხიარულ მაესტროს. გზადაგზა ფრანჩესკო პენის ელანდარავება, რომელიც სულ ხუთი წლით უმცროსია თავის მასწავლებელზე და ძლიერ დარბაისელი ჩანს. მაგრამ, მიუხედავად ამისა, უჩვეულოდ თავაზიანად საუბრობს რაფაელთან, რაფაელი კი ეხუმრება:

— გამიგონე, ფატორე (ამ სახელწოდებით იყო პენი ცნობილი მხატვრებს შორის),— გამიგონე და ერთხელ მაინც გამოტყდი: რომელი უწმინდური ძალა გეხმარება, რომ ასე სწრაფად ასრულებ ყველა ჩემს დავალებას და ახალ სამუშაოს ითხოვ, მაშინ, როცა სხვებს ნახევარიც კი არა აქვთ გაკეთებული? ალბათ, თვით ბელზებელი¹ გეხმარება, არა?

ფატორე წვრილ, ზეთისხილის მსგავსად მოელვარე თვალებს კუტავს და ხუმრობითვე პასუხობს:

— მაესტრო, ისეთ წმინდა ადგილას, როგორც ვატიკანია, ბელზებელი თვით ყველაზე უმანკო ახალდაბადებული ეშმაკის გამოგზავნასაც კი ვერ გაბედავს!

მერე იწყებდნენ საუბარს სამუშაოზე, მომავალი მუშაობის გეგმებს უზიარებდნენ ერთმანეთს.

თუ პენი ყველაზე გამრჩე იყო, სამაგიეროდ ჯულიო რომანო და პიერინო დელ ვაგა ყველაზე ნიჭიერები იყვნენ და სიტყვის უთქ-

¹ ბელზებელი — ქრისტიანულ მითოლოგიაში ჯოჯოხეთის მბრძანებელი, სატანა.

მელად ხედებოდნენ მასწავლებლის ჩანაფიქრს მონახაზებშიც კი-
განსაკუთრებით ჯულიო რომანო, რომელსაც რაფაელი „ჩემ მეორე
მეს“ უწოდებდა.

ყველამ იცოდა, როგორი მოხერხებულობა მართებს კაცს, რომ
მის უწმინდესობას ასიამოვნოს. ამას ისინი უწოდებდნენ „სცილასა
და ქარიბდას შორის სახიფათო გზის გავლას“¹. ჯიოვანი და უდინე,
ქაბუკი, რომელსაც „დეკორატიული ხელოვნების გენიას“ უწოდებ-
დნენ. სულ წუხდა, ვაითუ ვერ შევძლო კედლებზე კარგად დახატ-
ვაო. მას ეჩვენებოდა, რომ ბათქაში ძალიან მალე შრება, კარგი ნა-
ხატისათვის კი ახალი, ნესტიანი ბათქაშია საჭირო.

* * *

ამგვარად. ხელისმოწერის დარბაზის სიგრძივ კედლებზე თან-
დათან იზრდებოდა ორი ფრესკა — „დისპუტი“ და „ათენის სკოლა“

პირველი ფრესკის — „დისპუტის“ ქვედა ნაწილში რაფაელმა
გამოხატა ეკლესიის მამები, რომლებიც რელიგიის საკითხებს იხილა-
ვენ. აქ არის ფილოსოფოსების პორტრეტები. აქაა დანტე — უკვდა-
ვი „ღვთაებრივი კომედიის“ შემქმნელი.

„დისპუტში“ რაფაელმა უჩვეულო ვაბედული ნაბიჯი გადადგა:
მან თვალსაჩინო ადგილას მოათავსა პაპის — ალექსანდრე VI-ის
მიერ ეკლესიიდან მოკვეთილი სავონაროლა, რომელსაც სწორედ ამ
დარბაზში მიუსაჯეს კოცონზე დაწვა...

ეს იყო კადნიერება, რომელიც ეწინააღმდეგებოდა მხატვრის
მორიდებულ გარეგნობას და მის მოკრძალებულ თავდაჭერას პაპ-
თან. მაგრამ რაფაელი პაპის საყვარელი ადამიანი იყო, ისევე რო-
გორც ბრამანტე. ამიტომ პაპმა, თავის არქიტექტორთან ერთად,
„დისპუტი“ ყოველგვარი ცვლილების გარეშე შიშინა. შინაყმებ-

¹. სცილა და ქარიბდა — ძველ ბერძნულ მითოლოგიაში ორი ურჩხული მე-
სინის სრუტის ორივე მხარეზე, რომლებიც შთანთქავენ ზღვაოსნებს; გაღატანით
მწიშენელობით — მძიმე მდგომარეობა, როცა ყოველი მხრიდან ხიფათია მოსა-
ლოდნელი.

თან პრელატების ჩურჩული და კილვა ვატიკანში მიწყნარდა და აღტაცებული შეძახილებით შეიცვალა.

ფრესკა „ათენის სკოლა“ გამოხატავდა ფართო ტალანს; კიბის ზემო საფეხურებზე მოჩანან ფილოსოფოსები — პლატონი და არისტოტელე. პლატონს თითი ცისკენ აღუმართავს, თითქოს ამბობს, რომ ზეციური, იდეალური — ცხოვრების საძირკველია, არისტოტელე კი ხელს ქვევით იშვერს, თითქოსდა ამტკიცებს, რომ ყველაფერს საფუძვლად დედამიწაზე ბუნების მოვლენათა შესწავლა უნდა დაედოს. პლატონსა და არისტოტელეს გარს ახვევია ფილოსოფოსების. სწავლულებისა და მოწაფეების ჯგუფი. აქ არიან სოკრატეც, ჰერაკლიტეც, დიოგენეც, პითაგორეც, გეომეტრი ევკლიდეც და ასტრონომი პტოლომეც. აქ ტიპების, პოზების, მოძრაობათა უჩვეულო მრავალფეროვნებაა... განთქმული ფილოსოფოსებისა და სწავლულების ამ ჯგუფში გამოკრთის ახალგაზრდა მხატვრის სახე...

* * *

რომი ერთბაშად აღაპარაკდა დელა სენიატურის დარბაზების ფრესკებზე. ყველა, დიდებულებითა და მდიდარი ვაჭრებით დაწყებული, უბრალო ხელოსნებითა და უსახლკარო ღარიბებით გათავებული, მიიჩქაროდა ვატიკანში. იტალიაში ხომ ხელოვნებისადმი სიყვარულს ყოველი ღარიბი დედის რძესთან ერთად იწოვს. ყოველ შემთხვევაში, ძველთაგანვე ასე იხსენიებდნენ იტალიელებს. იულიუს II ამაყობდა ახალგაზრდა ურბინოელი მხატვრით, რომელიც უდავოდ მოუხვევს მას სახელს.

რაფაელზე ახლა ყველგან ლაპარაკობდნენ და გრაფ კასტილიონეს მოსვენებას არ აძლევდნენ რომელი ნაცნობები. ეკითხებოდნენ, დიდი ხანია რაც მაესტრო სანტის იცნობთ, როგორი იყო იგი ურბინოში, როგორი მშობლები ჰყავდა და როგორი იყო ბავშვობაშიო — იგი ხომ ასეთი ლამაზია! ქალები უკან დასდევდნენ, ადგილებს ქირაობდნენ სავაჭრო ფარდულებში მისი სახლის პირდაპირ ან იქ, სადაც ის გაივილიდა ხოლმე, როცა ვატიკანში მიდიოდა, ხოლო შემდეგ იმ სახლის პირდაპირაც, სადაც კასტილიონე ცხოვრობდა. — იქ ხომ ასე ხშირად არის რაფაელი! რატომ დაიარება ასე ხშირად იქ?

კრავის ახალგაზრდა მეუღლემ მას თავბრუ ხომ არ დაახვია? ოკ, არა, იგი ისმენს ურბინოს განსვენებული ჰერცოგის ქერივისადმი მიძღვნილ გრაფ კასტილიონეს ახალ განსაცვიფრებელ ნაწარმოებს; ჰერცოგის ქერივისადმი მოკრძალება რაფაელს ბავშვობიდანვე შემორჩა... „კორტეჯანო“ („კარისკაცი“) უჩვეულოდ გონებამახვილური ნაწარმოებია, შესანიშნავი ენითაა დაწერილი. „კორტეჯანო“ ყველას ასწავლის დახვეწილ მანერებს და თითოეულმა, ვისაც სურს მიღებულ იქნას პაპის, იულიუს II-ის კარზე, ზეპირად უნდა დაისწავლოს იგი. მაგრამ რაფაელს ეს სრულიად არ სჭირდება — მას თითქოს დაბადებიდანვე დაჰყვა თავისი სასიამოვნო მანერები... ასე ამბობდნენ რომაელი ქალები. .

* * *

ვილაც როსომ. ძალიან უხეშმა და თავშეუკავებელმა ადამიანმა, როგორღაც ცუდად მოიხსენია რაფაელი:

— როგორ ბერავენ! თანაც გაუგებარია, ვინ მუშაობს იქ: თვითონ თუ მისი ქარგლები!

რაფაელის ყველა მოწაფემ, როგორც ერთმა კაცმა, გადაწყვიტა ჰქუა ესწავლებინათ თავხედი და უტიფარი ცილისმწამებლისათვის და იგიც იძულებული გახდა რომიდან გაქცეულიყო.

მარტო მოწაფეები კი არ აღმერთებდნენ რაფაელს: როგორც კი ახალგაზრდა დიდოსტატი ხალხმრავალ ქუჩაში გამოჩნდებოდა. უმაღლვე გარშემო ხალხი შემოეხვეოდა. შორიდან თვალს მოჰკრავდნენ თუ არა, ბიჭები ალტაცებით ყვიროდნენ, თანაც ისე, რომ ყელის ძარღვები ებერებოდათ:

— აი, მოდის ჩვენი დიდებული მანეტრო, რომელსაც ერთ წუთში შეუძლია დახატოს მთელი სურათი! აი, მოდის მხიარული მანეტრო სანტი! რამდენი სიმღერა იცის!

მართლაც, რაფაელი ყოველთვის მხიარული ჩანდა და უყვარდა სიმღერები. ბიჭებისაგან შეესწავლა მრავალი უბრალო, ლაღი სიმღერა.

თავისუფალ დროს ქუჩაში ხეტიალი უყვარდა. ხშირად ასე დადიოდა და თვალყურს ადევნებდა ყოველდღიური ცხოვრების საინტერესო სურათებს.

ერთხელ, როგორღაც, ვატიკანიდან გამოსვლისას, მხატვარმა შეამჩნია ერთ-ერთი სახლის კიბეზე მდგარი ახალგაზრდა გლეხის ქალი, რომელსაც ხელში ბავშვი ექიარა. მშვენიერი იყო ეს დედა თავისი სიყვარულის შვილს რომ ესიყვარულებოდა! რაფაელი გაჩერდა ისე, რომ ქალს არ დაენახა, და დიდხანს უყურებდა დედობრივი სიყვარულის სურათს. ბოლოს ქალმა შენიშნა რაფაელი, გაიღიმა და ყრმა უფრო ნაზად, ამაყად ჩაიკრა გულში.

რაფაელმა ხელი წაავლო ნახშირს და მიიხედ-მოიხედა — შესაფერის მასალას ეძებდა, რომ მშვენიერი დედა-შვილი დაეხატა. მაგრამ ირგვლივ ისეთი არაფერი აღმოჩნდა. შენიშნა მხოლოდ ერთი თავდაყირა დაგდებული ცარიელი კასრი. მხატვარს დიდხანს არ უფიქრია, კასრთან მიიბრინა და შეუდგა მის ფსკერზე ქუჩის სცენის სწრაფად მოხაზვას. ეშინოდა, ჩანახატის დამთავრებამდე არ წავიდესო ქალი. ამ მონახაზიდან იშვა შემდგომში „მადონა დელა სედია“ („მადონა სავარძელში“) „მრგვალი“ სურათი.

სურათი განასახიერებს დედობრივი სიამაყით სავსე ქალის სიხარულს. ფართო, ზოლიანი თავსაფარი უფარავს მადონას თავს; მეორე, სახიანი კი მხრებზე აქვს მოსხმული. ბავშვი დედას ეკვრის და გასაოცარი ბუნებრიობით ამოძრავებს ფეხის თითებს. პატარა იესოს გვერდით იოანე ნათლისმცემელია, მისი ბავშვობის ამხანაგი. ყველა მისი გართობისა და თამაშის თანამოზიარე.

მოყვრებსა და მტრებს შორის

ბრამანტეს ირგვლივ თავი მოიყარეს იმ დროის ყველაზე უფრო განათლებულმა ადამიანებმა, რომლებიც მეცნიერებისა და ხელოვნების სხვადასხვა დარგში მუშაობდნენ. მათ შორის იყო კასტილიონეც. ბალთაზარე — ასე ეძახდნენ მას მეცნიერთა და ხელოვანთა წრეში, სადაც იგი თვალსაჩინო როლს თამაშობდა. ამ წრის წევრები რაფაელის მეგობრები გახდნენ.

მაგრამ რაფაელს მტრებიც ჰყავდა, რომელთაც შურდით მისი დიდება და გაიძახოდნენ, ფარისეველია, თორემ პაპის გულს როგორ მოიგებდაო! ამ ადამიანებს იმის გაგონებაც არ უნდოდათ, რომ მათ-

ნაც, როცა რაფაელს დიდი სახელი ჰქონდა მოხვეჭილი, იგი ისევე სადა და გულისხმიერ ადამიანად რჩებოდა პერუჯელ და ფლორენციელ დამწყებ მხატვრებს შორის, როგორც თავიდან იყო; მათ არ იცოდნენ, რა ამხანაგურად ეპყრობოდა იგი თავის მოწაფეებს. თვით ამ მოწაფეების მისდამი ერთგულება ლაპარაკობდა მათს ურთიერთდამოკიდებულებაზე.

მტრები არ ცხრებოდნენ. გამოჩნდნენ მზაკვრები, რომლებიც ინტრიგებით ცდილობდნენ იულიუს II მტრულად განეწყოთ რაფაელის მიმართ. მაგრამ ეს არ მოხერხდა: რაფაელს მგზნებარე დამცველი ჰყავდა პაპის კარზე ყოვლად ძლიერი ბრამანტეს სახით

ბოროტმა ადამიანებმა მაშინ სხვა გზას მიმართეს: მათ გადაწყვიტეს რაფაელსა და მიქელანჯელოს შორის მტრობა ჩამოეგდოთ.

რაფაელი და მიქელანჯელო სრულიად განსხვავებული ბუნებისა და ხასიათის ადამიანები იყვნენ, მაგრამ ისინი ღირსეულად აფასებდნენ ერთმანეთის ნიჭს. რაფაელი ხშირად ამბობდა:

— მე განსაკუთრებით ბედნიერი ვარ. რომ დავიბადე ისეთი დიდი ოსტატის სიცოცხლეში, როგორიცაა მიქელანჯელო და დასაანანია. რომ ბევრი რამ და ბევრი ვინმე ცხოვრებაში ხელს გვიშლიდა დაახლოებაში. ო. ეს ინტრიგები, რომელიც მეგობრებს შორისაც კი შულლსა სთესავს! საჭიროა შევეურიგდეთ გარდაუვალს—რაც არ არის, მას ხომ ვერ შექმნი.

და იგი განაგრძობდა მრავალი წლის ერთად მუშაობით ნაცად მეგობრებთან — მოწაფეებთან ხელისუფლებულ მუშაობას.

მოწაფეები რაფაელს ეხმარებოდნენ სურათების შექმნაში, ვატიკანის კედლების მოხატვაში და სხვა შეკვეთების შესრულებაში. მათთან ერთად დაიხატა ფრესკები „ხანძარი ბორგოში“, „პეტრე მოციქულის განთავისუფლება“. ხოლო ფრესკები „კონსტანტინეს“ დარბაზში შექმნილია თითქმის რაფაელის მონაწილეობის გარეშე— მოსწავლეების მიერ. რომლებიც მისი კარტონებით ხელმძღვანელობდნენ.

• • •

დადგა დღე, როდესაც ბოლოს და ბოლოს გაიღო სიქსტის კაპელას კარები და რაფაელი სიხარულით, მთელი სულითა და გულით

შეუერთდა იმათ ნაკადს, ვინც გენიალური მიქელანჯელოს ახალი-
ქმნილების სანახავად მიისწრაფოდა. როცა ბუნაროტის შესანიშ-
ნავი ჰქერი დაინახა, რაფაელმა შესძახა:

— მადლობა უფალს, რომ ამ დიდი ოსტატის გვერდით ვცხოვ-
რობ და შემძლია მისგან ვისწავლო!

მართალია, რაფაელი დიდად აფასებდა მიქელანჯელოს ოსტა-
ტობას, მაგრამ არასოდეს ყოფილა მისი მიმბაძველი და ყველა თავის-
ნაწარმოებში სრული დამოუკიდებლობა შეინარჩუნა.

ერთხელ მიქელანჯელოსა და რაფაელს ასეთი ამბავი შეემთხ-
ვათ:

რაფაელს ხუთას ეკიუდ უნდა დაეხატა რამდენიმე ფრესკა მდი-
დარი კიჯისათვის¹, მაგრამ შუა მუშაობაში უეცრად განაცბადა:

— ჩემი სამუშაო ძლიერ გაიზარდა და ხუთასი ეკიუ მისთვის
ძლიერ ცოტაა. მე მოვითხოვ. რომ სინიორმა კიჯიმ გააორკეცოს გა-
სამრჯელო.

— ეს უაზრო ახირებია! — შეშფოთდა დამკვეთის მდივანი. —
თქვენ ხომ თვითონ დანიშნეთ ეს ფასი, მაესტრო, და ახლა...

რაფაელმა ამაყად ასწია თავი და შეაწყვეტინა:

— მოიწვიეთ საქმის მცოდნენი, და ნახავთ, რაოდენ მართებუ-
ლია ჩემი მოთხოვნა.

მდივანს უცბად მზაკვრული აზრი მოუვიდა.

„—კარგი, — გადაწყვიტა თავისთვის, — ვნახოთ! შენ მცოდ-
ნე გინდა? ძალიან კარგი, მე მოვიყვან ბუნაროტის — ვიცი, რო-
გორ გიყვართ თქვენ ერთმანეთი!“

მიქელანჯელო, ჩვეულებისამებრ, მოღუშული და მღუმარე გა-
მოცბადდა. დიდხანს ათვალიერებდა იგი ფრესკებს. რაფაელი და
მდივანი მოუთმენლად ელოდნენ მის მსჯავრს. ბოლოს მიქელანჯელო-
მიუბრუნდა მათ, სიბილას თავზე¹ მიუთითა და მშვიდი, მტკიცე
ხმით თქვა:

— მარტო ეს თავი ღირს ასი ეკიუ, დანარჩენები კი — ამას არ
ჩამოუყვარდებიან.

1. სიბილა — მოხეტიალე წინასწარმეტყველი ქალი ძველ ბერძნებთან, რომელ-
მაცლებთან და ებრაელებთან.

და უმალლესი მსაჯულის, მიქელანჯელოს გამოანგარიშებით სი-
ნიორ კიჯი იძულებული გახდა რაფაელისათვის ბევრად უფრო მეტი
გადაეხადა, ვიდრე ამას თვით მხატვარი მოითხოვდა.

თუ მიქელანჯელო არავითარ სიმპათიას არ განიცდიდა რაფაე-
ლის პიროვნებისადმი და მას მლიქვნელ კარისკაცად თვლიდა, სამა-
გიეროდ, აღტაცებული იყო მისით, როგორც უდიდესი მხატვრით.
რალა უნდა ეგრძნოთ მათ, ვინც მოზიბლული იყო რაფაელის პიროვნე-
ბებით? სასტიკი პაპის სახეზეც კი ღიმილი კრთოდა რაფაელის და-
ნახვაზე. ბევრი გამოჩენილი მხატვარი ცდილობდა მიეღო მისგან
სამახსოვროდ თუნდაც უბრალო მონახაზი.

ყველაზე ხშირად ქებასა და აღტაცებას გამოხატავდნენ იმ
დროისათვის მეტად პოპულარული სონეტის ფორმის ლექსებში;
მათ აკრავდნენ ან რაფაელის კარზე ან იქ, სადაც მისი ნაწარმოებები
იყო ხოლმე გამოფენილი. ეს ლექსები სიბარულს ჰგვრიდნენ მხატ-
ვარს, განსაკუთრებით, თუ ხელოვნების მცოდნეთა მიერ იყო დაწე-
რილი.

ასე, მაგალითად, ცნობილმა მხატვარმა ფრანჩესკო ფრანჩამ სო-
ნეტზე წააწერა მიძღვნა: „საუკეთესო მხატვარს რაფაელ სანტის,
ჩვენი საუკუნის ზევსს!, ერთადერთს, რომელსაც თვით ზეცამ მია-
ნიჭა ძალა, რათა იმეფოს სხვებზე!“ „ბედნიერია ჭაბუკი, რომ ასე
ადრე ავიდა მიუწვდომელ სიმაღლეზე, — წერდა ფრანჩა თავის
ლექსში. — ვის შეუძლია იწინასწარმეტყველოს, რას მიაღწევს იგი
მომწიფებულ ასაკში? ვის შეუძლია იწინასწარმეტყველოს, კიდევ
რას მიაღწევს იგი?“

მაგრამ საყოველთაო თაყვანისცემას რაფაელში არ გაუღვიძე-
ბია სიამაყე და პატივმოყვარეობა. თავისი ღიძების მწვერვალზეც
ის ისეთივე უბრალო და თავმდაბალი რჩებოდა.

• • •

დელა სენიატურის ერთი დარბაზი კი არა, ვატიკანის სხვა დარ-
ბაზებშიც უკვე გამშვენნიერდა რაფაელის მონახაზებით. მისი ფრესკე-

1. ზევსი — ძველ ბერძნულ მითოლოგიაში უზენაესი ღმერთი, მენისმტყორ-
ცნელი.

ბის, „ჰელიოდორის გაძევება“ და „ხანძარი ბორგოში“, სახელებია მიხედვით ერთ-ერთმა სავანემ მიიღო სახელწოდება „ჰელიოდორის დარბაზი“, ხოლო მეორემ „ხანძრის დარბაზი“. იტალიური სიტყვა „სტანცა“ (ოთახი) იქცა ყველა ამ დარბაზის საერთო სახელად.

მასწავლებლის ხელმძღვანელობით: ახალ ფრესკაზე მუშაობდა მისი საყვარელი მოსწავლე — ჯულიო რომანო.

ფრესკაში აისახებოდა ერთ-ერთი ბიბლიური სიტუაცია, რაც რაფაელს მისი თანამედროვე იტალიის მშფოთვარე ისტორიამ. მუდმივმა ომებმა, თავდასხმებმა, ძარცვა-გლეჯამ. ძალმომრეობამ, ცეხარე ბორჯიას მსგავსთა სინასტიკემ და ბოროტებამ შთააგონა.

მუშაობის დაწყებამდე მან მოაწავლეებთან ერთად წაიკითხა ბიბლიის ტექსტი, სადაც მოთხრობილი იყო ჰელიოდორის ამბავი. მისი რბილი ხმა მშვიდად და ნარნარად ჟღერდა სახელოსნოს კედლებს შორის.

ძველ თქმულებაში გადმოცემულია ერთ-ერთი სასწაული. როდესაც სირიის სარდალი ჰელიოდორი მეფემ იერუსალიმის იმ ტაძრის გასაძარცვავად გაგზავნა, რომელშიაც ქვრივებიცა და ობლებიც ფული ინახებოდა. ამან ხალხში აღშფოთება გამოიწვია. მაგრამ დამპყრობელის ძლიერებით დაშინებულ ხალხს მხოლოდ ლოცვა შეეძლო.

ჰელიოდორი უკვე მზად იყო დაეტოვებინა ტაძარი ნაძარცვ განძთან ერთად, რომ უეცრად შიშის ზარი დასცა მის წინ გამოცხადებულმა სასწაულებრივმა მხედარმა ოქროს აღკურვილობით. მხედრის უკან გამოჩნდა ორი სხვა უძლეველი მშვენიერი ახალგაზრდა, რომლებმაც ჰელიოდორს მათარახები დაჰკრეს.

რაფაელმა ფრესკაზე გამოხატა ტაძრის შიგა მხარე. ძუხლმოღრეკილი მღვდელთმთავარი გარინდულა ცხარე ლოცვაში, ხალხი მღელვარებას მოუცავს, საშინელი მხედრისა და მრისხანე ანგელოზების ხილვის გამო. ზოგნი სვეტების კვარცხლბეკებზე ამძვრალან, რომ სასწაული უკეთ დაინახონ; სხვები გარს იკრებენ ბავშვებს; მუსამენი მზად არიან გასაქცევად... შეძრწუნებული ქალი კივს. უსაზღვრო შიშით შეპყრობილი ჰელიოდორი იატაკზეა დამხობილი; მას

ხელიდან გავარდნია ნაძარცვი განძეულობით 'სავსე კურჭელი; ა, იგი ცდილობს წამოდგეს, მაგრამ ხსნა არ არის: მრისხანე მხედრის ცხენის ფლოქვები სადაცაა გაარესენ მკრეხელს... მხედარს გვერდით მრისხანე და საშინელი ჭაბუკები უდგანან...

რაფაელმა მოწაფეთათვის მოულოდნელად ფრესკაზე მოათავსა პაპი იულიუს II, რომელიც ტახტრევიანით მოჰყავთ ახალგაზრდა რომაელებს. ერთ-ერთ მათგანში ძნელი არ არის ლამაზ ჯულიო რომანოს შეცნობა. საყოველთაო ძრწოლის დროს პაპი სრულიად დაწყნარებულია და ამით ხაზი ესმება იულიუს II-ის სულის სიდიადესა და სიძლიერეს. მძარცველებისკენ მიმართულ მის მზერაში ისეთი რისხვა და აღშფოთება გამოსჭვივის, რომ ესეც იკმარებდა პელიოლორის გასაძეველად.

იულიუს II-ის გარეგნობა, რომელიც ასე კარგად ჰქონდა შესწავლილი რაფაელს, მხატვრისათვის შესანიშნავი მოდელი გამოდგა. მხატვარს თითქოს უნდოდა ეთქვა, ჩვენ იმედი გვაქვს, რომ პაპი იხსნის იტალიას უცხოელთა შემოსევისაგან, როგორც ოდესღაც სასწაულებრივმა მხედარმა იხსნა იუდეველები პელიოლორისაგანო. იულიუს II-მ უნდა გააერთიანოს ათეულ სამფლობელოებად დაქუცმაცებული ქვეყანა, რომელსაც ერთი ენა და ერთი სარწმუნოება აქვს. წვრილ-წვრილი ტირანებისაგან თავის დასაღწევად, ძალას რომ ულევდნენ ხალხს და სასტიკად ჩაგრავენენ, იულიუს II-მ კავშირი უნდა დაამყაროს ფრანგებთან, შვეიცარიელებთან და სხვა უცხოელებთან. ამ მოკავშირეებმა, თავის მხრივ, მოისურვეს გაენაწილებინათ იტალია ერთმანეთს შორის და პაპის წინაშე ახლა იდგა სხვა ამოცანა — მას ქვეყანა უცხოელი ბარბაროსებისაგან უნდა გაენთავისუფლებინა.

იმავე პერიოდში რაფაელმა შექმნა ეგრეთ წოდებული „მადონა ალბა“. ეს არის მრგვალფორმიანი სურათი. აყვავებულ კორდზე მუხის კუნძს მიყრდნობია ღვთისმშობელი. აქვე არიან პატარა იოანე ნათლისმცემელი და ყრმა იესო. ღვთისმშობელს თავზე ჰრელი თავშალი ახვევია, მხრებზე კი — ცისფერი მოსასხამი, რომელიც ფართო ნაქცებად ეცემა ბალახზე. ნახევრად წამოწოლილია, მარცხენა ხელში გადაშლილი წიგნი უჭირავს, მარჯვენა კი იოანეს მხარზე

უდევს. ჩვილი ქრისტე დედის მუხლებს ეკვრის. დედას კი ნაღვლიანი გამოხედვა აქვს, მის თვალებში მომავლის იღუმალი წინათგრძნობაა.

იულიუს II-ის უპანასწნელი დღეები

1513 წლის თებერვალში რომს მოედო მოულოდნელი ამბავი: პაპი მიძიმედ ავად გახდაო. ერთ დილას მან უკვე ველარ შეძლო ლოგინიდან ადგომა და ფანჯრებზე ფარდების აწვევა აღარ უბრძანებია: მზე აწუხებდა, აწუხებდა ბალიდან წამოსული ხმაურიც, სადაც გაუთავებლად გალობდნენ გაზაფხულის სიმღერებს ბუდეებთან მოფუსფუსე ჩიტები. მან მოკლედ ბრძანა:

— ნუ გააღებთ ფანჯრებს. როცა ბრამანტე მოვა, შემოუშვით.

იგი ნაღვლიან ფიქრებს მიეცა: ნუთუ მის ჯანმრთელ, ჯერ კიდევ ენერგიით სავსე, ცხოვრებასა და მოქმედებას მოწყურებულ სხეულს ეწია ჩვეულებრივი ადამიანური სენი — სიძაბუნე? ეს როგორ არის: სხეული მიიხრწნა, გონება კი ნათელია, გამჭვირავი, მგზნებარე, საქმიანი და ასე სწყურია მოღვაწეობა, შენება, ახლისა და მყარის შექმნა! ღიახ, მას სჯერა, რომ ყველაფერი, რაც მან გააკეთა, მყარია...

— ა, ეს შენა ხარ, ბრამანტე...

როგორ მოხდა, რომ მან შეუმჩნევლად ჩასთვლიმა, ვერ გაიგო საწოლ ოთახში შემოსული არქიტექტორის ფეხის ხმა და ვერც ის. თუ როგორ მიუახლოვდა იგი ლოგინს? იქნება დიდი ხანია დგას? რას იზამ, მაშასადამე, დაძაბუნდა! ო, ამაზე ფიქრიც კი აუტანელია მისთვის! და, ოდნავ თვალებმოჭუტულმა, ეშმაკობა სცადა:

— რას გაჩუმებულხარ, მაესტრო?

ბრამანტე თავს იმართლებდა:

— მე ვერ მოვასწარი მოხსენების დაწყება, თქვენო უწმინდესობავ... ეს არის მოუუახლოვდი ლოგინს, ხოლო ხარჯთაღრიცხვა პაკეტში მაქვს, რომელიც...

— შენ ჯერ კიდევ ვერ ისწავლე პაკეტის ჩვენებრ სწრაფად გახსნა. — კმაყოფილი ღიმილი მოეფინა პაპს სახეზე.

შესანიშნავია! მაშასადამე, მას არ სძინებია ბრამანტეს თანდასწრებით.

მაგრამ არქიტექტორი ვერ მოატყუა ამ სიცილმა. იგი ხედავდა ბალიშებზე მისვენებული, ერთბაშად დაუძლურებული მოხუცის მკვდრისებრ სახეს, რომელსაც დაეკარგა ჩვეული სილიადე, ხოლო ღრმად ჩამჯდარ თვალებში მხატვარმა შენიშნა ნებისყოფის ფარული დაძაბვა, ტანჯვა. თბილი ბეწვის საბანქვეშ პაპი ერთიანად კანკალებდა, კბილები უკაწკაწებდა.

— მე... ჩვენ დაგიბარეთ, მაესტრო.

იგი ყოველთვის ურევდა თავის საუბრებში ამ თავაზიან მიმართვას — „მაესტროს“, როდესაც სურდა ეჩვენებინა ბრამანტესათვის. როგორ აფასებდა მას.

— ჩვენ ტაძრის აგების შესახებ უნდა გვესაუბრა... მაგრამ ახლა არა... ახლა არა... წადი. ვიფიქროთ ორივემ, მეც და შენც, მაესტრო. იფიქრე. გახსოვდეს, რომ გენდობით.

ბრამანტე ემთხვია მის ციე ხელს და წავიდა, პაპმა კი თვალები მიილულა.

ციებამ, იტალიას რომ თავს დაატყდა, პაპს სასიკვდილოდ დარია ხელი.

* * *

როცა პაროქსიზმმა გაუარა, პაპმა მორიგე პაეი იხმო:

— წადი, პეპო, უთხარი, რომ მზად ვარ მივიღო მხატვარი მიქელანჯელო ბუონაროტი.

მიქელანჯელო შემოვიდა. იგი ფლორენციაში გაშვებას ითხოვდა. ერთი წუთით იულიუს II გამოცოცხლდა, თვალები მისთვის ჩვეული ფოლადისებური ელვარებით აუბრწყინდა.

— რაო? ფლორენციაში? ვერ მიიღებ შვეებულებას! რა დროს ფლორენციაში წასვლაა? განა რომში ცოტა საქმეა?

და მბრძანებლური ეესტით მხატვარს კარებზე მიუთითა.

რატომღაც იულიუს II-ს გაახსენდა ასე უხეშად გაძევებულ მიქელანჯელოს ქანდაკება — მწუხარე ღეთისმშობელი, რომელსაც კალთაში ქრისტეს სხეული უსვენია. რაფაელს უყვარს გახარებული.

თავის ბავშვთან შოალერსე დედის დახატვა; ამ მარტოხელა, ჩაკე-
ტილ, ნადვლიანი თვლების მქონე ადამიანთან კი ღვთისმშობელი
წარმოდგენილია სრულიად განსაკუთრებულად, თავისებურად, მერე
როგორ ხვდება გულს...

პაპმა სუსტი ხმით კვლავ მოუხმო ერთ-ერთ მორიგე კარდინალს.
მან ბრძანა გაეცათ ბუონაროტისთვის სიგელი შვებულების შესახებ
და მისი ლოცვა-კურთხევისათვის მიემატებინათ ხუთასი დუკატი
„ფლორენციაში კარნავალის დროს გასართობად“.

*

20 თებერვლის დამით იულიუს II მიიცვალა.

უქანასქნელი წლები

რომი და ვატიკანი ლუი X-ის დროს

უკვე ერთი კვირაა რომი მოუთმენელ მოლოდინს შეუპყრია. უამრავი ხალხი გარს ეხვევა ვატიკანს. თვალები მოუთმენლობით მიუპყრიათ სასახლის ქვის მილისაკენ. ყველა ელოდება, როდის ამოვა იქიდან ლურჯი კვამლი, რომელმაც ხალხს უნდა აუწყოს, რომ ახალი პაპი უკვე არჩეულია კონკლავის მიერ. კარდინალები დასწვავენ თავიანთ საარჩევნო ფურცლებს, სადაც ახალი პაპის სახელი დაწერეს. ბოლოს დადგა სასურველი წამი. მილიდან ამომავალი წვრილი მოლურჯო ზოლი პირველმა შეამჩნია ქუჩის მეყვავილე-გოგონამ, რომელიც მუდამ ხალხის სიხარულითა და მწუხარებით ცხოვრობდა.

— კვამლი, სინიორებო, კვამლი! — დაიყვირა მან, თან ხტოდა და ხალხში მიძვრებოდა.

აივანზე გამოჩნდა რომაელებისათვის კარგად ნაცნობი ერთ-ერთი კარდინალი, რომელსაც სქელი, ქონმოკიდებული სხეული, დამპყნარი სახე და გადმოკარკლული ახლომხედველი თვალები ჰქონდა. იგი პაპის სამოსელში გამოწყობილიყო.

გაისმა ბრბოს ხმამაღალი ყვირილი:

— გაუმარჯოს პაპს ლუი მეათეს!

ცნადი იყო, ახალი პაპის მიერ მიღებული სახელი ვიდაცამ უკვე დაიჩურჩულა ხალხში. ლორენცო ბრწყინვალის შვილი, ფლორენ-

ციიდან გაძევებული ტირანის პიეტროს ძმა, ანტიურობის თაყვანისმცემელი, ღვინისა და ალვირახსნილი ცხოვრების მოყვარული კარდინალი ჯოვანი მედიჩი ავიდა პაპის ტახტზე.

რომში ლუი X-მ გადმოიტანა მისთვის ჩვეული სასახლის მდიდრული მორთულობა. მან მოკლედ განსაზღვრა თავისი ცხოვრების მიზანი: „მაშ დავტკბეთ პაპობით, რაკი ღმერთმა გვიბოძა!“ თავისი ძმის — პიეტროს მსგავსად, კარდინალი ყველაზე მეტად აფასებდა ლხენასა და განცხრომას, მაგრამ ჰკუამოკლე ძმისგან განსხვავებით, იგი იყო სიტყვაკაზმული მწერლობისა და ხელოვნების მცოდნე, მფარველობდა განათლებას, მამის მსგავსად უწყობდა ხელს ძველი ბერძენი ავტორების გამოცემას და მასავით აგროვებდა ძველ ხელნაწერებს. განათლებით და დახვეწილი გემოვნებით ის აღემატებოდა იულიუს II-ს, მაგრამ გარეგნული ეფექტურობით იყო გატაცებული და ჩამორჩებოდა მას ჰუმბარტად მნიშვნელოვანისა და გენიალურისა შეფასებაში. რაფაელმა, რომელსაც პაპმა თავიდანვე დაუყვავა, ეს მალე იგრძნო: ახალმა პაპმა მას მრავალი სერიოზული სამუშაო დაუკვეთა და თან უბრძანა დაეხატა ნაჩუქარი სპილოს პორტრეტი... ნატურალური სიდიდისა.

* * *

ახალი პაპი ფლორენციიდან სრულიად ავადმყოფი ჩამოიყვანეს. პაპის ტახტზე ასვლამდე, ცოტა ხნით ადრე, მან მძიმე ოპერაცია გადაიტანა.

ლუი X არ იყო წარმოსადეგი გარეგნობისა და რაფაელის მიერ შემდგომში დახატული მისი პორტრეტი მკვეთრად, სიმართლით და ზუსტად გადმოსცემს პაპის გარეგნობას, მის სახეს, რომელიც ასე ნაკლებად ჰგავდა მოხუც იულიუს II-ის შთაგონებულ, მტკიცე, ენერგიულ სახეს. ლუი X პორტრეტზე გამოხატულია სავარძლის აქეთ-იქით მდგარ ორ თავაზიან კარდინალთან ერთად. პაპი ძველ ხელნაწერს ათვალიერებს.

ახალი პაპი ადამიანებთან დამოკიდებულებაშიც სულ სხვა იყო, ვიდრე იულიუს II. შემპარავი მანერები, თავაზიანობა, თავისდაჭე-

რა და გარემომცველი ფუფუნება ხანდახან კაცს ავიწყებდა მის ულამაზო შესაწებლობას.

მისი მმართველობის დროს რომში შეწყდა ომის მუდმივი სა-
შიშროება; ეს შიში ჯერ კიდევ ცოტა ხნის წინათ ძრწოდა ქვეყანაში,
რომელსაც იულიუს II-ის მოუსვენარი ხასიათის გამო ბევრი გაჭირ-
ვება გადახდა თავს. პაპთან დაახლოვებულნი თვალს ხუჭავდნენ იმა-
ზე, რომ იგი თავისი პირადი სურვილების დასაკმაყოფილებლად წყა-
ლობით ავსებდა საყვარელ ადამიანებს და ხაზინას ფლანგავდა.
ბევრს ხომ ჯერ კიდევ ახსოვდა ალექსანდრე VI-ის საშინელი სანე,
რომელმაც თავისუფლება აჩუქა ალვირახსნილ პატივმოყვარეებს,
ბორჯიას საშინელი სახლის წარმომადგენლებს, სისხლისმსმელ ბო-
როტმოქმედებს.

„მაშ დავტკბეთ პაპობით, რაკი ღმერთმა გვიბოძა“, — თქვა და
ამართლებდა კიდევ თავის სიტყვებს, ცდილობდა არ დაეკლო არც
ერთი სიამოვნება, რომელსაც მაშინ მიღებული იყო მაღალ წრეში.

ახალი პაპი ნადირობის ტრფიალი იყო. ძაღლების ხროვით და
მოოქრული ჩაჩებით, მორთული შავარდნებით გაივსო ვატიკანი.
იგი ივიწყებდა თავის ღირსებას და სანადირო სამოსელში გამოწყო-
ბილი, დიდი ამაღის თანხლებით მიდიოდა კამპანის უდაბურ ადგი-
ლებში, სადაც მისთვის ძვირფასი ნადირი ჰყავდათ გამომწყვდეული.

* * *

ახლა რომი გარეგნულად ხელგაშლილად და მხიარულად ცხოვ-
რობდა, როგორც არასდროს. გაუთავებელ ნადიმებს ვატიკანში და
ღრეობებს უმაღლესი საზოგადოების პალაცოში ბოლო არ უჩანდა.
რომი დიდხანს ვერ ივიწყებდა ხალხთან პაპის პირველი დიდებული
გამოსვლის ზეიმს. იგი გამოჩნდა ოქროს გავალაკით მოკაზმულ
თეთრ ცხენზე, სრულ სამოსელში. ნელა ჩაიარა ტრიუმფალური
თაღების ქვეშ, ყვავილებით მოფენილ გზაზე, უძველეს ქანდაკებებს
შორის, რომლებიც ამ დღისთვის დადგეს ქალაქში და თან ირგვლივ
ლოცვა-პურთხევას აფრქვევდა. პროცესიას მაყურებელი გადაჰყავ-
და ძველი რომის წარმართულ სამყაროში. პაპის ხელით მკვდრეთით
დგებოდნენ ძველი ღმერთები...

პაპის ნადიმებზე წყალივით უხვად იღვრებოდა ღვინო; მხატვარ-ოქრომჭედლების მიერ ლუი X-ისათვის სპეციალურად გაკეთებული ოქროს ლანგრებით მოჭქონდათ ყველაზე იშვიათი საჭმელეები: შორეული მხარეებიდან ცოცხლად ჩამოყვანილი თევზი, საწებლით შემზადებული თუთიყუშთა ენები... სასახლესთან დაახლოებულინი, რომელთა შორის კარის პოეტებიც იყვნენ, ნადიმებზე სმენას უტკობდნენ მის უწმინდესობას მუსიკითა და თვით მისი, წმინდა პეტრეს ტახტისა და მედიჩების გვარის საუცხოო პოეტური შექებით. უგუნურებამ იქამდე მიაღწია, რომ ერთი ასეთი ნადიმის შემდეგ მთელი ძვირფასი ქურჭელი თავშესაქცევად მდინარე ტიბრში ჩაყარეს.

პაპი თითქმის ყოველდღე ნიშნავდა ელჩებისა და მათი მრავალრიცხოვანი ამაღლის საზეიმო მიღებას და მათ პატივსაცემად აწყობდა ნადიმებს, მასკარადებს, თეატრალურ სანახაობებს, კავალკადებს, ნადირობებს რჩეულ კარისკაცთა თანხლებით. კარის პოეტები ქებას ასხამდნენ ქრისტეს მოადგილეს დედამიწაზე, ქებას ასხამდნენ როგორც ადამიანთა სულებსა და აგრეთვე... გარეულ ღორებსა და ირმებზე დიდებულ მონადირეს. საქმეები, როგორც სასულიერო, ისე საერო, შეიძლებოდა გვერდზე გადაედოთ.

1515 წელს ლუი X-მ გადაწყვიტა გაეოცებინა მშობლიური ფლორენცია თავისი სიდიადით. ის, მედიჩების ერთ-ერთი წარმომადგენელი, რომლის გვარის წინააღმდეგ არაერთხელ აჯანყებულა ურჩი საგონაროლას კადნიერი სიტყვებით აღელვებული ფლორენციელი ხალხი, ახლა მივა მშობლიურ ქალაქში და ხალხი იძულებული იქნება თავყვანი სცეს მედიჩის, თავი დაუხაროს მიწამდე, როგორც ეკლესიის მეთაურს, რომლის წინაშე ქედს იხრის მთელი კათოლიკური სამყარო... მისმა ძმისწულმა, მდიდარმა ბანკირმა, რომის მბრძანებელს საზეიმო შეხვედრა მოუწყო.

ქალაქი ტრიუმფალური თაღებით მორთეს; ყველგან, სადაც პაპს და მის ამაღლას უნდა გაეგლო, ანტიკური და იტალიის საუკეთესო ხელოვანთა მიერ შესრულებული ქანდაკებები დადგეს. მხატვრებმა ბევრი იშრომეს პროცესიის მორთვაზე.

ბრწყინვალედ ჩატარდა ზეიმი ალეგორიული პროცესიებით; მდიდრულად მორთულ ეტლებში ანტიური პერსონაჟები — ღმერ-

თები და გმირები ისხდნენ. მეშვიდე ეტლი განასახიერებდა ლუი X-ის პატივსაცემი პროცესიის თვით იდეას — მას ერქვა „ოქროს საუკუნის ტრიუმფი“. მის ფიგურებში იყო უნაკლო სილამაზის ცოცხალი ოქროს ბიჭი. ფლორენციელმა მხატვრებმა წინასწარ შეარჩიეს იგი — ღარიბი ქვისმთლელის შვილი — და ზეიმის დღეს ოქროსფრად შელდებს. ოქროს ბიჭი წარმოთქვამდა ამ შემთხვევისათვის შეთხზულ ლექსებს. იგი მეტად კმაყოფილი იყო, რომ ფული იშოვა და ოჯახს წაეშველა, რომ მას პირველად აგემეს საუცხოო საკმელები, რომ გააძღეს და ბევრი ტყბილეულიც მისცეს.

ბიჭუნა მხიარულად წარმოთქვამდა დასწავლილ სიტყვებს.

ჩვენმა დიდმა პაპმა ყველას
დაუბრუნა ოქროს ხახა...

ბიჭი შეარჩია რაფაელის საყვარელმა მოწაფემ — ჯულიო პიპიმ, რომელიც ჟულიო რომანოს სახელითაა ცნობილი. რატომღაც ფლორენციაში გაიხსენეს ჯულიოს ძველი სახელი, და მხატვრები ერთმანეთს აღარ აცლიდნენ რომ როგორმე ესიამოვნებინათ მისთვის, რადგან პაპის საყვარელი ადამიანის — რაფაელის რჩეული მოწაფე და თანაშემწე იყო. ჯულიო პიპიც აღმერთებდა მასწავლებელს, ცდილობდა როგორმე მისთვის ესიამოვნებინა და ყველაფერში მიეზაძა; რაფაელის წაბაძვით ბერეტი ეხურა ოქროსფრად მოელვარე კულულებზე, რაფაელივით შავი ხავერდის მოსასხამს იცვამდა, ბაძავდა მის თავისუფალ, მოხდენილ მიხრა-მოხრას. ფლორენციაში ჩამოსულ ჯულიოს დღესასწაულის ერთ-ერთი გამგებელი, მხატვარი მიქელა ანიოლო შეხვდა. ამ ოხუნჯმა და ხუმარა კაცმა გადაწყვიტა ეჩვენებინა ჯულიო რომანოსათვის მოზეიმე ფლორენციის შიდა მხარე — ღარიბების ქოხები; იგი ლაპარაკობდა საკმაოდ ცინიკურად, უნებური სარკაზმითაც:

— ერთი შეხედვე, ბიჭო, ყოველგვარი მათემატიკისა და მისნობის გარეშე, თავიანთ ხელფასს მილიარდ ნაწილად როგორ ყოფენ! მაინც ცოცხლობენ და ხანდახან მათ შორისაც კი იბადება ისეთი ლამაზი, რომ მხატვარი თავს ვერ იკავებს, ტილოზე გადააქვს, მოქანდაკეც საჭრისს მიმართავს... ხანდახან ესენი არიან ყვავილების გამ-

ყიდველი ქალიშვილები, ხან მეთევზეები არნოს ნაპირებიდან, ხან კი მთებში, ქვის სამტეხლოების მტვერში გაზრდილები...

სეტინიანოში, ქვის სამტეხლოების მტვერში, მათ იპოვეს უნაკლო სილამაზის ბიჭი და ათ სკუდოდ მოურიგდნენ მის მშობლებს, რომ მოეოჭროვებინათ და გამოეყვანათ პროცესიაში „ოქროს საუკუნის“ როლში.

როდესაც ბიჭი მოიყვანეს, მხატვრების მთელი კომისია — პონტორმო, იაკობო ნარდიც, ბაჩო ბანდინელი და თვით რაფაელიც — ალტაცებაში მოიყვანა ბავშვის სილამაზემ. რაფაელმა, სხვათა შორის, იკითხა:

— ბიჭისათვის მტკივნეული ხომ არ იქნება მოოქროვება?

ბაჩო ბანდინელიმ, უხეშმა აღამიანმა, რომელსაც არცთუ ძალიან აწუხებდა იმ მენატურების ბედ-იღბალი, რომელთაგანაც იგი ასლებს აკეთებდა, მხოლოდ მხრები აიჩეჩა:

— როგორ, საღებავს კანის ქვეშ ხომ არ შეუყვანენ! ზემოდან შეღებავენ, ეს არის და ეს! საღებავი გადაეცლება და კვლავ კუჭყი დაედება!

ბიჭმა ჩინებულად შეასრულა თავისი როლი, მაგრამ საღებავმა მოკლა იგი. კანმა ველარ ისუნთქა და ბიჭი მოკვდა დღესასწაულის შემდეგ, როგორც კვდებიან მთელი სხეულის დამწვრობისაგან... ეს არ იცოდნენ არა თუ პაპმა და მისმა ახლობლებმა, არამედ პროცესიის მომწყობმა მხატვრებმაც კი; ვიდრე საღებავს აცლიდნენ, ბიჭმა სული განუტევა...

ჯულიო რომანომ შემთხვევით გაიგო სიმართლე. ბიჭის ლამაზი და მოსწონებოდა და, როდესაც დღესასწაულის შემდეგ მივიდა სეტინიანოში, რათა ქალიშვილისა და ბავშვის მონახაზი გაეკეთებინა, ბიჭი უკვე დაემარხათ.

ახალგაზრდა მხატვარს დაბრუნებისას თავპირი ჩამოსტიროდა, მაგრამ რაფაელი შეებრაღა და არაფერი უთხრა. არც ის თქვა, რაც კალატოზებისაგან გაიგო სეტინიანოსკენ მიმავალ გზაზე. ფლორენციიდან სეტინიანოში რამდენიმე უსახლკაროდ დარჩენილი ოჯახი გადაესახლებინათ, რადგან, თურმე პაპის ჩამოსვლისათვის ქალაქის ხელისუფლებმა ქოხმანების აღება ბრძანეს იმ ადგილებიდან, სადაც უწმინდეს მამას უნდა გაევიღო: პაპის გზაზე მხოლოდ სილამა-

ზე და თვალის საამო სურათები უნდა ყოფილიყო. ღარიბთა ქონებას აბა რა სილამაზე ექნებოდათ.

რაფაელი კი ისეთ კარგ გუნებაზე იყო, ისე ხალისიანად, მხნედ გამოიყურებოდა, ისე სჯეროდა ყველასი და ისეთი ბედნიერი იყო თავისი უშრეტი შემოქმედებით, რომ ჯულიო რომანოს ძალა არ ეყო ეთქვა მისთვის სიმართლე და მით სიხარულის ეს ნათელი ცეცხლი ჩაექრო საყვარელი მაესტროს სულში!

მან არ მოუწამლა რაფაელს კარგი გუნება-განწყობილება, არ უამბო პატარა ლამაზი ბიჭუნას — „ოქროს საუკუნის“ საშინელი სიკვდილის ამბავი.

მეორე მხარე

ამაოდ ცდილობდა ჯულიო რომანო დაემალა მასწავლებლისათვის ცხოვრების მეორე მხარე და ის საშინელი ამბები, რაც მშობლიურ ქალაქში ლუი X-ის ტრიუმფს მოჰყვა. ეს მეორე მხარე რაფაელმა საკმაოდ მალე დაინახა პაპის ტახტზე ლუი X-ის არჩევის შემდეგ. 1514 წელს გარდაიცვალა ბრამანტე, მისი თანამემამულე, მეგობარი და ხელმძღვანელი, რომელიც რაფაელს ძლიერ შეუყვარდა და სამართლიანად თვლიდა გენიალურ პიროვნებად. ახლა მას მხოლოდ კასტილიონე დარჩა. ზოგნი კასტილიონეს მოხერხებულ კარისკაცად თვლიდნენ, რომელიც თითქოსდა წესების, ტაქტის, ზრდილობისა და მოსწრებული დაცინვის განსახიერებას წარმოადგენდა. მაგრამ რაფაელისათვის ეს იყო ადამიანი, რომლის გულისა და გონებისათვის მას ჰქონდა გასაღები. სურვილისთანავე რაფაელის წინაშე კასტილიონე ამყდავნებდა მახვილგონიერებას, სიბრძნეს.

ბალთაზარე კასტილიონეს შესახებ რაფაელი ბრამანტეს დაკრძალვის შემდეგ ფიქრობდა. მაშინ იგი სევდისაგან განაწამები ჩაიკეტა თავის საწოლში და თავი მოიავადმყოფა...

სწორედ მაშინ რაფაელთან აჩქარებული შევარდა ჯულიო რომანო, თუმცა მოსამსახურემ გააფრთხილა, მაესტრო შეუძლოდ გრძნობს თავს, ისვენებს და არავის მიღება არ სურსო. კასტილიონეს გარდა, მხოლოდ ჯულიო რომანო შედიოდა მხატვართან ნებისმიერ დროს.

რაფაელი, ხალისიანი, ნათელი სულის და აზრის ადამიანი, მძიმე ფიქრებს მისცემოდა. მწარე ფიქრები მხატვარს მხოლოდ ბრამახტეს სიკვდილის გამო როდი დაეუფლნენ. იგი მწუხარებამ შეიპყრო, რადგან უკვე ხედავდა და უკვირდებოდა ცხოვრების სიღუბნეობას. რასაც აღრე ვერც კი ამჩნევდა.

ახლადარჩეული პაპი, რომელიც სრულიად არ ჰგავდა იულიუს II-ს, ყველაზე ნაკლებად ფიქრობდა თავისი ხალხის კეთილდღეობაზე ან კათოლიკეებზე, რომელთაც ბრმად სწამდათ მისი. მისი მფლანგველობა და განცხრომის წყურვილი ეკლესიას კატასტროფას უქადდა, მაგრამ ლუი X-ს არ უნდოდა ამის გაგება და გამაფრთხილებელ ხმებს ხმაურიანი ნადიმებით ახშობდა. მას სჯეროდა, რომ მუსიკა, სილამაზე, პოეზია, მახვილსიტყვაობა და მხიარული ნადიმები — ხელშეუვალი უფლებაა ღვთის რჩეულისა, პაპისა, ხოლო კარდინალები, რომლებიც სიამოვნებით იზიარებდნენ მის აზრს, მას ხალხის ძარცვაში ეხმარებოდნენ...

ვატიკანში ასეთი ხმა გავრცელდა: როდესაც რაფაელს ერთხელ უთხრეს, თქვენს ნახატებში წმინდანებს რატომ აქვთ ასეთი წითელი სახეებიო, მან უპასუხა: „ისინი რომის კარდინალების მაგივრად წითლდებიანო“!

დიახ, რაფაელმა ბოლოს და ბოლოს დაინახა, თუ რა განსხვავება იყო ლუი X-სა და იულიუს II-ს შორის, რომლებიც მას სამუშაოს აძლევდნენ. იულიუს II-ისაგან განსხვავებით, ლუი X-ს არ შეეძლო მხატვრის ჩანაფიქრის გაგება და შეფასება. მას მხოლოდ ერთი სურდა: რაფაელს თავის ნაწარმოებებში განედიდებინა არა ეკლესია, არამედ თვით იგი — ლუი X, წმინდა პეტრეს ტახტზე ლუი X თამაშობდა მხიარული დიდებულის, სიძველეთა მცოდნისა და შემგროვებლის როლს. დიდებული ტაძრის აგების გრანდიოზული იდეა, რომელიც ესოდენ იტაცებდა იულიუს II-ს, მას უგუნურებად მიაჩნდა და ტვირთად აწვა. ხშირად შუბლშეკრული ეუბნებოდა კარდინალებს:

— ტაძრის აგება დიდ ხარჯებს მოითხოვს. ამდენის საშუალება არა გვაქვს. ხაზინა დაიცვება, განა არ შეიძლება რაიმე უფრო სადა მოვიფიქროთ?

მაგრამ ხაზინა ღია იყო უგუნური ხარჯებისათვის, პაპისა და მისი კარისკაცების გასამხიარულებლად.

მერე ხელოვნება, ნამდვილი დიდი ხელოვნება? რაფაელი მწარედ ფიქრობდა, რომ მხატვრებიდან თითქმის მხოლოდ მას და მის მოწაფეებს იტანენ ვატიკანში და არა მხოლოდ იტანენ, არამედ ერთგვარად ანებივრებენ კიდევ. ორი დიდი გენია — მიქელანჯელო და ლეონარდო და ვინჩი — რომში ზედმეტნი აღმოჩნდნენ. ლეონარდო გულმშვიდად გაუშვეს საფრანგეთში; პაპს მისი დატოვება არც უცდია. მიქელანჯელო გაუთავებლად გადაჰყავთ ერთი საქმიდან მეორეზე, ერთი სამუშაოს დამთავრებას არც კი აცლიან. პირქუში, დაუარიდებლად პირდაპირი ბუნონაროტი თვალში არ მოუვიდათ პაპის კარზე ვატიკანში... რაფაელმა კი მტკიცედ მოიკიდა ფეხი არა მარტო თავისი ნიჭის წყალობით, არამედ რაფაელისათვის დამახასიათებელი მოკრძალებისა და თავაზიანობის გამო, რომელიც ასე ძალიან მოსწონს პაპს... ზოგჯერ პაპის ალერსი მოსაბეზრებელი ხდებოდა. რაფაელი ხომ კარისკაცად არ არის დაბადებული. იგი სიამოვნებით დაიწყებდა თავისუფლად მუშაობას, ყოველგვარი ძლიერი მფარველის გარეშე... ნეტავ ვინ შემოსულა, ვინ დგას კარებთან?

— ოჰ, შენა ხარ, ჯულიო? როდის აქეთ დაიწყე მასწავლებლის წინაშე მორცხვობა?

რაფაელს ნაცნობი თვალები ღრმა სიყვარულითა და რაღაც ფარული სიხარულით უმზერდნენ. რაშია საქმე? რა უხარია? ნუთუ ჰგონია, რომ რაფაელს ხელს უშლიდა ვატიკანში სხვა მხატვრების ყოფნა და პირველობას ეძიებდა?

უცბად ჯულიომ სხაპასხუპით წამოისროლა:

— ახალი ამბავია, მაესტრო, და მერე როგორი! სასიამოვნო ამბავი, ძვირფასო მაესტრო!

— სასიამოვნო... ვისთვის, მეგობარო?

მხატვრის ხმაში გულგრილობა გამოსჭვივოდა:

— თქვენთვის, თქვენთვის და ამიტომ, ცხადია, ჩემთვისაც! — ჯულიო ჩქარობდა, სიტყვებს ყლაპავდა: — ხომ იცით, რომ განსვენებულმა მაესტრო ბრამანტემ სიკვდილის წინ სთხოვა მის უწმინდესობას თქვენ დაენიშნეთ წმინდა პეტრეს ტაძრის მთავარ ხუროთმოძღვრად, მაგრამ პაპი სულ აყოვნებდა... ეს ხარჯთაღრიცხვაო...

ხაზინაო... დიდი ხარჭებიო... დავიცადოთო... ახლა კი ხმები გავრ-
ცელდა, მის უწმინდესობას მშენებლობის განახლება განუზრახავს
და ბრამანტეს ადგილზე რაფაელს ნიშნავსო!

— მოიცა, მეგობარო, იქნებ ეს მცადრი ხმებია? — იკითხა რა-
ფაელმა იმავე გულგრილი ტონით. — ogni bel ginoco dura poco¹.
მე ბევრი რამ გამიკეთებია მისი უწმინდესობის გასართობად — კმა-
რა. ახლა მთავარი ხუროთმოძღვრობაც მე უნდა დამავალოს?! მართა-
ლია. ბრამანტე ავადმყოფობის დროს ხშირად მესაუბრებოდა, ვი-
ცი, ასეთი იყო მისი სურვილიც. მაგრამ რომში ხომ მრავლად არიან
ჩემზე უფრო ღირსეული ხუროთმოძღვრები.

— თქვენზე უფრო ღირსეულნიო! — გულწრფელად აღშფოთ-
და ჯულიო რომანო. — რას ბრძანებთ, მაესტრო...

— ყური მიგდე, ჩემო ჯულიო, მე ვიცი, რომ შენთვის ჩემზე
ღირსეული არავინ არის. მერედა ვინ გითხრა ჩემი დანიშვნის ამბა-
ვი?

— პაპის მასხარა ბარაბალომ! მასხარებზე უკეთესად ვის შე-
უძლია ჩუმ-ჩუმად ყურის გდება. მათზე უკეთ ვინ იცის სასახლის
ახალი ამბები? ბარაბალო გზაზე შემომხვდა. როგორც ყოველთ-
ვის, იმანჭებოდა, მამალივით ყიოდა. მერე კი ყეფით, კნავილით,
საზიზღარი ღრეჭვით ათასნაირ ხმაზე მიმღერა ეს მნიშვნელოვანი
ახალი ამბავი. მე კი სიხარულისაგან კინალამ გადავეხვიე.

— მაინც რატომ გიხარია, ჯულიო?

ჯულიომ მხრები აიჩჩია:

— რატომ მიხარია? განა შემიძლია არ მიხაროდეს, რომ ყვე-
ლაზე ღირსეული ღირსეულთა შორის, ყველაზე გენიალური გენი-
ალურ მხატვრებს შორის, ისეთივე პირველი ადამიანი იქნება ვა-
ტიკანში, როგორც მაესტრო ბრამანტე იყო!

ჯულიო რომანო ნაწყენი გაბრუნდა, რომ რაფაელი ასე ცივად
და თითქოს მტრულადაც კი შეხვდა ამ ახალ ამბავს.

იმავე დღეს ვატიკანიდან მოსულმა მაცნემ რაფაელი პაპთან
დაიბარა. ლუი. X-მ გამოაცხადა, რომ ურბინოელი რაფაელ სანტი-
ინიშნება ბრამანტეს თანამდებობაზე...

1. „კარგი ცოტა რამა“ (იტალ.).

რაფაელმა გატაცებით მოჰკიდა ხელი ახალ სამუშაოს, რომელიც დიდ პატივად ითვლებოდა და ბრწყინვალე მდგომარეობას უქმნიდა სასახლის კარზე. მხატვარი ყოველნაირად ცდილობდა გამართლებინა განსვენებული ბრამანტეს იმედები.

მაგრამ რა მცდარი იყო პაპის არჩევანი! არქიტექტურის სფეროში დიდი ნიჭის მიუხედავად, რაფაელი, ხომ უპირველეს ყოვლისა, მხატვარი იყო და დიდი დანაშაული იყო, რომ იგი მის მთავარ საქმეს ჩამოაშორეს.

• • •

რაფაელი გულმოდგინედ მუშაობდა, ეთათბირებოდა გამოცდილ და ნიჭიერ არქიტექტორებს, ბრამანტეს მოადგილეებს, მაგრამ ამ ტაძარმა დიდი მხატვრის დაფნის გვირგვინს ერთი ფოთოლიც კი ვერ შემატა. პირიქით. ახალმა სამუშაომ მხოლოდ მოქანცა, ღლენი შეუმოკლა.

• • •

ლუი X არაფერს არ ზოგავდა თავისი თავის დასატკბობად და ცდილობდა რაფაელის გენიიდან გამოეწურა ყველაფერი, რისი გამოწურვაც შეიძლებოდა. თანაც ძალიან სწყინდა, რომ ახალგაზრდა, ოცდაათი წლის მხატვარმა, დაკარგა ადრინდელი მხიარულება და ახლა ხშირად დაღვრემილი და დაფიქრებული დადიოდა.

ვატიკანის მოსართავად პაპს ბრიუსელიდან შალის, აბრეშუმისა და ოქროს ძაფებით ნაქსოვი შესანიშნავი ხალიჩები გამოუგზავნეს. ლუი X ბეცი თვალებით ათვალთვლებდა ნაქარგს, თან სასწრაფოდ გამოძახებულ რაფაელს ბუზღუნით ეუბნებოდა:

— რა დაგემართა, ვატიკანის მშვენებავ და სიამაყევ? ხომ არ გამოგცვალეს. დაჩაჩანაკებულ ბებერს გავხარ! ნუ გავიწყდება, რომ შენ, როგორც ჩვენი ერთიანი სახელოვანი კათოლიკური ეკლესიის ჰუმარტი შვილი, ვალდებული ხარ გაამხიარულო და კარგი გუნება-განწყობა შეუქმნა ეკლესიის მეთაურს. ამას კი მხოლოდ მაშინ მიაღწევ, თუ მუშაობაში შენი წარმატებების ამბავს მხნედ და ხალისიანად მოგვანსენებ.

რაფაელმა არ იცოდა, რა ეპასუხა. პაპი განაგრძობდა:

— აი, ბრიუსელის ხალიჩები! ჩინებული ნაკეთებია, მაგრამ თვით სურათები რასა ჰგავს! რომელიც არ უნდა აიღო, წმინდანის იქნება თუ ღვთისმშობლისა და ქრისტეს გამოსახულება, არც ერთი არ ახარებს თვალს. უღიმღამოა, როგორც ყველაფერი ამ უბადრუკ, ცივ და ნისლისა და წყალდიდობებისაგან დანესტიანებულ ქვეყანაში. ჩვენ სხვა რამ გვსურს. ჩვენ გვინდა, რომ შენს მოსწავლეებთან ერთად გააკეთო კარტონები, რომელთა მიხედვით ბრიუსელელ ფეიქრებს ხალიჩებს დავუკვეთავდით, თემები კი...

პაპი დაფიქრდა და ოდნავ ენა ააწკლაპუნა, თითქოს რაღაც ძალიან სასიამოვნო, გემრიელი საჭმელი გაახსენდაო, თვალები მოჭუტა და ყოყმანით, სიტყვების ტკეპნით განაგრძო:

— თემა... დიახ... დიდებულია. კარგი იქნება სცენები... ძველი რომის მითებიდან ან ისტორიიდან აგველო... მაგრამ. ცხადია, ბიბლიური თემაც შეიძლება... შენ ყველაფერი კარგად გამოგდის, ჩემო რაფაელო! შენ დაამზადებ კარტონებს, რომლებსაც ბრიუსელელ ფეიქრებს გავუგზავნით... რა ლამაზი იქნება... მაშ, საქმეს შეუდექი, რაფაელო, წადი. იცოდე, წუთიც არ დაკარგო უქმად!

* * *

შეკვეთები ყოველი მხრიდან მოსდიოდა. როგორც კი რაფაელს წამოსცდებოდა, ამდენ სამუშაოს თავს ვერ გავართმევო, პაპი უინიანი, განებივრებული ბიჭივით ჭირვეულად გაიძახოდა:

— მოიგონა რაღაც. თავს ვერ გაართმევ! სწორედ რომ უნდა გაართვა თავი! ამიტომ ხარ ჩვენი კარის მხატვარი! შენ ხომ ჯერ არ გაგიკეთებია ყველაფერი ის, რაც ვატიკანისათვის იყო გათვალისწინებული! რა სასიამოვნოა ცარიელი კედლების ყურება?

ასეთი უაზრო მოთხოვნილებებისაგან და საყვედურებისაგან რაფაელი სასოწარკვეთილებებში ვარდებოდა. აღარ სურდა კედლების ნათელი სურათებით მოხატვა, გული სულ სხვას ეძიებდა. და სწორედ ასეთ წუთებში გამოჩნდა თემა, რომელმაც იგი გაიტაცა, — ხანძარი ბორგოში, ღარიბებით დასახლებულ ერთ-ერთ კვარტალში. ეს საშინელი ხანძარი თითქმის რვა საუკუნის წინ — 847

წელს მოხდა. ხანძრის შედეგად მრავალი ოჯახი დარჩა უსახლკაროდ; მრავალი ადამიანი დაიღუპა.

დაე, პაპმა, თავისი კეთილდღეობით რომ ტყეება და ყოველნაირად ამტკიცებს: „რაკი ღმერთმა გვიბოძა პაპის ტახტი, ჩვენც დავტყებთო“, შეხედოს თავის ქვეშევრდომთა ტანჯვას, ჩაუფიქრდეს მათ მწარე ხვედრს. ყოველთვის თავის სიამოვნებაზე ხომ არ უნდა იფიქროს.

თავდაპირველად რაფაელს. იქნებ ასეთი ამოცანა არც დაუსახავს, მაგრამ სწორედ ეს იღეა ჩამოაყალიბა და განავითარა თავის სურათში. ეს იყო მისი პირველი ნაწარმოები, რომელშიც მძაფრი ტრაგიკული განწყობილება გამოსჭვივის. იგი შეუდგა ესკიზების მომზადებას „ბორგოს ხანძრისათვის“. მუშაობის დროს მას ხშირად აგონდებოდა ფლორენციიდან დაბრუნების შემდეგ მოსმენილი მოთხრობა ოქროს ბიჭის შესახებ, რომელიც პაპის გართობის მსხვერპლი გახდა.

ფრესკის სიუჟეტად გამოყენებულ იქნა ძველი თქმულება. თქმულების მიხედვით საშინელი ხანძარი შეწყდა იმ წუთს, როდესაც ახლანდელი პაპის თანამოსახლე ლუი IV სასანლის აივანზე გამობრძანდა და ხალხის კურთხევის ნიშნად ხელი ასწია.

დაე, პაპის ხელისუფლების ამ მოჩვენებითი ქება-დიდების ნიღაბმა ვერ დაფაროს მომხდარი ამბის ტრაგიზმი. სულ ერთია, ის შემდგომში მაინც მოხვდებათ თვალში. ადამიანთა ჯგუფებმა, რომელთა შორის ერთნი ცდილობენ ცეცხლის ჩაქრობას, მეორენი კი შეძრწუნებულნი გარბიან, ღრმად უნდა ააღელვონ მაყურებელი. განსაკუთრებით დრამატულია ფრესკის ცენტრი. შიშისაგან კკუაზე შეშლილი დედები მუდარით იწვდიან ხელებს — ბავშვები შეიბრალებთო.

მხატვარმა ვერ მოახერხა მთელი ჩაფიქრებული გეგმის შესრულება—მან მხოლოდ ზოგიერთი ცენტრალური ფიგურის დახატვა მოასწორო; სამუშაო დაამთავრეს მისმა მოწაფეებმა — ჯულიო რომანომ და ფრანჩესკო პენიმ, რომლებიც ბევრად ჩამორჩებოდნენ მასწავლებელს ანტიური სილამაზის ცხოვრებისეულ სინამდვილესთან შერწყმის ხელოვნებაში. სურათისათვის „ხანძარი ბორგოში“, მათ გამოიყენეს რაფაელის კომპოზიციისა და ჯგუფების მონახა-

ზები და გენიალური ოსტატის მეთვალყურეობით ამუშავებდნენ კარტონებს ფრესკისათვის.

როდესაც ხალხის საკუროთხებლად აივანზე გამოსულ პაპს ლუი IV-ს ხატავდა, რაფაელმა იგი ლუი X-ს დაამსგავსა, იქნებ იმ მიზნით, რომ განცხრომისა და ფუფუნებაში ჩაფლულ პაპს ხალხის წინაშე თავისი მოვალეობა შეეახსენო...

მისი უწმინდესობის ბრძანებით

უკვე პირველი წელი არ არის, რაც ძია სიმონე რაფაელს წერილებს უგზავნის და მოაგონებს, დროა ცოლი შეირთო, მალე ოცდათხუთმეტი წელი შეგისრულდებაო; თორემ იქნებ ვერც კი მოვესწრო ჩემი საყვარელი, ერთადერთი დისშვილის, მაჯას შვილიშვილებსო! თვით კარდინალი ბიბიენა, ცბიერი. ჰკვიანი და ანგარიშიანი კაცი ოცნებობს დაუნათესავდეს პაპის საყვარელ ადამიანს, რომელიც ყოვლისშემძლე ჩანს ვატიკანში. იგი რაფაელს ურიგებდა თავის დისშვილს, მაგრამ ქალიშვილი სუსტი იყო და ხშირად ავადმყოფობდა, — სხვა რა გზა იყო, კარდინალიც იცდიდა. ბუნებით დამყოლი მხატვარი არ უარყოფდა კარდინალის წინადადებას, მაგრამ ბიბიენა ხედავდა. რომ მას არცთუ დიდად ანტერესებდა საცოლე. გაიძვერა კარდინალი ცხარობდა, თუმცა რაფაელთან საუბრისას პირმოთნედ ცდილობდა თავაზიანი და მოკრძალებული გამოჩენილიყო. მაგრამ პაპის მხატვარი საკმაოდ კარგი ფსიქოლოგი გახლდათ. მასთან „წუთით“ შესული კარდინალის თვლებში ბოროტ ნაპერწკალს კარგად ხედავდა, კარდინალი კი ხშირად შეივლიდა ხოლმე მასთან და საამისოდ ათასნაირ საბაბს პოულობდა.

აი ახლაც, გაზაფხულის ამ მშვენიერ დღეს, მან „გზად შეიარა“ თავის ძვირფას რაფაელოსთან (უბრალოდ რაფაელოს ეძახის, „მაესტროს“ გარეშე). მოხუცი ბიბიენასთვის ის ხომ ჯერ კიდევ ყმაწვილია. კარდინალს აინტერესებს არა მარტო თავისი დიდი რაფაელოს ჩანაფიქრები, არამედ სხვა რამეც.

— როგორ გრძნობს თავს ჩვენი ძვირფასი მაესტრო რაბიო?

მაესტრო რაბიო — ეს იყო ავადმყოფი, ღრმად მოხუცებული სწავლული, რაბიო კალვო. როდესაც რაფაელმა შეიჩყო, რომ იგი მარტოა და მიტოვებული, შეიკედლა და შეიფარა. მხატვრის მსახური, ბავიერა, რომელიც რაფაელის სახელოსნოში სწავლობდა გრავიურის ხელოვნებას, კალვოს ახლობელივით უვლის. ბავიერა რაფაელის ერთგულია და მაესტროს ყოველი სურვილი მისთვის კანონია.

— ჩვენი მეცნიერი დღეს მხიარულად შეხვდა მზეს. გაზაფხულზე გამოცოცხლდება ხოლმე. მოხუცებულებს ყოველთვის ასე ემართებათ: ახალგაზრდობაში მზეს ვერ ამჩნევენ, ბოლო მერე თითოეულ მის სხივს ებლაუჭებიან, რადგან წინასწარ გრძნობენ, რომ მალე ის უკანასკნელი იქნება.

ბიბიენამ რაფაელის ხმის კილოში დაბნეულობა შენიშნა. აჰ-კარა იყო, მხატვარს მარტო ყოფნა სურდა.

კარდინალი წამოდგა:

— მე ჯერ არ მიკითხავენ თქვენთვის, ძვირფასო მეგობარო, მისი უწმინდესობის მიერ დაკვეთილი სამუშაოების შესახებ. იქნებ ეს იყოს ხალიჩები, ან იქნებ სხვა, რაღაც მოულოდნელი რამ, რაც თავში მოუვა გენიოსს? აჰ, აი მე ვხედავ მონახაზს... საოცარი სახეა!.. ვცნობ მშვენიერ დონას პირბადის ქვეშ... კარგია... ძალიან კარგია... თქვენ შეგიკვეთეს მისი პორტრეტი?

რაფაელმა თავს ძალა დაატანა, რომ მღელვარება არ გამოემჟღავნებინა. ეშმაკი კარდინალი მეძებარივით აცეცებს თვალებს მაგიდაზე. ნუთუ წასვლას აღარ აპირებს!

კარდინალი ფიქრებს მიუხედა და ღიმილით ამბობს:

— მივიდივარ, რათა მაესტრო რაფაელს დრო მივცე იფიქროს მისი უწმინდესობის სამუშაოებზე... მივიდივარ ჩემს საბრალო, შეუძლოდ მყოფ დისშვილთან, რომელსაც ასე უყვარს... თქვენი კარტონები და თქვენთან ყოფნა...

* * *

რაფაელი მართლა ხატავდა იტალიის მშვენიერ ქალთა შორის უმშვენიერესის პორტრეტს. ამ პორტრეტს მან „დონა ველა-

ტა“ უწოდა, რაც „პირბადიან ქალს“ ნიშნავს. რაფაელს ხიბლავდა არა მარტო ქალის ღიღებულის სილამაზე — მას ხიბლავდა მისი მშვენიერი, ფართო თვალების აზრიანი გამოხედვაც; ამ გამოხედვაში დიდი, ღრმა სული ჩანდა. ასეთი შეიძლება ყოფილიყო საფო, რომელიც რაფაელმა ვატიკანში ფრესკაზე გამოსახა. ამ ქალს რაფაელი რომის ყველა ქალიშვილსა და ქალზე მალა აყენებდა. ამოდ როდი აღმერთებდა მას შესანიშნავი ადამიანი, რაფაელის მეგობარი ბალთაზარე კასტილიონე. ეს ქალი ხედებოდა იმ დროის ცნობილ სწავლულსა და პოეტ ქალს ვიტორია კოლონას, რომელიც შემდგომში მიქელანჯელოს მეგობარი გახდა. მასთან მეგობრობდა კასტილიონე, და ეს უკვე ამტკიცებდა მისი აზროვნების მაღალ დონეს. მაგრამ გულჩახვეული მიქელანჯელო არ დადიოდა ამ ღიღებულ ქალის პალაცოში, ქალისა, რომლის სახელი ისტორიამ არ შემოგვინახა.

რაფაელი „ღონა ველატას“ პალაცოში არა მარტო ისვენებდა, აქ ჰპოვებდა იგი შთაგონების წყაროსაც. როცა მასთან მიდიოდა, მხატვარი უკუაგდებდა ზიზილ-პიპილებს, რაც თანა სდევს სახელსა და ღიღებას. სასახლეში ყოველი მისი გამოსვლა ხომ უნებურად იქცეოდა რალაც საზეიმო ცერემონიად; უკან მიჰყვებოდა მხატვართა ჯგუფი, ყოველი მათგანი ცდილობდა როგორმე უცაბედად თვალში მოხვედროდა პაპს; ამ ცერემონიაში დროდადრო მონაწილეობდნენ საკმაოდ ცნობილი ოსტატებიც, მათ უკან მოსდევდნენ მოწაფეები, გრავიორები, მსახურები. ელჩებს, რომლებიც პირველად ხედავდნენ ამ მსვლელობას, ასე ეგონათ, კარისკაცებით გარშემორტყმული მთავარი მოდისო.

მაგრამ „ღონა ველატასთან“ იგი მარტო წავა. იქ, ბალის მყუდრო კუთხეში, გლიცინიებით გარსშემოვლებულ ხეივანში, შადრევანის აკომპანემენტის ქვეშ, პალაცოს დიასახლისის, მშვენიერთა შორის უმშვენიერესის ფერხთით, მოუსმენს თავისი მეგობრის ბალთაზარე კასტილიონეს „კორტეჯანოს“ უკანასკნელ ნაწილს.

რაფაელმა ადრე მოისპინა ამ ქმნილების წინა თავები. მას ზოგნი „კარისკაცის მოძღვრებას“ უწოდებენ და ცდილობენ დაიმახსოვრონ წესები. რომ სასიამოვნონი იყვნენ მაღალ საზოგადოებაში. მაგრამ ამ მიზნებს სრულადაც არ ისახავს კასტილიონე: იგი მიუ-

თითებს, როგორი უნდა იყოს ნამდვილად განათლებული ადამიანი, როგორ უნდა აღზარდოს მან თავისი თავი, როგორი უნდა იყოს იგი საზოგადოებაში და ომში.

ახლა კასტილიონე თავის მეგობრებს იდეალური, წმინდა სიყვარულის სურათებს აცნობს.

რაფაელის მეხსიერებაში აღსდგა კასტილიონეს მოთხრობებიც მოჩვენებებზე, რომლებიც ბოროტმოქმედთა დასასჯელად გამოჩნდებიან ხოლმე. იმ დროს ღრმად სწამდათ მოჩვენებებისა, რომლებიც ვითომდა სამართლიანად სჯიან დამნაშავეებს. ერთხელ მათ „დონა ველატასთან“ წაიკითხეს მოთხრობა მოჩვენებებზე, რომელიც თითქოსდა ბოროტმოქმედ ბერნაბო ვისკონტის ძველ სასახლეში დადიოდა, მილანში. რაფაელიც, თავის მხრივ, მოჰყვა პერუჯელ. თქმულებას — საქველმოქმედო დაწესებულებათა ზედამხედველის დასჯის ამბავს. საკუთარი შემოსავლის გასადიდებლად ეს ზედამხედველი შიმშილით ხოცავდა მასზე მინდობილ დავრომილთა თავშესაფრის მკვიდრებს და მაშინ ქველმოქმედმა მოჩვენებებმა გადაწყვიტეს ჰკუა ესწავლებინათ მისთვის: ისინი მოველინენ მას მათხოვრების სახით, ვეებერთელა მწკრივებად, და ანთებული სანთლებით ხელში იწყეს ცეკვა ქურდის ირგვლივ. ამ სიკვდილის ცეკვის დროს უცბად გამოჩნდა ღარიბთა სახლის მფარველი წმინდა ალო, წარმოთქვა სასტიკი სიტყვა და მნე უსულოდ დაეცა.

რაფაელო ცდილობდა მიეზამა მოჩვენების ხმისათვის. ეს იმდენად სასაცილო და შეუფერებელი აღმოჩნდა მისი სათნო გარეგნობისათვის, რომ მსმენელებს ხმამაღალი ხარხარი აუტყდათ. ვერცხლის ზარის წკრიალს ჰგავდა დიასახლისის სიცილი... რა დიდებულად ჟღერდა ქალის ხმა, როდესაც იგი წყნარ საღამოს ქნარის აკომპანემენტის ქვეშ მღეროდა.

კასტილიონემ რაფაელის მონათხრობის შემდეგ თავისი ლექსები წაიკითხა. კეთილხმოვანმა სტრიქონებმა ალყაშემორტყმული მირანდოლის კედლებთან დაღუპული გმირის — პიკოს აჩრდილის გამოჩენის შესახებ, შეაძრწუნა რაფაელიც და მშვენიერი დიასახლისიც.

დღეს რაღას წაიკითხავს კასტილიონე?

* * *

რაფაელმა იმ დღეს ველარ მოახერხა საყვარელ პალაცოში წასვლა, იქ, საითაც გული მიუწევდა: შიკრიკი მოვიდა და მოახსენა, პაპი სასწრაფოდ ვატიკანში გიბარებსო. ამასობაში, სასახლის მომიჯნავე სავეანეები ადამიანთა ხმაურით აივსო: საიდანღაც გამოჩნდნენ მისი განუყრელი თანამგზავრები, ჩვეულებრივი დიდი ამალა. ზოგი ცნობისმოყვარეობას მოეყვანა, ზოგსაც უნდოდა როგორმე შეეღწია რომის ღმერთკაცის სადგომში და იქ ბედნიერებისათვის კუდზე მაინც წაეველო ხელი. და, აი, რაფაელ სანტი, კარის მხატვარი, კვლავ ამალით გარშემორტყმული მიემართება...

მისი უწმინდესობის მიერ წარმოთქმულმა სიტყვებმა რაფაელს თავზარი დასცა: რაფაელს ევალება უხელმძღვანელოს ძველი რომის ნანგრევების გათხრებს. ეს დავალება მარტო საპატიო კი არა, წარმტაციც არის. ვინ იცის, რამდენი ახალი, მნიშვნელოვანი რამ იფარება დიადი წარსულის ამ უცნობ ძეგლებში! მაგრამ როდის მოასწრებს ყოველივე იმის გაკეთებას, რასაც მისგან ლუი X მოითხოვს? როგორ შეუთავსოს ყველაფერი ის, რაც მან პაპის ახირებით მის თავშესაქცევად უნდა გააკეთოს, ფრესკებს, სურათებს, წმინდა პეტრეს ტაძრის მშენებლობას და ახლა კიდევ ამ ახალ დავალებას?

რომში კარგა ხანია აღარ ინდობდნენ ანტიურ ნაგებობებს. მცხოვრებლები ნანგრევებს ახალი შენობების ასაგებად იყენებდნენ, უწყალოდ ანადგურებდნენ შორეული წარსულის ძვირფას ძეგლებს, სპობდნენ წარწერებს, ქანდაკებებს და უძველესი არქიტექტურის ნაშთებს.

რაფაელი დიდი ხანია აღშფოთებული იყო ამ ბარბაროსობით და, სასახლეში მისი მდგომარეობა რომ არა, პაპის წინადადება მისთვის სასიხარულო იქნებოდა. მაგრამ ნანგრევების დაცვით ლუი X ხომ უმთავრესად პრაქტიკული მიზნებით ხელმძღვანელობდა: ის სრულიადაც არ აპირებდა ძველი შენობების ძვირფასი მასალის შენახვას. პირიქით, იგი მათში ხედავდა უმთავრესად მუქთ მასალას წმინდა პეტრეს ტაძრის ასაშენებლად; მან უკვე გასცა უმკაცრესი ბრძანება, რათა უცხოს არავის გაეზედა რომში ამოთხრილი მარმარილოს თუნდ ერთი ნატეხის ხელის ხლება.

ერთხელ, როგორღაც, მოხერხდა ერთი კარგად შემონახული

უძველესი შენობის დარბაზების გასუფთავება ნაგვისაგან და რაფაელს თვალწინ შესანიშნავი სურათი წარმოუდგა: კედლები და ქერი მშვენიერი ფრესკებით და რელიეფური გამოსახულებებით იყო მონატული. ფერები ისეთი ხასხასა იყო, გეგონებოდათ დრო და უამი არც კი შეხებიაო მათ; დეკორატიული მოტივების მრავალფეროვნება გასაოცარ შთაბეჭდილებას ახდენდა.

ეს აღმოჩენა რაფაელისათვის დროული იყო: პაპის ბრძანებით ის სწორედ ამ დროს ხატავდა გალერეას ვატიკანში. მან განიზრახა ძველი დეკორატიული მხატვრობისა და ქანდაკებისაგან ყველაფერი საუკეთესო აეღო, გადაემუშავებინა შეკრებილი მასალა და რაღაც ახალი, თავისებური და მშვენიერი შეექმნა.

მიწის ქვეშ

რომის მიწის ქვეშ მეორე ქალაქია, სადაც წერაქვებით, ძალაყინებითა და ბარ-ნიჩბით შეიარაღებული ადამიანები თავაუღებლად შრომობენ. იქ, დედამიწის ზედაპირისაგან განსხვავებით, სულ სხვა, უცნაური და თავისებური ცხოვრებაა: კაცის ხმაც კი რაღაც ყრუდ უღერს, ადამიანები გამოზომილად, ჩუმად მოძრაობენ, მიწის მთხრელი და ქვის მტეხელი იარაღების გრუხუნნი დგას. აქ ყველაფერი ზღაპრულია, იღუმალებით მოცული. ჩირაღდნებით განათებული ცოცხალი ადამიანები კი, კვამლსა და მოწითალო სინათლის შუქზე, მოჩვენებებს ჰგვანან.

ერთგული მოწაფეებით გარშემორტყმული რაფაელი იმ მოჩვენებებს შორის გაცხარებული მუშაობს, მითითებებს იძლევა, ათვალეირებს მონიშნულ გათხრებს, ხან აქაა, ხან იქ. თვითონაც მოჩვენებას ჰგავს. ქურთუკის ამარაა, კამზოლიც კი არ აცვია, რადგან მოძრაობას უშლის...

მასთან მოაქვთ მარმარილოს ნატეხები, ბარელიეფები, უჩვენებენ მშვენიერი ორნამენტებით დამშვენებულ ნაკეთობებს; მიჰყავთ იმ ადგილას, სადაც გათხრები უნდა ჩატარდეს. იქვე გვერდით ნაგვის ურიკებს მიაგორებენ; გრავიორები, მათ შორის მისი მოწაფე, უკვე სახელმოსვეჭილი მარკანტონიო რაიმონდი, აქ არიან.

მასწავლებელს წუთით არ ტოვებს ბავიერა. რაიმონდი რაფაელს ახალ ნაპოვნს უჩვენებს და აღელვებული ამბობს:

— ერთი შეხედვით; მაესტრო, ამ რელიეფს. რა ლამაზია და დახვეწილი. რა მშვენიერად შენახულა!

რაფაელსაც აღლვებს ნაპოვნი, ყველას ევედრება, თვალის ჩინზე მეტად გაუფრთხილდითო. ბავიერა იქვე ტრიალებს, ხარბად იტყვის გენიალური მასწავლებლისა და მისი მოწაფის ყოველ სიტყვას.

რაფაელი უიშნაკრავი ხმით ამბობს:

— ორივემ თვალყური ადევნეთ, რომ არც ერთი ქვა არ დაიკარგოს... 1

ეს შიში ხელს უშლის მუშაობაში, აღიზიანებს. სად გაქრა, აქ, მიწის ქვეშ, მისი მხიარულება? ზოგჯერ წყენით ეუბნება თავის თავს, მალე ბუონაროტივით მოვიქუფრებიო. მაგრამ, ცხადია, ეს არასოდეს მოხდება — იგი ბუნებით არ არის პირქუში. მაგრამ, აი, სინათლე და მხიარული ნაპერწკალი მართლაც ჩაუქრა თვალეებში. სულ უფრო და უფრო ნაღვლიანი ხდება მისი მხერა. ბაგეებსაც ირგვლივ დარდის ნაოჭები გასჩენია. მან კატაკომბებში წვერიც მოუშვა და ახლა უფრო ხნიერიც ჩანს. ცოტა ხნის წინ კი კასტილიონე სიცილით ეუბნებოდა:

— როდის გამოხვალ, რაფაელო, სიკაბუჯის ასაკიდან?

მოხუცდები, აბა რა იქნება, როცა მიხვდები, რომ პაპს სრულებით არ უყვარს ხელოვნება, რომ მას მთელი ეს სიძველე სჭირდება როგორც იაფი და შესაფერი საშენი მასალა წმინდა პეტრეს ტაძრისათვის. რაფაელიც ფაქტიურად ზედამხედველად დანიშნა, რომ მასალა არ დაიტაცონ.

— გახსოვდეს, რაფაელო, — ხშირად ეუბნებოდა პაპი, — შენ ჩვენი იმედი და საყვარელი შვილი ხარ და უნდა დაიცვა ყოველი ქვა ტაძრის ასაგებად... აგრეთვე ეკონომისათვის, ეკონომისათვის, — შემდეგ დასძენდა, — კარგად იცი, რა ძვირი გვიჯდება ცხოვრება! ჩვენი სასახლის მდიდრულობით იტალიის ხელმწიფეთა და შორეული ქვეყნების ელჩთა წინაშე სახელი უნდა გავუთქვათ

ერთიანი ქვეშაობის კათოლიკური ეკლესიის სიძლიერეს! ნუ დაგავიწყდება მშენებლობაც — ეს შენი მოვალეობაა. რაფაელო!

რა შეეძლო ეთქვა მხატვარს ტაძრის მშენებლობის შესახებ? მან იცოდა, რომ არქიტექტურა მისი მოწოდება არ იყო და ტვირთად აწვა ეს პატივი. გარდა ამისა, არც დრო ჰქონდა მშენებლობის მისახედად... რაფაელს არც პაპის ახლობლები ასვენებდნენ — ხან ერთი სთხოვდა სასახლეებისა და ქალაქგარეთა ვილების გეგმის შედგენას და ხან მეორე. იძულებული იყო მათთვისაც გამოენახა დრო. განსაკუთრებით კარგი გამოვიდა კარდინალ ჯულიო მედიჩის ვილა, რომელსაც შემდგომში „ქალბატონის ვილა“ ეწოდა — მისი უკანასკნელი მფლობელის, იმპერატორ კარლოს V-ის ქალიშვილის, მარგარიტა პარმელის ტიტულის მიხედვით. ვილა მნახველს ხიბლავს თავისი სისადავითა და კეთილშობილებით. წმინდა პეტრეს ტაძრის მშენებლობის საქმე კი წინ არ მიდიოდა.

მაგრამ გათხრებით გატაცებამ რაფაელის ჯანმრთელობა ძალზე შეარყია. მან ხელი მოჰკიდა ანტიური არქიტექტურის დარღვევის შრომების შესწავლას; განსაკუთრებით გაიტაცა ვიტრუვის ნაწარმოებებმა. იგი იხატავდა, ზომავდა ძეგლებს და შემდეგ ჩაიფიქრა ძველი რომის რესტავრაციის დიდი გეგმა. ამ გაბედულმა იდეამ დაინტერესა ყველა განათლებული ადამიანი; რაფაელი ხშირად ატარებდა ხალხმრავალ თათბირებს ძველი რომის, მთელი მსოფლიოსათვის ამ წმინდა „მარადიული ქალაქის“ სასახლეებისა და ქუჩების აღდგენის შესახებ. რაფაელზე დიდ იმედებს ამყარებდნენ.

იმავე დროს მოწაფეები არ ასვენებდნენ მას, მოაგონებდნენ კარტონებს ფრესკებისათვის, ხოლო მოქანდაკეები, განსაკუთრებით ლორენცეტი, სთხოვდნენ მონახაზებს ქანდაკებებისათვის. პაპის ბანკირის, აგოსტინო კიჯის ქალაქგარეთა ვილის—ფარნეზინისათვის რაფაელმა შეგირდებთან ერთად შეასრულა ფრესკა „გალა-

1. ვიტრუვი პალიონი (I საუკუნის მეორე ნახევარი ჩვენს ერამდე) — რომელი არქიტექტორი, ინჟინერი, არქიტექტურის შესახებ ნაწარმის ავტორი, რომელმაც დიდი გავლენა მოახდინა აღორძინების ეპოქის არქიტექტურაზე უკვიანეს ხანაშიც.

თვას ტრიუმფი“ — ანტიური მითის მიხედვით. ესაა მითი ნიმფაზე, რომელსაც თავისი სიყვარულით თავს აბეზრებდა ცალთვალა ციკლოპი პოლიფემი.

ამ ფრესკაზე გალათეა, თვით ზღვის განსახიერება, ოდნავ შესამჩნევი ღიმილით მიცურავს ტალღებზე ნიჟართ, რომელშიაც დელფინებია შებმული. გარს ეხვევიან ანცი ტრიტონები. უყურებთ ამ ფრესკას და თითქოს გრძნობთ მსუბუქი ნიავის ქროლას, გალათეას პირბადეს რომ აფრიალებს, თითქოს გესმით ზღვის ტალღების თქაფანი, ნიმფას თავისებური ხომალდის გვერდებს რომ ეხეთქებიან.

თავის ჩანაფიქრსა და შემოქმედებაში გენიალური მხატვარი უშრეტი იყო.

მარტო მის მიერ შესრულებული ვატიკანის ფრესკები ეყოფოდა რამდენიმე მხატვარს.

რაფაელი ბევრს მუშაობდა სასახლის მეორე სართულზე. აქ, შიდა ეზოში გამავალ გალერეაში, მან და მისმა მოწაფეებმა ფრესკებითა და დეკორატიული ნაძეგრით გაამშვენიერეს კერი, ღია თაღები, სვეტები, კედელი: უცნაურ, მაგრამ საოცრად ჰარმონიულ გროტესკში¹ გადახლართულან მხვიარა ვაზის ტოტები და მწიფე მტევნები, ანცი ცხოველები, მოგოგმანე ფრინველები და პეპლები, ადამიანთა ფიგურები და მედალიონები პროფილში, სახეების რელიეფური გამოსახულებებით. საოცარი ოსტატობით ეხამებიან მხატვრობას სტუკოდან (ქვიშისა და მარმარილოს მტვერის ნარევიდან) დამზადებული სკულპტურული სამკაულები.

გალერეის ზუსტი პირი მთელი თავისი მოხატულობებით XVIII საუკუნის ბოლოს პეტერბურგის ერმიტაჟისათვის გადაიღეს. მხატვართა მთელ ჯგუფს რამდენიმე წელს გადაჰქონდა ტილოებზე რაფაელის მოხატულობები. პეტერბურგში ჩატანის შემდეგ ტილოები ზამთრის ტალანისაკენ გამავალი მუზეუმის სპეციალურად აგებული გალერეის კედლებსა და კერზე მოათავსეს.

1. გროტესკი — ასეთი სახელწოდება (სიტყვიდან „გროტი“) მიიღო მხატვრობამ, რომელიც გათხრების შედეგად აღმოაჩინეს დანგრეული და მიწაწყარილი ძველი რომაული სასახლეებისა და სხვა ნაგებობების ქვედა სართულებში.

მრავალმა წელმა განვლო; რაფაელის ორიგინალური მოხატულობები დროისაგან დაზიანდა და ამჟამად მსოფლიოში ერთადერთ მათ-ზუსტ ასლს განსაკუთრებით დიდი მნიშვნელობა მიეცა.

წარმატებას თან სდევს შური და რაფაელის მოშურნეთა რიცხვიც მისი დიდების შესაბამისად იზრდებოდა. ერთ-ერთი მათგანი იყო ცნობილი ვენეციელი მხატვარი, სებასტიანო დელ პიომბო, რომელმაც განიზრახა თავის მოკაეშირედ გაეხადა თვით მიქელანჯელო.

მიქელანჯელო განმარტოებით იჯდა თავის სახელოსნოში, დანტეს კითხვით გართული. კაკუნის გაგონებაზე შუბლი შეიკმუხნა და კბილებში გამოსცრა:

— ვინ არის? შემოდით.

მერე გაიფიქრა:

„რამდენჯერ ვითხოვე, როცა მარტო მინდა ყოფნა, ნურაეინ წუ მაწუხებს-მეთქი“.

მის არცთუ თავაზიან მიწვევაზე კარებში როგორღაც გვერდულად შევიდა სებასტიანო დელ პიომბო. ნეტა რა უნდა ამ ვენეციელს, დაკვეთებს რომ დაეძებს და თავის ირგვლივ იკრებს არცთუ ისე ბევრის მომთხოვნ კეთილმოსურნეებს?

— მგონი მოგაცდინეთ სამუშაოს თუ კითხვას, ძვირფასო მანესტრო, — შემპარავად დაიწყო შემოსულმა, — თქვენი სულგრძელობის იმედი მაქვს და მაპატიებთ. თქვენთან დიდი თხოვნა მაქვს.

ბუნონაროტიმ წიგნი დასურა და ცნობისმოყვარეობით შებედა სტუმარს:—ილაპარაკეთ, მესერ სებასტიანო, გისმენთ, — უთხრა კვლავ ცივად.

ვენეციელი არ დაიბნა:

— დღეს ჩვენი „მთავარი“, როგორც მას უწოდებენ მტრები... ხომ გესმით, მე ვლაპარაკობ მანესტრო რაფაელ სანტის შესახებ, ჩვეულებისამებრ, თავისი ამალით გარშემორტყმული მიდიოდა.. ნეტა, როგორ უძლებს ეს ადამიანი ასეთ თავყვანისცემას, თითქმის გაღმერთებას! აი, რას ნიშნავს დიდება, მესერ ბუნონაროტი — აბა, მე კი არ ამედევნება მაჩანჩალების ხროვა... — ვენეციელმა ამოიოხრა. — ბოლოს და ბოლოს, როგორც იქნა მივიღე

დაკვეთა კარდინალ ჯულიო მედიჩისაგან. ეს შესაძლებლობას მომცემს გავისტუმრო ვალები და ცოტა ამოვისუნთქო — თქვენ ხომ იცით, დიდი ოჯახი მაქვს, და... ძალიან კი მრცხვენია ამას რომ ვამბობ...

მიქელანჯელო ხმას არ იღებდა, ცნობისმოყვარეობით შესცქეროდა მოსულს.

— თქვენ შეგიძლიათ შემიმსუბუქოთ ამოცანა, მაესტრო. მე თქვენს ხელში ვარ, დიდი ოსტატის ხელთ...

მიქელანჯელო მოიღუშა.

— როცა იქვე მუშაობს ურბინოელი რაფაელ სანტი, ახლა უკვე საყოველთაოდ აღიარებული ვარსკვლავი, სჯობს უარი ვთქვა... განა შემიძლია მას გავეტოლო?

— მერე და რა საჭიროა გატოლება?

— ძალაუნებურად ასე იქნება, მესერ, ძალაუნებურად... ტუბილის შემდეგ მწარეს ვინ ინდომებს!... მე საერთოდ არაფერს ველი კარგს; თუკი მაინც რაიმე მერგება წილად, ეს იქნება „festa senza alloro“.¹

უკანასკნელი სიტყვები მეტად საცოდავი ტონით იყო ნათქვამი, მიქელანჯელოს კი მკერდში, მიუხედავად კუშტი გარეგნობისა, ჩვილი გული უტემდა, რომელსაც ასულდგმულებდა სიბრალოლი და დიდსულოვნება.

— კი მაგრამ რატომ მაინც festa senza alloro? — იკითხა მან ღიმილით

— ღმერთმანი, ფუნჯი მიკანკალებს ხელში, როცა წარმოვიდგენ ხელოვნებაში ჩვენს გოლიათებს!

მან განაგებ არ თქვა „ისეთებს, როგორც თქვენ ხართ, ან თუნდაც ისეთებს, როგორიც არის ეს მეტიჩარა რაფაელი“. მან იცოდა, რომ მიქელანჯელოს პირფერობით ვერ დაატკბობდა, მაგრამ იმედი ჰქონდა მისი დიდსულოვნებისა.

— განა თქვენ აპირებთ რამენაირად შეეჭიდოთ რაფაელ სანტის?

— დამიფაროს ჩემმა მფარველმა წმიდა სებასტიანმა! მაგრამ

¹. „ღლასაწაული უდაფნოდ“ (იტალ.), ანუ ზეიმი დიდების გარეშე.

თქვენ შეგიძლიათ გადამარჩინოთ სირცხვილისაგან, ახლა ხომ ყველა მხოლოდ რაფაელის დიდ ნიჭზე ლაპარაკობს!

ეს სიტყვები წინასწარ ჰქონდა მოფიქრებული, ფიქრობდა, იქნებ წამოეგოს ანკესს, იქნებ მიქელანჯელოში აინთოს სიძულვილისა და შურის ნაპერწყალი პაპის ახლობელი ადამიანის მიმართო.

მაგრამ ეს არ მოხდა. გენის კეთილშობილი გული ღია იყო თანაგრძნობისათვის, მაგრამ მდაბალი გრძნობებისათვის კი არა. და ეს თანაგრძნობა იყო ერთ-ერთი ძირითადი თვისება წარბშეკრული და ყოველთვის უკარება ადამიანისა. ხშირად ეხმაურობოდა ხოლმე იგი ადამიანთა თხოვნას, ისე, რომ არ ამოწმებდა იმას, რასაც ითხოვდნენ, ეხმარებოდა ფულით და საქმით, როგორც შეეძლო.

ახლაც იკითხა:

— რით შემიძლია დაგეხმაროთ, მესერ სებასტიანო?

მან მშვიდად დაიწყო:

— მე არაფერი მაქვს თქვენთან დასამალი — თქვენ ხომ თვითონ იცით ჩემი შესაძლებლობები, ძალა და სისუსტე. რაინდენადაც ძლიერი ვარ ფერებში, იმდენად მოვიკოჭლებ ნახატში, ეს განსაკუთრებით ნათელია ჩემთვის, როდესაც ვფიქრობ ისეთი ოსტატების შესახებ, როგორიც ხართ თქვენ, როგორიცაა... რაფაელ სანტი. რომელიც ახლა... მოდაშია... რაოდენ ბედნიერი ვიქნებოდი, თქვენ რომ... გეხელმძღვანელათ ჩემთვის მუშაობაში!

— კარგი, მესერ სებასტიანო, დაგეხმარებით, რამდენადაც ეს საჭირო იქნება და რამდენადაც შემეძლება.

სებასტიან დელ პიომბო კმაყოფილი წავიდა. მიქელანჯელოს დახმარების წყალობით იგი მთელ რომს აალაპარაკებს: „დიდ რაფაელს ხომ გამოუჩნდა ძლიერი მეტოქე. ნახეთ სებასტიან-ვენეციელის უკანასკნელი ნამუშევარი? ეს დიდებული რამ არის!“

მიქელანჯელო დაეხმარა მას არა მარტო რჩევით, არა მარტო უხატავდა მონახაზებს, არამედ უფრო დაწვრილებით დამუშავებული ცალკეული ფიგურების სურათებიც კი მისცა.

„ლაზარეს მკვდრეთით აღდგომა“ მოეველინა ქვეყანას. ეს იყო მშვენიერი სურათი, რომელზედაც ვენეციური კოლორიტა შეხა-

მებუღია ბუონაროტის ვაჟკაცურ და ძლიერ ნახატთან, მაგრამ მისი შინაარსი არ იყო რთული და ღრმა; ეს სურათი არ ყოფილა განსაკუთრებული მოვლენა მხატვრობის ისტორიაში და მან ვერ დაჩრდოლა რაფაელის დიდება.

მადონა

ფრესკები ვატიკანში; მუშაობა წმინდა პეტრეს ტაძარზე; კარდინალ მედიჩის ვილას მშენებლობა; ესკიზები პაპის სანადირო პავილიონისათვის; სახარების სიუჟეტზე ვეებერთელა კარტონები პაპის ხალიჩებისათვის; სურათები აგოსტინო კიჯის ვილის მოსახატავად (ამურისა და ფსიქეას ისტორია); კიჯის სამგლოვიარო კაპელის არქიტექტურული სურათები სანტა-მარია დელ პოპოლოს ეკლესიაში და ბოლოს, კარტონები ამავე ეკლესიის გუმბათის მოზაიკისათვის.

რაფაელის ნახელავი ყველაფერი ისეთი მშვენიერი იყო, რომ იგი თვითონვე იხიბლებოდა თავისი ხელოვნებით; მის მიერ მოხატული ვატიკანის საზეიმო დარბაზებისა და ღია გალერეების — ლოჯიების სილამაზის შემდეგ განსაკუთრებით სევდიანი ჩანდა კატაკომბებში მიწისქვეშა სამუშაოების უსიხარულო, დაღვრემილი ფონი.



ადამიანთა როგორც სიხარულის, ისე ტანჯვისადმი ესოდენ მგრძნობიარე მხატვარს მეტად აღელვებდა კატაკომბებში მრავალჯერ ნანახი სურათი. მას მთელი თავისი საშინელებით ედგა თვალწინ მიწის მთხრელის ცხოვრება, ხშირად მთელი თავისი აუტანელი სიმძიმით, შიმშილისაგან გამოწვეული ავადმყოფობებით, უჰაეროდ, მიწისქვეშა გალერეების ნესტსა და სიბნელეში, მიწისა და შენობის მოსალოდნელ ჩამონგრევასთან დაკავშირებული საშიშროებებით.

მას ჯერ კიდევ ბავშვობაში ეუბნებოდნენ ხოლმე, რომ სიბნელეში მცხოვრები ცხოველები უსინათლონი არიან. საქმით ეს არ ჰქონდა შემოწმებული, მაგრამ სიტყვით სჯეროდა. ახლა კი ცხადად დაინახა: მრავალ მიწის მთხრელს თვალები ეცრემლევა და სინათლე-

ზე გამოსვლისას სტკივა. იგი სხვა რამესაც ამჩნევდა: მათ მიწის-
ფერ სიფერმკრთალეს, სიგამხდრეს, უილაჯობას, უდროო სიძაბუნეს,
ქოშინს და სისხლღებინებას, ქარებისაგან მოკრუნჩხულ ხელებსა და
ფეხებს, ხედავდა როგორ იყვნენ წელში მოხრილნი, როგორ მახინ-
ჯდებოდნენ ახალგაზრდებიც კი.

იგი გახდა ჩამონგრევის მოწმეც, რამდენიმე კალატოზი რომ
დაიტანა. დაზარალებულნი ზემოთ ამოჰყავდათ ამხანაგებს, ზოგი
ჯერ კიდევ ცოცხალი იყო, ზოგს სიცოცხლის ნიშანწყალი აღარ ეტ-
ყობოდა.

მიწის მთხრელები უკვე მიჩვეული იყვნენ ასეთ ამბებს და გულ-
გრილად აყრიდნენ მიწას სისხლის გუბეებს.

ციება ჟღერდა მიწის ქვეშ მომუშავეებს, ყოველდღე მცირდებ-
ოდა ხალხი, ყოველდღე პაპის ზედამხედველი მოერეკებოდა ახალ
მუშებს.

ადამიანებს მუსრს ავლებდა გაშეშება, ეს უხილავი მტერი, გა-
დამდები სენი, მიწაში რომ ბუდობდა. განსაკუთრებით საშიში იყო
იქ მუშაობა, სადაც ძველი ნანგრევების ნაგავი ეყარა.

გაშეშება პაწაწინა ჩასაფრებულ არსებასავით ელოდა შემთხ-
ვევას. რომ ქვეებიდან გამოსულიყო, პატარა კრილოზიდან შეჭრილი-
ყო მიწის მთხრელის სხეულში და მოეწამლა იგი სასიკვდილო საწა-
მლავით.

რამდენი ასეთი გაშეშებული სხეულია, დაკრუნჩხული კიდურე-
ბითა და გალურჯებული მკვდრისფერი სახით, გამოიტანეს კატაკომ-
ბებიდან!..

მსგავსი სურათები სულს უფორიაქებდა რაფაელს, დახმარება
კი არ შეეძლო. ის კი არა და, თვითონაც ვერ აღწევდა თავს ამ მოშ-
ხამულ ადგილს. ერთი კი იყო: ზედამხედველი ვერ აიძულებდა მას
დილიდან დაღამებამდე ემუშავა.

* * *

შობის მეორე დღე იყო, 1519 წლის 26 დეკემბერი.

ამ დღეს რაფაელი ვატიკანში უნდა წასულიყო: ბრიუსელიდან
მისი სურათების მიხედვით მოქსოვილი ხალიჩები ჩამოეტანათ.

მხატვარი უხალისოდ მიდიოდა, ცნობისმოყვარეობასაც კი არ

გრძნობდა: კატაკომბებში ნანახმა სურათმა ერთობ შეაძრწუნა იგი. —
დღესასწაულის წინა დღეს მიწის მთხრელები და კალატოზები
ამთავრებდნენ გასაწმენდ სამუშაოს.

მოწაფეებით გარშემორტყმული რაფაელი საოცარ, ჩუქურთ-
მებიან ლავარდანს ათვალიერებდა. რაიმონდიმ მოიტანა ფილა, რო-
მელზედაც ოსტატურად იყო ამოკვეთილი მუზარადიანი თავი პრო-
ფილში. რაიმონდი ამბობდა:

— მასწავლებლო, გრავიორები კამათობენ: ბრუტოსის თავფე-
ის, თუ უბრალო მეომრისაო.

მისადმი წრფელი ერთგულებით განმსჭვალული ეს ქაბუკი ხში-
რად აოცებდა მხატვარს; რაფაელის საყვარელი მოსწავლე ჟულიო
რომანოც კი ხანდახან არ იყო ისეთი გულისხმიერი; როგორც რაი-
მონდი.

ფარნის შუქზე ფილის ნატეხზე თავდახრილი მოწაფეების ჯგუ-
ფი მოწინებით ათვალიერებდა ბარელიეფს. ამ დროს, შორიახლოს,
ყვირილი გაისმა:

— კიდევ ერთი დაეცა! მდიდრებს ხომ არ ემართებათ ეს!

— გაიჟმდი! რა დროს მსჯელობაა!.. უნდა გამოვათრიოთ იგი ამ
ნაგვის გროვიდან...

— სინათლე! სინათლე! მოაშუქეთ ერთი! ეშმაკმა წაიღოს ეს
სამარისებური უკუნეთი!

— ვინმე გააგზავნეთ ცოლთან — კაცი კვდება...

რაფაელი გაეშურა შემთხვევის ადგილისაკენ. ზედამხედველი
ნებას არ რთავდა ვინმე გაეგზავნათ ქვის ნამტვრევებს შორის უძრა-
ვად მწოლიარე მიწის მთხრელის ოჯახში და სამუშაოდ ერეკებოდა
გარშემო შეკრებილთ.

— ხომ არ გაგიჟებულხარ, ჯუსტინო! — დაიყვირა აღშფოთე-
ბულმა რაფაელმა, — სატუსალოს დარაჯი ხომ არა ხარ! დაე, წავი-
დეს, ვინც უფრო მარდია.

ამ სიტყვებზე მან გაარღვია მუშების ჯგუფი და ძირს გართხ-
მულ სხეულს მიუახლოვდა.

არც ქვებში ჩამარხულა, არც დაცემულა, არც ციება შეჰყრია
უბედურს. ეს ტეტანუსმა შეუტია — ავადმყოფობამ, რომელსაც იმ
დროს ვერ ჰკურნავდნენ.

— დაიკრუნჩხება, დაიკრუნჩხება და მერე ან სამოთხის ბაღში ამოპყოფს თავს ან ეშმაკის თათებში — გააჩნია, რა დაიმსახურა.

მოუფიქრებლად ნათქვამ ამ უხემ ხუმრობაზე ირგვლივ სტევხა ასტეხეს.

— დახე, როგორ იკრუნჩხება საბრალო! ხელს ნუ ახლებ, ანდრეა, განა შეიძლება მას ხელები და ფეხები გაუშალო! ისედაც უქირს.

— სითბო მაინც იყოს... ლუმელთან მაინც დაგვეწვინა, იქნებ გაუაროს...

საბრალო დაზილეს საიდანლაც მოტანილი ქიანჭველას სპირტით — ერთადერთი წაშლით, რომელიც თავშენახულ მიწის მთხრელებს გააჩნდათ. ავადმყოფი კენესოდა, გული მისდიოდა...

ბოლოს ზემოთ ამოიტანეს და გათხრების დაწყებამდე გაწმენდილ მოედანზე დააწვინეს. ავადმყოფის წასაყვანად ახლობლები მოსულიყვნენ სახლიდან. გაგზავნილმა ბიჭმა, რომელიც აგრეთვე გათხრებზე მუშაობდა, მოიყვანა ავადმყოფის ცოლი. იგი ბავშვით ხელში მოუძლოდა სახედარს, სახედარი კი მოჰყავდა მის პატარა ძმას, ცნობისმოყვარეობით რომ აპყრობდა დიდ თვალებს მიწისქვეშა შესასვლელის წინ შეკრებილთ. მაგრამ როცა ბიჭმა თვალი მოჰკრა მკრუნჩხავ სხეულს, ცნობისმოყვარეობა შიშმა შეცვალა: მან იცოდა, რა მოჰყვებოდა ამ კრუნჩხვებს, სახეზე ხელები აიფარა და ატირდა. სიძე, ერთადერთი მუშახელი ოჯახში, კარგად ეპყრობოდა მას, არასოდეს არ სცემდა, ახლა კი მათ შიმშილი მოეღოთ...

ქალი მივარდა ქმარს, თან ბავშვს გულში იკრავდა, მივარდა ყრუ ქვითინით, მაგრამ ეშინოდა, ვაითუ ავადმყოფი უფრო შეეაშინო, უფრო დაეტანჯო.

როდესაც ქალი დაიხარა და მერე თავი ასწია, რაფაელმა დაინახა, რა მშვენიერი იყო მისი სახე, რომელზედაც თავშეკავებული მწუხარება აღბეჭდოდა, რა ლამაზი იყო მისი მთრთოლვარე ბავებო, სათნო, დიდრონი თვალები...

ავადმყოფი შესვეს სახედარზე, ბიჭიც უკან შემოუჭდა. რომ სიძე დაეჭირა, ახალგაზრდა ქალმა კი სახედარს აღვირზე მოჰკიდა ხელი და წაიყვანა; ქალი ბორძიკით მიდიოდა ნაყარ მიწაზე, თან ბავშვს მაგრად იკრავდა გულში. სახედარი გაჰყვიროდა თავის:

„იო-იო-იო“-ს; ეს იყო რაღაც შემზარავი: ცხოველის გაბმული ყვირილი ადამიანის უტყვე მწუხარების დროს...

იმ დროს, როდესაც რაფაელი ქალს ჯიბეში ფულს უდებდა, რაიმონდი მასთან მივიდა.

ამხანაგები რაიმონდს ხუმრობით სოკრატს ეძახდნენ თავისი პროფილის გამო, მაგრამ „სოკრატისეული“ პაჭუა ცხვირი და წვრილი გულუბრყვილო თვალები ისეთი მეტყველი განდომოდა ამ წუთებში, რომ კლასიკური სილამაზის ყველაზე მხურვალე თაყვანისმცემლებიც კი ამ წამში რაიმონდის სახეს მშვენივრად მიიჩნევდნენ.

მან ზრუნვით და თანაგრძნობით მიაწოდა დამწუხრებულ რაფაელს ღვინით სავსე მათარა და თავისი ბოხი ხმისათვის უჩვეულოდ გულთბილად და ალერსიანად ჩაილაპარაკა:

— ცუდი ფერი გადევთ, მაესტრო, ღვინო მოსვით...

* * *

აპის სასახლის ფუფუნებაში რაფაელს კვლავ თვალწინ წარმოუდგა ეს სცენა და მოსვენება დაუკარგა.

დარბაზში, სადაც გამოფენილია საუცხოო ხალიჩები; სივიწროვეა. სივიწროვეა და სილამაზე.

თავისი მრავალრიცხოვანი ამალით გარშემორტყმული პაპი სტუმართმოყვარე მასპინძელივით იღებს რომის დიდგვაროვნებს, იღებს მეცენატებსა და სახელოვან მხატვრებს. იგი სიამოვნებით ისმენს მათ დათაფლულ ქათინაურებს. სხვათა შორის, სტუმრები აღტაცებით ლაპარაკობენ იმ მხატვრის ოსტატობაზე, რომელმაც ახალი სურათის ნიმუშები შექმნა. არავის აგონდებოდა ისინი, ვინც ეს ხალიჩები მოქსოვა, მხოლოდ ხანდახან თუ ვინმეს დასცდებოდა:

— არაჩვეულებრივად რბილი ხალიჩებია...

— რა შესანიშნავადაა შეხამებული აბრეშუმი ოქროს ძაფებთან და რა წმინდა ნაქსოვია!

— ბრიუსელს ადრეც შეეძლო გამოეგზავნა ხალიჩები, ის ყოველთვის აყოვნებს დაკვეთებს!

და კვლავ აღტაცება: სიუყეტები, ცხადია, მხატვარს მისცა თვით წმინდა მამამ, პაპმა... ათი ხალიჩა, ხუმრობა ხომ არაა! რა მრავალ-

ფეროვნებაა! ახლა სიუჟეტები როგორ არის შერჩეული! აქ არის პეტრე და პავლე მოციქულების მთელი ცხოვრება...

ყვაილების სუნიტ, ამბრითა და რალაც აღმოსავლური ნაზი სურნელებით გაყდნთილ ჰაერში ამოხვრასავით გაისმოდა აღტაცებული წამოძახილები.

ეს ფარისევლური აღტაცება, გრძნობების ბანალური გაშიშვლება რაფაელს სულს უხუთავდა. იგი შეუმჩნევლად გამოვიდა და გაემართა თავის საყვარელ გალერეაში, კამპანის რომ გადასცქეროდა.

რაოდენ უხვად იყო აქ ჰაერი, სინათლე და სიჩუმე; სიჩუმე, რომელსაც ვერ არღვევდა ბალიდან შემოსული ჩიტების ხმაური! ბაღში ჩიტები თითქოს ჭიკჭიკებდნენ ხელოვნურ ორნამენტებს შორის გამოძერწილი ჩიტების ნაცვლად და შეადგენდნენ ერთ ჰარმონიულ მთლიანს ფოთლებიდან გამომზიხრალ და ვაზის ტოტებზე მლოდავ ხოქოებთან ერთად... ეს პატარა ცხოველი კი — სტუკოს ბიგა—თითქოს პირდაპირ თვლებში უცქერის მხატვარს თანაგრძნობითა, მრავლისმეტყველად...

როგორი ხალვათობაა იქ, თალებს იქით. როგორი საამო, მრავლისმეტყველი სიჩუმეა!..

— ეს თქვენა ხართ, სინიორა? აქ როგორ მოხვდით?

ან როგორ ვერ შენიშნა აქამდე თავისი „დონა ველატა“? იგი სვეტს მიყრდნობოდა და ღრმად ისუნთქავდა ბალახის სუნით გაყდნთილ სუფთა ჰაერს.

— მე დიდი ხანია აქა ვარ, მანესტრო, დიდი ხანია, ჩემო ძვირფასო რაფაელო... ველარ შევქელი დაშაქრული პირმოთნეობის, ყალბი აღტაცებების ატანა. ბევრი მათგანი ხომ, მე ვიცი. მზად არის ხალისით დაგიდოს ქვა, რომ ფეხი წამოჰკრათ თქვენს დიდებულ გზაზე... კასტილიონე კი ყველაფერს იტანს და მხოლოდ ირონიულად ილიმება...

რაფაელს გაეცინა:

— მაგრამ დღევანდელ ამბავს ის ბრწყინვალედ ასახავს თავის სატირებში!

— ჰო, ეგ მართალია!.. — ქალმა ამოიოხრა და თვალეებზე ხელი გადაისვა, — მე კი მინდა გონებიდან მოვიშორო დღევანდელი დღის თავდასხმა, მაგრამ კვლავ თვალწინ მიდგას პირფერული ღიძილი,

ყურებს ჯერ კიდევ ესმით ფარისევლური ლაყბობა... თუმცა, მე სულ სხვა რამ მინდოდა მეტქვა: მინდოდა თქვენთვის მესაყვედურა: თქვენ ძუნწი და უღმობელი ხართ — აქამდე არ მაჩვენეთ თქვენი სასწაული.

რაფაელის სახეზე გამოკრთა ის მომხიბლავი, ოღნავ დარცხვენილი ღიმილი, რომელიც მას ყრმობიდან შემორჩა, და რომელიც მის სახეს უჩვეულოდ ჭაბუკურ იერს აძლევდა.

— ჩემი „მადონა“... თუ გნებავთ, ხვალვე გიჩვენებთ. სიმართლე გითხრათ, არ შეივარს მის შესახებ ლაპარაკი, არ მინდა სურათის გარშემო შეიქმნას სიცრუის ის ატმოსფერო, როგორიც აქაა, ამ ხალიჩების ირგვლივ. ეს ჩემთვის მეტისმეტად საწყენი იქნებოდა...

მან შეხედა ახალგაზრდა ქალს. ამ წამში მისთვის განსაკუთრებით ცხადი გახდა, რა ბევრი რამა აქვს საერთო იმ „მადონას“, რომელსაც იგი ამდენ ხანს გულით ატარებდა, რომელსაც სული ჩაჰბერა, და მის წინ მდგარ მშვენიერ ქალს: სახის ისეთივე ოვალი, ისეთივე ფართო თვალები.

იგი ხომ მადონას ისე ხატავდა, რომ არ ცდილობდა წარმოესახავინმე გარკვეული ქალი, იმახსოვრებდა ამა თუ იმ ქალის ნაკვთებს და თავის მეხსიერებას ამდიდრებდა ყოველი ახალი მნიშვნელოვანი შეხვედრით.

მის „მადონაში“ შერწყმულია „დონა ველატა“ და ისიც, ვინც მან კატაკომბების შესასვლელში ნახა, როდესაც ქალს, მწუხარებით სავსეს, თავისი შვილის მამა, ერთადერთი მუშახელი, ოჯახის იმედი, თავისი მომაცვდავი ქმარი მიჰყავდა.

რაფაელს ახლაც ყურში უდგას პატარა სახედრის მტანჯველი ყვირილი — „იო-იო-იო“...

— მაშ, ხვალ, გახსოვდეთ, მაესტრო, — კვლავ გაისმა ჩუმი ხმა...

* * *

მისი „მადონა“... მან ის დახატა არა პაპისათვის, არა მდიდარი ბანკირისათვის, არამედ წმინდა სიქსტის უბრალო მონასტრისათვის, პატარა ქალაქ პიაჩენცის მიყრუებულ ადგილას რომ მდებარეობს.

დას. ეს იყო მისი საყვარელი ქალის პორტრეტი, და ამიტომაც მასში ხორცი შეესხა იტალიის ყველა ქალს. რომელიც მას ოდესმე მისწონებია. ცხოვრებამ მისცა რაფაელს შემეცნების სიბრძნე. იგი ახლა სილამაზითაც კი სხვანიარად იზიბლებოდა — წინანდებურად დაუფრქვებლად კი არა, როცა თავი მოაჩნდა ძლიერად, ახალგაზრდად, ბედნიერად. ყველასთვის საყვარლად. მას უკვე ბევრჯერ მწარედ გაუცრუვდა იმედი. ბევრჯერ ეტყინა გულიც და ქალი, რომელიც ყოველთვის იყო მისი სურათების მთავარი თემა. აღარ არის უსაზღვროდ ბედნიერი. მშვიდად აღარ შეკყურებს თავის ბედნიერებას — ასეთები იყვნენ აქამდე მისი მადონები. ამ მადონამ შეიცნო მომავალ ტანჯვათა წინათგრძნობის შიში. ტკივილი.

რაფაელი თანდათანობით მიუახლოვდა მადონას სახის ახლებურ, უაღრესად ღრმა გაგებას. იგი მადონას გამოხატავდა უკვე არა ძველებურად მეოცნებე, უაღრდეულ ქალად, სავარძელში ან კორდზე რომ ზის და თავისი ბავშვით ტყებდა. იგი განადიდებდა მას, როცა გამოხატავდა ღრუბლებში ტაბტსე მკდომარეს. მონაგარდეს, ანგელოზებით გარშემორტყმულს, მოწწებით რომ შესცქერიან მას. ასეთი იყო შესანიშნავი „მადონა ფოლინიო“ (ადგილის სახელწოდების მიხედვით) და მადონა ახალგაზრდა ტოვასი ფიგურას თანხლებით. რაფაელის სურათების ერთი ციკლი გამოხატავს სიწმინდეს და სიღიადეს ქალისა, რომელსაც უარუყვია მიწიერი სიბარული. სიამოვნება და ზეცად ამალღებულა. ამავე ციკლს ეკუთვნის „წმინდა სესილია“, მუსიკის მფარველი ქალი. მაგრამ მხატვარი სულ სხვა მიზანს ისახავდა, როცა პიაჩენცის წმინდა სიქსტის მონასტრისათვის მადონას ხატავდა.

აჲ, ის მარტოა თავის „ღონა ველატასთან“, ქალთან, რომელსაც კარგად ესმის ზელოვნების ყველა დარგი. ბევრს ფიქრობს, აკვირდება ცხოვრებას და თითქოს მხატვრის სულის თითოეულ მოძრაობასაც კი გრძნობს.

არაფისი აზრი მისთვის ასე ძვირფასი არ ყოფილა. მაგრამ მხატ-

1. ტოვი — ბიბლიურ თქმულებათა ერთ-ერთი გმირი.

ვარი ქალისათვის თავისი უკანასკნელი ნაშრომის ჩვენებას არ ჩქარობდა. მინც ეშინოდა, ვაითუ ვერ გამიგონო.

და, აი, გადამწყვეტი წამიც დაღვა.

სტუმარი ამ კეცბოთელა ტილოსთან მიღუქს. სულივით გაირონდა და გრძისოდა, როგორ ეკუშმებოდა ვული.

მის წინ იყო მოჩვენება, სასწაული, სიზმარი, რომელიც თითქოს, აი, ახლა უნდა გამქრალიყო...

განზე გაწეულ ფარდებს შორის ცა მოჩანს. სურათი მთლიანად შედგება ქერუბიმებისაგან, ფრთებს რომ იქნევენ და ეთერში უჩინარდებიან. მათ შორის ღრუბლებიდან დედამიწაზე ეშვება დედალვთისა. იგი თითქოს მზად არის თავისი შვილი მსხვერპლად მიიტანოს ქვეყნის გადასარჩენად. მის ახალგაზრდულ, მშვენიერ სახეზე მთრთოლვარე ბაგეების კუთხეებში ჩამალული ტანჯვის ჩრდილი გაწოლილა, ტანჯვისა, რომელიც მან უნდა გადაიტანოს დიადი იდეისათვის. მისი ხატება ადამიანური და ტრაგიკულია. იგი დიდებული და უბრალოა. მადონა მიდის ხალხისაკენ ფეხშიშველი, როგორც უბრალო გლეხის ქალი. მასში ყველაფერი ხაზებისა და ფერების უჩვეულო ჰარმონიით სუნთქავს.

ახალგაზრდა ქალმა მხატვარს ხელზე ხელი მოჰკიდა და მაგრად მოუჭირა. რაფაელის ყურს მისწვდა ჩურჩულით ნათქვამი სიტყვები:

— სასწაულია... წმინდაა წმიდა სასწაული!..

ქალს თვალთაგან ცრემლები სცვიოდა. განა შეეძლო თუნდაც მას, ვინც ასე ხშირად და დიდხანს იყო მხატვრის თავისუფლების საათების მოზიარე, წარმოედგინა, რომ ეს მარად ჰაბუკი და თითქოს თავქარიანი ახალგაზრდა შექმნიდა ამ საოცრებას?

მსხვერპლი

1520 წლის 24 მარტს მზე ჩვეულებისამებრ ანათებდა რაფაელის სახლს. ჩრდილში რჩებოდა მხოლოდ სახელოსნო, რომლის ფანჯრები ჩრდილოეთის მხარეს გადიოდა. მაგრამ რაფაელს ეჩვენებოდა, რომ მზე საკმაოდ ძლიერად ვერ ანათებდა. იგი შეცივებულივით გაეხვია ლაბადაში და ბაღის ბილიკზე გავლისას ჩრდილს გაურბოდა. ამ დღეს თავი შეუძლოდ იგრძნო და გათხრებზე არ წავიდა. ამავე

დროს საჭირო იყო ნოტარიუსთან წასვლა — მხატვარმა ხომ ახლახან მოაწერა ხელი მის კანტორაში ახალი, უფრო მოხერხებული და გაშლილი კარ-მიდამოს შექმნის სიგელს. ეს კარ-მიდამო წმინდა ლუჩიას ეკლესიასთან მდებარეობს. იქ შეიძლება მოეწყოს შესანიშნავი სასიესო. გადასვლისას კი, ალბათ, ცოტას დაიღვება. რა სამწუხაროა, რომ შეუძლოდ არის!

რაფაელის გასინჯვისას ექიმი თავი გააქნია. მხატვარი დღითი-დღე ხდება; ექიმს პირდაპირ ვერ უთქვამს, ქლექი გაქვსო: თუმცა ავადმყოფი თვითონ ხელება: საშინლად ახველებს, ღამით ოფლი სდის, ხშირად შინაგანი სიციხე სტანჯავს, ზღაბან კი ნახველში სისხლიც შენიშნა... სანთელივით ფერწახულ ლოყებზე, ორ წითელ ლასასაც ამჩნევს.

ექიმი თავი გადაქნია და თქვა:

— თქვენ, ძვირფასო მანქანო, ისჯებით იმის გამო, რომ ახალგაზრდობიდან მეტიმეტად მხიარულ ცხოვრებას ეწეოდით... თქვენ უყვარდით ყველას. ვისთანაც კი ურთიერთობა გქონდათ. მხატვრები კი. ცნობილია, დაუღვევარი ხალხია, შეუბრალებლად წვავენ სიცოცხლეს.

იგი ლაპარაკობდა მხიარულ ღრეობებზე. მაგრამ ერთი სიტყვაც არ უთქვამს უჩვეულო. კოლოსალურ სამუშაოზე, რომელიც ძალას ართმევდა რაფაელს და რომელმაც შეარყია მისი ჯანმრთელობა. რაც შეეხება ღრეობებს, განა თვითონ ლუი X არ იწვევდა მას ამ ნადიმებზე და არ ართობდა იქ ახალგაზრდა მხატვარს?

მისი უწმინდესობის ღამის ნადიმების შემდეგ რაფაელი ხატავდა ან წმინდა პეტრეს ტაძრის მშენებლობაზე მიდიოდა, შემდეგ კი გათხრებზეც.

კატაკომბებში მუშაობამ საბოლოოდ შეარყია მისი ჯანმრთელობა. დიდხანს გააწევს კიდევ? მოასწრებს თავისი „ფერისცვალების“ დამთავრებას?

სახარების ტექსტმა შთააგონა რაფაელს, რომ ამ სიუჟეტში აუცილებლად გამოეხატა ერთღრეულად ორი შემთხვევა: მთხე მომხდარი საკუთრივ „ფერისცვლება“ და ავადმყოფი ბიჭის მოსვლა ქვევით დარჩენილ მოციქულებთან. საეჭვოა, რომ ვინმე სხვა მხატვარს მოეკიდა ხელი ამ ორი სხვადასხვაგვარი თემსათვის. ქვევით

გამოხატულია ბიჭი ბნედის მოვლის დროს, კრუნჩხვისაგან დამახინ-
ჯებული სახით. როგორი ნაცნობი იყო მისთვის ეს გამომეტყველება.
რომელსაც ხშირად ხედავდა ტეტანუსით დაავადებულთა შორის!
ბიჭის გვერდით მან გამოხატა სასოწარკვეთილებაში ჩავარდნილი
მამა და დედა—მშვენიერი ანაღაზრდა ქალი, აუტანელი მწუხარე-
ბითა და უტყვი ვედრებით აღაავსე. მოციქულთა სახეები გამოხატა-
ვენ ღრმა თანაგრძნობასა და ტანჯვას იმის გამო, რომ არ შეუძლიათ
მოახდინონ სასწაული. ზევით საოცრად ნათელ ღრუბელში ქრისტე
მოჩანს; მის გვერდით ორი მოსუცია — მოსე და ილია; მთის წვერ-
ზე, იმავე, ნათელ ღრუბელში, სამი მოციქულია, რომლებიც ქრის-
ტესთან ერთად წავიდნენ მთაზე. სინათლის ამ ოკეანეში ჩანს ქრის-
ტეს თეთრი ტანსაცმელი, მისი გაბრწყინებული სახე. მთელი მისი
ფიგურა სინათლეს აფრქვევს. მიწიდან დაშორებასთან ერთად იგი
ზეციურ სილამაზეს იძენს.

შეძლებს რაფაელი სურათის დამთავრებას? მოწაფეებს სომ არ
მოუხდებათ მასზე კუშობა?

მის წინათგრძნობას და წუხილს ჰქონდა თავისი საფუძველი.
ბოლოს და ბოლოს, რაფაელმა სურათის მხოლოდ ზევითა ნაწილის
დამთავრება მოახერხა. იგი დაასრულეს ჯულიო რომანომ და ფრან-
ჩესკო პენიმ, მაგრამ მათი ნამუშევარი აშკარად განირჩევა რაფაე-
ლის ნამუშევრისაგან ფორმის სიმძიმით, ჩრდილების სიმუქით და
სინათლის სიმკვეთრით.

* * *

ნოტარიუსთან საქმის გარიგების მეორე დღეს რაფაელი კვლავ
წავიდა გათხრებზე. მას კვლავ თვალწინ დაუდგა მიწის მთხრელებისა
და კალატოზების მძიმე შრომათა სურათი. ამ ზურგებისა და ნაჭაფი
ხელების ყურებისას იგი მწარედ ფიქრობდა: როგორ ვერ ვამჩნევდი
ჩემს ირგვლივ ცხოვრების სიმძიმესო. პერუჯაშიც კი იგი შედარე-
ბით მშვიდად შეხვდა საშინელ ხოცვა-ყლეტას და გრიფონეტო ბა-
ლონის სიკვდილს. რაოდენ ხშირად ხედავდა მძიმე ადამიანური შრო-
მისა და სილატაკის სურათებს! მას გაახსენდა ღარიბი ქვისმთლელის
ოჯახი, რომელმაც ფლორენციაში საზეიმო პროცესიისათვის თავისი
შვილი წინასწარ გაყიდა...

აღრე რაფაელი არ ჩაფიქრებულა ყოველივე ამის შესახებ, მაგ-

რამ ახლა არა მარტო შეეჯახა პირისპირ შრომასა და სიღარიბეს— იგი თვითონ იღუპებოდა ამ ილაჭგაწყვეტილ ადამიანებთან ერთად...

იმ დღეს საქმეს თავი ვერ გაართვა. თავს ძალას ატანდა, ცდილობდა თვალყური ედევნებინა მუშებისა და ზედამხედველებისათვის, რათა მათ თავიანთი დაუდევრობით არ დაეზიანებინათ სიძველის ძვირფასი ძეგლები. იგი გრძნობდა გულისშემაწუხებელ კაეშანს და დაღლილობას, რაც სულ უფრო და უფრო აუტანელი ხდებოდა; ძლივს სძლევდა აქამდე მისთვის ასე უჩვეულო უცნაურ სიზარმაცეს.

ღიდი ხანია ამდენი არ უფიქრია. სამაგიეროდ, რა ბევრი გადაიტანა და იფიქრა უკანასკნელ წლებში! ბოლოს და ბოლოს, იგი ჩვეულებრივი კარისკაცი, მაღალი საზოგადოების ადამიანი იყო—თავაზიანი, მოღიმარი, პაპის წინაშე გარეგნულად ქედმოსხრილი. კარდინალებისა და უფლებამოსილი პიროვნებების მიმართ მოკრძალებული. მაგრამ იგი აღარ იყო უწინდელი მშვიდი და ხალისიანი რაფაელი.

• • •

დღეს განსაკუთრებით შეუძლოდ არის. თავი სტკივა, თავბრუ ეხვევა; მთელს ტანში აუწერელ სისუსტეს გრძნობს.

„დავისვენებ, — ფიქრობდა რაფაელი, — და ჩვეულებისამებრ ყველაფერი გაივლის“.

მხატვარი რამდენიმე დღეს უძალიანდებოდა ავადმყოფობას. 28 მარტს კვლავ მუშაობდა კატაკომბებში, თუმცა გადაწყვეტილი ჰქონდა ხვალიდან სამუშაოდ აღარ გამოვალ, შინ დავრჩებიო. მხოლოდ მოსწავლეებს მისცემს განკარგულებას და სთხოვს მათ კვალდაკვალ მიყვნენ წინა დღით დაწყებულ გათხრებს.

ყრუ ტკივილმა და ნალღელმა გული შეუკუმშა; თავბრუ დაეხვა; თვალთ დაუბნელდა... თითქოს სიზმარში ჩაესმა შორიახლოს მდგომი ჯულიო რომანოს ხმა:

— მაესტრო! როგორ გაფითრდით!.. წმინდაო მადონა, ფეხზე ძლივს დგახართ...

ძლივს მოასწრო ხელის წაველება დასუსტებული მასწავლებლისათვის, რომელიც უკვე მიწაზე ეშვებოდა.

რაფაელმა მოსწავლეს ამღვრეული თვალებით შეხედა და ხრიხ-წიანი, ყრუ ხმით წაილულლულა:

— წყალი...

მეტის თქმა აღარ შეეძლო, გონება დაკარგა...

მალე რაფაელი შინ იყო, თავის ლოგინში. თვალი გაახილა და ერთიანად აკანკალებული გადმოვიდა საწოლიდან, ხელის ფათურით მოძებნა მოსასხამი, მოისხა, დაიხურა ქუდი, თუმცა არც კი შეუმჩნევია, რომ ფეხთ არ ეცვა, და საწოლი ოთახიდან გავიდა.

ბარბაცით შევიდა სახელოსნოში, რამდენიმე ნაბიჯი გადადგა, მაგრამ ველარ შეძლო ერთ-ერთ მოლბერტზე ტილოს გაშლა და ისევ აკანკალებული დაეშვა ფანჯარასთან ლავგარდანზე.

„სიკვდილი... — გაუელვა თავში რაფაელს, — იგი შორს არაა... ეს ციებაა...“

მხატვარმა ისწავლა ამ ავთვისებიანი ციების გამოცნობა, რომელიც მის თვალწინ სიცოცხლეს ასალმებდა კატაკომბებში მომუშავეებს. ეს სენი ელვის სისწრაფით ავლებდა მუსრს ყველაზე ჭანმრთელებსა და ახალგაზრდებსაც კი. ისიც ახალგაზრდაა, მაგრამ მოტეხილია მეტისმეტი შრომითა და კლექით. რაფაელმა გაიხსენა თავისი უფროსი მეგობარი, მხატვარი ფრანჩესკო რაიბოლინი, რომელსაც ოდესღაც თავისი სურათი აჩუქა.

„ოჰ, ფრანჩა, შენ აღარა ხარ ცოცხალთა შორის მერე, როგორ გიყვარდი და რა ბევრი რამ შემძინე შენი ხელოვნებით!.. ახლა შრომისმოყვარე დები, კლექი და ციება, შენსკენ მეწვივან...“

ტვინი უხურდა. გაახსენდა იმ სონეტის ნაწყვეტები, რომელიც ოდესღაც გამოუგზავნა ნაზად მოსიყვარულე ფრანჩამ:

შენ მზე ხარ, ზეცის მოგზაენილი ჩვენდა სალხენად,
ამბატებული ყველაზე და ყველას მეუფე.
მომნიჭებელი უზენაეს ხელოვნებისა,
რამიც ოსტატებს გაუტოლდი ძველი დროისას.

„მერე როგორ არის? მერე როგორ არის?“ — მწვავედ უტრიალებდა თავში, და უცბად გაახსენდა მეორე ნაწყვეტი:

„...როგორილა იქნება... საუკეთესო ნაწარმოებები... (სწორედ ასეა — საუკეთესო ნაწარმოებები) შენი სიმწიფის დროისა?“

— ბოლო კი სულ დამავიწყდა. დიახ, როგორი იქნება სიმწიფის დროის ნაწარმოებები? ისინი დამთავრებულები არიან, ძვირფასო

ფრანჩა... დამთავრებულები... ხვალ ნოტარიუსი მოვა ანდერძისათვის... მგონი, ეს უკვე ვთქვი?

— თქვით, მაესტრო, — გაისმა რაიმონდის ხმა, — ხვალ ნოტარიუსი მოვა... თქვენ კი ლოგინში უნდა დაწვეთ...

რაფაელმა თვალები გაახილა. ნეტავ სახელოსნოში ხომ არ დიდინა?

— ახლავე, მარკანტონიო, წუთით მადროვე... განძრევა არ მინდა.

რაფაელმა თვალი დახუჭა და დადუმდა. გრძნობს, რომ ციებ-ციხელება კვლავ დარევს ხელს, დაუბნელებს გონებას. თვალწინ ეხატება თავისი ცხოვრების სურათები, უღარდელი ბავშვობის სურათები. აგონდება პალიტრისა და ყალჭების პირველი გაცნობა, როცა იგი დედამ ნამცეცა, ახლად ფეხადგმული, მამის სახელოსნოში, საღებავებით მთლიანად დათხუპნული იპოვა და სიცილით დაიძახა:

„ჯოვანი, მოდი, ერთი შეხედე ამ ბუთხუზას: მთლად ცისარტყელას დამსგავსებია!“

რამდენჯერ უამბნია დედას ეს ამბავი!

მერე — მამის სამუშაოები, შეგირდობა...

შემდეგ — პერუჯა... ყვირილი, სისხლი, გვამები.. არ უნდა, არა, ამის გახსენება! და ყველაფერი დაჩრდილა სილამაზემ, ბუნებამ, განცხრომამ, უაზრო ნადიმებმა... აგერ „ხანძარი ბორგოში“... გათხრები... თვალწინ ჩაიქროლებენ დაკრუნჩხული ადამიანები მიწისქვეშა გალერეის წყვდიადში... და ამოტივტივდება პაპის ავბორცი, ნებიერი, გააზიზებულ-მოდუნებული სახე, რომელსაც ხელში ლუპა უქირავს და უძველეს ხელნაწერს ათვალიერებს...

ეს მის მიერ შექმნილი პორტრეტია.

პაპს ჩამოეფარა ქალის დამწუხრებული ფიგურა; იგი სახედრის გვერდით დგას. სახედარიც გულის წამლებად გაჰყვირის თავის „იო-იო-იოს“, მერე კი სასიკვდილოდ განწირული მიწის მთხრელი მიწურში მიჰყავს. შემდეგ ისევ ვატიკანი, ხალიჩები, გალერეების მოჩუქურთმება, სილამაზე... სამოთხისებური სილამაზე... ღმერთო ჩემო... რა ემართება — თითქოს თავი უსკდება... ვატიკანი...

— გითხარით, მონსინიორ ბალთაზარე ტურინის, პაპის კანცელარიის უფროსს, მოახსენონ-მეთქი... მინდა ის იყოს ჩემი ანდერძის აღმსრულებელი...

კვლავ გაისმა გრავიორ რაიმონდის ხმა:

— მაესტრო, ძვირფასო მაესტრო, ეგ ყველაფერი ჩვენთვის ცნობილია. ახლა კი ნება მომეცით ლოგინში დაგაწვინოთ...

რომი ძამბშია

ლოგინში მწოლი რაფაელი ბოდავდა:

მე არავის ვაწყენინებ ჩემს ანდერძში. მერწმუნეთ, მეგობრებო... ყველანი მანსოვხართ. ჩემო მოწაფეებო, ყველაფერს თქვეს გაგინაწილებთ. ოღონდ არ მინდა ეს სიბნელე, არ მინდა! მე სინათლე მინდა, მინდა დავინახო იგი, ჩემი ქმნილება...

რაფაელი თავის უკანასკნელ მადონაზე ლაპარაკობდა, იმაზე, რომელიც წმინდა სიქსტის მონასტრის კედლიდან იმზირება.

შემდეგ კი ტანჯვით იგონებდა:

— ვინ თქვა ხელოვნების შესახებ ეს სიტყვები? ფრანჩამ, ტომთეო დელა ვიტემ, თუ ლეონარდო და ვინჩიმი?—ხელოვნება შედგება ანალიზისა, სინთეზისა და ლოგიკური წინასწარქვერტისაგან... განქვერტისაგანო... დიახ, ეს სწორია... იგი შევქმენი განქვერტით... განქვერტით... ღმერთო, როგორ მტკივა თავი და როგორ მცოცავ!..

მალე, მისი თხოვნის თანახმად, მოვიდნენ ნოტარიუსიც და პაპის კანცელარიის უფროსიც, რომელიც მეგობრულ დამოკიდებულებაში იყო რაფაელთან, მეცენატი ბალთაზარე ტურინი და პეშია, მხატვრის ანდერძის მთავარი აღმსრულებელი. ანდერძში ყველაფერი დაწერილებით იქნა ჩაწერილი, როგორც მომაკვდავს უნდოდა.

— რაფაელმა შემკვიდრებებს გაუწაწილა არა მარტო სახლი საკარმიდამო ნაკვეთით, არამედ სპილენძის ამოკვეთილი ფირფიტებიც.

ერთხელ უკანასკნელად მოვიდა გონს. შემდეგ უკუნეთი ჩამოწვა და აგონია დაიწყო...

რაიმონდს ხელში ფანქარი ეჭირა და ცრემლების ყლაპვით აკეთებდა სახელოსნოს კუთხეში მოკუნტული, მოკრუნჩხული მასწავლებლის ფიგურის მონახაზს; იგი უცნაურად იყო გამოწყობილი: ლაბადა მოესხა, ქუდი ეხურა და წინდები ეცვა, ფეხსაცმელი კი არა...

•

რომი დელავს. ყველგან მხოლოდ იტალიის უდიდესი მხატვრის უიმედო ავადმყოფობაზე ლაპარაკობენ, პაპი დაღვრემილია და არავის ნახვა არ სურს; ის ბრაზობს კარდინალებზე და ბუზღუნებს, რომ მათ ვერ შეძლეს დაეცვათ ვატიკანის მარგალიტი, უმიზეზდება კარისკაცებს და ჭირვეულად ბურტყუნებს:

— ათი ხალიჩა... ჩვენ კი გათვალისწინებული გვექონდა კდეც ორი, მოციქულების რაოდენობის მიხედვით...

დროდადრო ვატიკანიდან მოირბენდნენ შიკრიკები რაფაელის ჯანმრთელობის გასაგებად. პაპი კი კვლავ ბუზღუნებდა:

— ფრთხილად უნდა იყვნენ, რომ ვატიკანში არ შემოიტანონ სენი... აბა, როგორ არის იქ საქმე?

— თქვენო უწმინდესობავ, რაფაელ სანტი, მხატვარი, გონზე ვერ მოდის.

— ექიმები რაღას აკეთებენ?

— ექიმებს გამოჯანმრთელების იმედი აღარა აქვთ, წმინდა მამაო...

— მოშორდით აქედან ყველანი! ექიმებს იმედი აღარა აქვთ! როგორ გვიბედავთ ამის თქმას? უნდა გახსოვდეთ, რომ სიცოცხლეშიც და სიკვდილშიც უფლებამოსილია მხოლოდ ერთი — ყოვლისშემძლე უფალი!..

და პაპი ბრძანებს აღავლინონ ეკლესიებში ლოცვანი მხატვრის გამოსაჯანმრთელებლად. იგი ეუბნება კარდინალებს. რომ რაფაელი არა მარტო სჭირდება მას, არამედ უყვარს კიდევც. როგორც შეილა.

განა მოსდის თავში ამ ტუჩჩამოკიდებულ და გაუშმაძარ ავსორცს, რომ თვითონაა ერთ-ერთი მიზეზი გენიოსის უდროოდ დაღუპვისა, რადგან დაუნდობლად ამუშავებდა; ხშირად ამას აკეთებდა თავისი ახირების გამო, და კიდევ მოულო ბოლო რაფაელს რომის მიწისქვეშა სამუშაოზე გაგზავნით, რომელიც განთქმული იყო თავისი ავთვისებიანი ციებით!..

* * *

რაფაელი ზუსტად შვიდი დღე ავადმყოფობდა. 6 აპრილს, მარხვის ეგრეთ წოდებულ წითელ პარასკევს, აღდგომის წინ, სული დალია. ეს იყო მისი დაბადების დღე. მარტო ვატიკანი კი არა, მთელი რომი გოდებით შეხვდა ამ ცნობას.

დაკრძალვას ჩქარობდნენ: სენი გადამდებად ითვლებოდა და ამიტომ ცხედარი სიკვდილიდან ოცდაოთხი საათის შემდეგ დაკრძალეს. ყველა, ვინც იცნობდა მხატვარს, დასტიროდა მას. სებასტიანო დელ პიომბომაც კი დაივიწყა თავისი მტრული გრძნობები და კეთილი სიტყვით მოიხსენია იგი მიქელანჯელოსადმი გაგზავნილ წერილში:

„ვფიქრობ, თქვენ უკვე გეცოდინებათ საბრალოს გარდაცვალება და უდავოდ, ამ ცნობამ დაგამწუხრათ. დაე, ღმერთმა შეუნდოს მისი ცოდვანი!“

დიდი მხატვრის ნეშტი მისი სახლის დარბაზში მდიდრულ ტახტრევანზე მოათავსეს, გარშემო ცვილის მაღალი სანთლები შემოურიგეს. დილიდან ღამემდე მოდიოდნენ საზოგადოების ყოველი ფენის წარმომადგენლები მისი ნეშტის პატივსაცემად; მათხოვრების ძონძები ირეოდა აბრეშუმსა, ხავერდსა და ფარჩაში.

დიდი იყო მეგობრების გლოვა; ღრმა იყო ხალხის მწუხარება: სიკვდილმა ხომ რაფაელი წაიყვანა ესოდენ ადრე, ოცდაჩვიდმეტი წლის ასაკში! მის სიკვდილს მიეძღვნა მრავალი ლექსი, რომელთა შორის იყო ცნობილი იტალიელი პოეტის არიოსტოს სონეტები, იყო კასტილიონეს გულწრფელი ლექსებიც.

კასტილიონე მწარედ დასტიროდა თავის მეგობარს, იგი ამბობდა, სიკვდილმა მოცელა მხატვარი იმიტომ, რომ მან მკვდარი ქალაქის აღდგენა მოინდომაო.

მანვე მისწერა ჰერცოგინია მანტუანელს, რომლის ელჩადაც თვითონ იყო რომში:

„დასრულდა რაფაელის პირველი სიციცხლე; მისი მეორე სიციცხლე — მისი სიკვდილის შემდგომი დიდება — სამარადისოდ იარსებებს მის ნაწარმოებებში“.

ბევრი ცრემლი დაღვარეს რაფაელის მოწაფეებმა, რომლებიც მის ოჯახს შეადგენდნენ და ღარიბებმა, რომლებმაც იცოდნენ მისი სიკეთე და გულისხმიერება.

ვაზარი, თვითონ მხატვარი და იტალიის მხატვართა ცხოვრების პირველი აღმწერელი, რაფაელის გარდაცვალებისას ცხრა წლის ბიჭი იყო; იგი იგონებს, თუ როგორ იმოქმედა რომზე რაფაელის სიკ-

ვდილმა. ვაზარი ამბობს, რომ ყველას, ვისაც სჭირდებოდა რაფაელის რჩევა, თავისუფლად შეეძლო მიემართა მისთვის. დიდი მხატვარი გვერდზე გადასდებდა ხოლმე თავის სამუშაოს, რათა დახმარებოდა გასაჭირში მყოფ დამწყებ მხატვარს. ვაზარი გულწრფელად წერს:

„უკეთესი იყო მხატვრობაც მომკვდარიყო ამ კეთილშობილ ოსტატთან ერთად, რადგან, როცა მან თვალი მილულა, მხატვრობაც თითქმის დაბრმავდა...“

ქ. ნეტარია ის, ვინც მას ემსახურებოდა, მუშაობდა მისი ხელმძღვანელობით, ვინაიდან ყველა, ვინც მას ბაძავდა, მასავით ღირსეულად აღწევდა სანუკვარ მიზანს“.

• • •

დიდი მხატვარი, მისი სურვილის თანახმად, ძველი რომის შესანიშნავ შენობაში — პანთეონში, ნიშში დაკრძალეს, სადაც, ჩვეულებრივ, წმინდანთა ქანდაკებებს დგამდნენ ხოლმე. მის საფლავზე, აქეთ-იქით, პორფირის ორი კოლონაა, მათ შორის კი რაფაელის მეგობარმა, მოქანდაკე ლორენცეტიმ, მხატვრის ანდერძის თანახმად, მადონას ქანდაკება დადგა, რადგან ეს ხატება იყო ამ გენიოსის შემოქმედების განუყრელი თანამგზავრი.

რამათელის რეპროდუქციების სია

- ე. წ. „მადონა დელ გრანდუკა“. დაახლ. 1504 წ.
ფლორენცია, პიტის სასახლე.
საფლავად დადგება.
რომი, ბორგეზეს გალერეა.
ლეთისმშობლის დაწინდვა.
1504 წ. მილანო, ბრერას მუზეუმი.
- ე. წ. „სტანცა დელა სენიატურა“, მოხატული რამათელის მიერ.
რომი, ვატიკანის სასახლე.
დისპუტა. ფრესკა ე. წ. „სტანცა დელა სენიატურას“ კედელზე.
1509—1510. რომი, ვატიკანის სასახლე.
ათენის სკოლა. ფრესკა ე. წ. „სტანცა დელა სენიატურას“ კედელზე.
1510—1511. რომი, ვატიკანის სასახლე.
პელიოდორეს განდევნა ტაძრიდან. ფრესკა „პელიოდორეს სტანცის“ კედელზე
1511—1512. რომი, ვატიკანის სასახლე.
დანტე. დეტალი ფრესკისა „დისპუტა“
რომი, ვატიკანის სასახლე.
ნახატი „ათენის სკოლის“ დეტალისათვის.
დაახლ. 1510. ოქსფორდი. ეშმოლის მუზეუმი.
შვეიცარიელი მცველი. დეტალი ფრესკისა „წირვა ბოლსენაში“.
რომი, ვატიკანის სასახლე.
ორი შვეიცარიელი მცველი დეტალი ფრესკისა „წირვა ბოლსენაში“.
რომი, ვატიკანის სასახლე.
პაპის იულიუს II-ის პორტრეტი. 1511—1512.
ფლორენცია, უფიცის გალერეა.
კარდინალის პორტრეტი.
დაახლ. 1511. მადრიდი, პრადოს მუზეუმი.
ბალთაზარ კასტილიონეს პორტრეტი.
1516. პარიზი, ლუვრი.
პაპი ლეო X, კარდინალები ლუდოვიკო დე როსი და ჯულიანო დე მედიჩი.
ფლორენცია, პიტის სასახლე. 1518—1519.
სიქსტეს მადონა.
დაახლ. 1514. დრეზდენის გალერეა.
ლეთისმშობელი თევზით.
დაახლ. 1914. მადრიდი, პრადოს მუზეუმი.
თევზის სასწაულებრივი მონადირება. კარტონი სალონ-საფების.
1515—1516. ლონდონი, ვიქტორიასა და ალბერტის მუზეუმი.
წმინდა ცეცილია.
1514—1516. ბოლონია, პინაკოტეკა.
რომი, ვატიკანის „ლოჯიები“.
1517—1519 წწ.




ე. ნ. „მადონა დელ გრანდუკა“. დაახლ. 1504 წ
ფლორენცია. პიტის სსახლში.




საფლავად დადება.
რომი, ბორგუზეს გალერეა.




ლეთისმშობლის დანინდვა.
1504 წ. მილანო, ბრეას მუზეუმი.




როში, ვატოკანის სასახლე, ე. ნ. „ატანა ელა სენოატურა“. მოხატული რაფაელის მიერ.



დისპუტა. ფრესკა ე. ნ. „სტანტა დელა სენიატურას“. კეჩელზე
1509—1510. რომი. ვატიკანის სასახლე.



ათენის სკოლა ფრესკა ე ნ სტანტა დელა სენიატურასი კეველიზე
1510—1511. რომი, ვატიკანის სასახლე.



„ქელოღორეს განდევნა ტაბრიჯან. ფრესკა „ქელოღორეს სტანკის“ კედელზე.
1511—1512. რომი. ვიტკანის სასახლე.



დანტე. დიდი ფრესკისა „დისპუტა“
რომი. ვატიკანის სასახლე.



ნაზატი „ათენის სკოლის“ დეტალისათვის.
დაახლ. 1510. ოქსფორდი, ეშმოლის მუზეუმი.



შვეიცარიელი მცველი. დეტალი ფრესკისა „წირვა ბოდსენაში“.
რომი, ვატიკანის სასახლე.



ორი შვეიცარიელი მცველი. ღებადი ფრესკისა „წირვა ბოლსენაში“.
რომი, ვატიკანის სასახლე.



პაპის იულიუს II-ის პორტრეტი. 1511—1512.
ფლორენცია, უფიცის გალერეა.



კარდინალის პორტრეტი.

დაახლ. 1511. მადრიდი, პრადოს მუზეუმი.



ბატალარი კასტილიონეს პორტრეტი.
1:16. პარიზი, ლუვრი



პაპი დეო X, კარდინალები დულოვიკო დე როსი და ვუდიანო დე მედიჩი.
ფლორენცია, პიტის სასახლე. 1518—1519.



სიქსტეს მაღონა.

დაახლ. 1514. დრებუდენის ვალერეა.




ღეთისმშობელი თევზით.
დაახლ. 1514. მადრიდი, პაიდოს ნუზენი.



თევზის სასწაულებრივი მონადირება. კარტონი ხალიჩისათვის.
1515—1516. ლონდონი, ვიქტორიასა და ალბერტის მუზეუმი.



წმინდა ცეცილია.
1514—1516. ბოლონია. პინაკოტეკა.



რომი, ვატიკანის „ღვთაობები“.
1517—1519 წწ.

შ ი ნ ა ა რ ს ი

პირველი ნაწილი

პირველი წლები

შეთიანი დღეები ურბინოში	3
მეხის გავარდნა მოწმენდილ ცაზე	10
ცხოვრება თავიდან უნდა მოეწყოს	15
მშფოთვარე პერუჯაში	23
მიზანს მიაღწია	29
აქაც ქარიშხალია	33

მეორე ნაწილი

ო ს ტ ა ტ ო ბ ა

ფლორენცია	41
ცხოვრებამ გაიტაცა	47
ფართო გზაზე	53
მისი უწმინდესობა და ვატიკანი	59
მხატვარი და პაპი	67
არწივი და მართევეები	71
მოყვრებსა და მტრებს შორის	76
იულიუს II-ის უკანასკნელი დღეები	82

უკანასკნელი წლები

როზი და ვატიკანი ლუი X-ის დროს	85
მეორე მხარე	91
მისი უწმინდესობის ბრძანებით	98
მიწის ქვეშ	103
მადონა	110
მსხვერპლი	118
რომი ძაძებშია	124
რაფაელის რეპროდუქციების სია	128